





# TRAITE DES DEVISES.



A jouissance pu-  
blique pour ces al-  
liances entre les  
deux plus puissans  
Rois & Royaumes  
de la Chrestientè,  
ayant donné sujet à  
cette genereuse  
Noblesse Françoisè d'en témoigner son  
contentement, par tant de magnificen-  
ces, combas, entrees & courses de che-  
ualiers, soit tenans, soit assaillans, par des  
sompptueux habis, masques, livrées, ban-  
derolles, machines, & chars triomfaux,



escus, çalades, heaumes, cimiers, armes de leurs maisons, & devises particulieres, à reveillé les plus curieux esprits, de sçavoir que c'estoit des devises, dont l'usage est si ancien & commun, parmy toutes fortes de nations: & toutes-fois les loix sur lesquelles on les à establies, en sont peu conneuës, & tres-mal prattiquees, comme il se peut dire, qu'en la place Royale plusieurs y ont fait peindre des devises, ou sur le chasteau de la felicité, ou sur leurs chariots & machines, où sur leurs cazaques, banderolles & escus, dont on ne pourroit pas bien rendre la raison certaine, ny moins en deffendre les inventions, si on les veut rapporter aux regles anciennes. Ce qui est cause que j'ay esté prié, recueillir, & revoir partie de ce dont i'en ay voulu autres-foys tracer quelques lignes, & m'y suis facilement consenty pour le service de leurs Majestez en faveur des grands, & du public. Car iusques à present nul de nos François, que ie scache n'y a donné aucune atteinte: comme à la verité nostre noblesse a esté plus soucieuse à bien faire, qu'à bien dire, ou bien escrire. J'ay



bien leu vntraitté ancien rudement fait par vn heraut sur le fait des livrees, que les Italiens ont translaté en leur vulgaire. Il se trouve bien aussi quelques recueils d'armoiries, dont les regles sont mieux observees en France & en Angleterre, qu'en nulle autre partie du monde: mais ce n'est pas icy le subiect, que ie me suis proposé quant a present, & me suffit d'en avoir faict la recherche assez exacte en mon recueil des armes de tous les chevaliers anciens de l'ordre saint Michel.

Les Rois ont de toute ancienneté accoustumé d'accompagner leurs escus de belles devises, leurs archers ainsi nommez par ce qu'anciennement ils portoient l'arc sont revetus de hoquetons, mot emprunté du Grec, couvert de pailletes ou escailles d'argent doré, qu'on fouloit appeller orfrais, ouvrages d'orfevres pour la dessus employer les devises du Roy, & Communes appelle tels archers orfevrifez du tems de Charles 7. qui changea leurs arcs en halebardes, desquelles devises i'en trouve la raison fort bonne. Car soit qu'ils entreprennent quelques ouvrages publics & forte,



resses soit qu'ils facent bastir quelque chasteau, ou maison de plaifance, l'une & l'autre de ces marques y sont mises sur les frontispices & en tous les lieux plus eminens, afin que la memoire de l'auteur en soit perpetuee: autrement s'il ny avoit que les seules fleurs de lis, on ne pourroit discerner au vray en quel tems, & sous quel Roy l'ouvrage auroit esté commencé ou paracheué.

Mesmes il ny any Gentil-homme, ny particulier, qui ne vueille honorer sa maison, ou de l'effigie, ou pour le moins des armes & devise de son Roy. Car quant à la face du Roy faite apres le naturel, tout chacun n'est pas capable d'en avoir une au vif, ny de la payer ce qu'elle vaut, & aussi qu'il se trouve peu de bons ouvriers dignes de s'en attribuer la gloire, qui fut cause qu'Alexandre le Grand ne vouloit estre representé de relief, sinon du cizeau de Lysippe ny en plate peinture, sinon du pinceau d'Apelle. Et faut que nous confession que l'accusation de Tasse contre notre nation à quelque apparence, quand il se rit de nos vieux peintres trop grossiers qui en leurs



## D E V I S E S.

tableaux adioutoient de petis mots, icy est le lievre, icy le chien, vray certain & asseuré temoignage de leur ignorance, il a pris cela d'Eliau.

Paul-Ioue Evesque de Nocerre apres tant de gros volumes de ses histoires & eloges à fait vn petit dialogue de devises où tout au commencement, sans s'arrester aux hieroglifiques des vieux Egyptiens, il reconnoit de bonne foy, que les Italiens en ont appris l'usage de nos Barons, lors qu'ils ont passé les monts, à la conqueste de Naples, & de la Lombardie.

Mais il adjouste que nous en avon pris l'imitation des plus anciens Princes & Capitaines de diverses contrees, dont il nomme quelques vns, entre autres de ceux que denombre Virgile livre VIII. au catalogue des Chevaliers, qui vindrent pour & contre Enee. Il remarque apres Pindare & Stace, que le Profete Amfiaras à la guerre de Thebes, portoit vn Dragon pour devise, Vlysse deuant Troye vn Dofin, Persee la Gorgone, Capané vne Hydre, Polynice vn Sfinx. Il emprunte de Plutarque en Marius, que



les Cimbres & Teutons portoient leurs armes gravees de diverses especes de bestes sauvages: & dit-on, que ce Marius fut le premier qui prit l'Aigle pour son enseigne tesmoin Valere Maxime. Pompee s'armoit d'un Lion tenant un glaive, encor que Dion luy donne trois trofees, qui se sont veus gravez en l'anneau, qui fut apporté à son beau-pere Jules Cesar, à la veüe duquel il se prit à pleurer.

Les legions Romaines portoient le loup, le cheval, le chevreau, le minotaure. Il ny à pas mesmes iusques aux medailles & monoyes, que le revers n'ayt eu vne devise, celle d'Auguste vne ancre entortillee d'un Daufin avec ce mot, *Festinalente*. Vespasien apres luy prit le papillon, & l'escreviffe avec le mot *Matura*, Auguste sur ses vieux iours grava en son anneau l'image d'Alexandre le Grand, qui aussi de son tems avoit porté le serpent, voulant faire croire que Jupiter avoit conneu sa mere sous la peau de cet animal, & en fin Auguste scela de sa propre image. Troque Pompee dernier lieu de son histoire dit, que son ayeul



avoit la garde des sceaux de Iules Cesar, sans exprimer sa devise : sinon que nous avons appris d'ailleurs son VENI, VIDI, VICI. Et dit Iustin que telle fut l'usage des vieux Romains d'avoir quelques devises gravees en leurs anneaux & cachets : Nos loix Romaines en sont toutes pleines, quand elles veulent que les Testaments des citoyens soient faits solennels par l'apposition des sept signets ou cachets de leurs citoyens.

Et finalement Iove met en ieu les Paladins de France, dont Renaut portoit le Lion freté, Olivier le Grison, Astolfe le Leopard, Oger le Danois l'Eschele, Salomon de Bretagne l'Echequier, Ganes le Faucon peregrin, ie trouve qu'il le changea pour les Alelions, & ainsi des autres, iusques aux Chevaliers de la table ronde, encores que quelques vns ayent douté si c'estoient armes ou devises, entre lesquelles y a quelque conformité : mais nous prouveron qu'il y a grand difference, encor que celles-là puissent estre provenues de celles-cy.

Et pour ce dès le commencement se faut tenir averty de ne point confondre



les diverses especes des symboles: dont les vnes sont Emblemes, les autres Enigmes, les autres Anagrammes, autres Epigrammes, autres sentences ou proverbes, autres apofthegmes, autres devises, qui sont celles dont nous pretendon parler & vous exposer proprement, que c'est ce qui se connoistra mieux quand nous sçauron que symbole y peut servir de mot general & convenable à tous & en particulier.

Emblemes se peuvent dire ornemens, marqueteries, ou bigarreures, qui se peignent ou gravent sur murailles, tableaux, vases, ou autres vstanciles, à l'instruction & delectation de l'esprit & de l'œil: dont depuis on en a emprunté de Lucili<sup>9</sup> ce mot, pour signifier la peinture d'une histoire, ou fable, ou d'autre chose ingenieusement inventee, afin d'en tirer quelques avis moraux, politiques ou filosofiques: & de là est venu le Titre, qu'Alciat, Adrian le ieune, Jean Soreau, Barthelemy Anneau, Achilles Bocchius & autres ont donné à leurs peintes poësies: dont l'œuvre de ce grand Iurisqueult a esté si bien recueilly de tout le



monde, que Claude Minos Dijonnois s'y est ouvert vn cham fort ample & delicieux pour discourir des points principaux de tout ce que les filosofes & historiens ont parsemé de doctrine en tous les livres.

Vous pouvez y représenter tout ce qui vous vient à gré, tout ce qu'Orus Apollon & ceux de sa suite ont rapporté de leurs hieroglyphiques: mesmes y peindre des hommes en Emblemes voire des armées entieres, pour de là entirer quelque gentil sens: ce qui n'est permis en matiere de devises, esquelles peu ou point ne se doit voir de faces humaines. Sur tout m'ont fort agréé; les hieroglyphiques d'un navire regi par vn gouverneur, qui represente selon Iamblic, Dieu premier moteur & premiere cause de toutes choses. Et pour vn Roy le sceptre au haut duquel est peint vn œil.

Les Enigmes ou Grifes, soit en images ou en propos, sont & doivent estre pleins d'obscurité difficiles à soudre, & ayant divers sens reservéz à l'auteur seul, ou à peu de bien-avisez en tels negoces. Dont quelque vn dira peut estre



# IO    T R A I T T E   D E   S

probablement sa ratelee : mais personne n'en frappera au but , ains en demeurera l'entente au diseur : comme ce qui fut proposé à Edipe , qui mérita vn Royau-  
me pour avoir le premier & seul deviné cet animal qui au matin marche à quatre  
pieds, sur le midy à deux , sur le soir à  
trois. C'est l'homme en ses trois aages  
d'enfance, virilité & vieillesse , ou qui  
donneroit à penser, qui est cette fille qui  
engendre sa mere. On ne s'avisera pas  
du premier coup de dire , que c'est la  
glace qui vient de l'eau & y retourne.  
Loys Aleaume c'est à dire Erasme Lieu-  
tenant general d'Orleans, sçavant, & bon  
iuge composa vn long poëme heroïque,  
auquel il donna ce titre , *Obscura claritas*,  
apres l'avoir tout leu avec plaisir , on  
trouvoit que cet Enigme n'estoit qu'une  
Lanterne.

Il peut bien avenir quelques-fois qu'un  
Enigme se trouvera bon, ores pour Em-  
bleme, ores pour devise ; selon l'usage  
où il sera appliqué : mais il est trop diffi-  
cile, & qu'il en faille aller à l'oracle on le  
tiendra à mespris, & au fort on les nom-  
mera plates peintures, Enigmes, graveu-



res sacrees, ou caracteres de la Chine,  
& des Abissins.

Les Anagrammes sont devenus si vulgaires, qu'il ny à si petit, qui ne se mesle de tourne-virer son nom par transposition de lettres, ou quelques-fois de seules syllabes qui sont Anasyllabismes & non Anagrammatismes. Le commentaire de Lycosron fait mention de quelques inversions de noms, dont son auteur avoit usé, comme du Roy Ptolomee, & de la Royne Arsinoë son espouse, que ie ne veux mettre en ce lieu pour en estre la version Gregoise: me contenant de dire que de François de Valois en provient de façon soit Royal, & de Henry de Valois, Roy & de nul hay, encor que leur vray nom ne fust pas de Valois, devant qu'estre Roy François s'appelloit d'Orleans.

Quoy qu'Artemidore aye tenu, que par les inversions de noms, on peut exposer des songes : si ne peut il me persuader, qu'il y aye quelque doctrine ou cabale cachee sous ces transpositions de lettres, ny ie ne peux approuver l'invtile labour de ceux qui comme des syfises



roulent des cailloux au haut d'une montagne, travaillent en vain par une docte faineantise à tourner des noms, pour y trouver leurs propres louanges plus flatteuses que vraies : quelques-fois aussi des railleurs y trouvent des blasons & brocards. l'en ay veu plusieurs fort passionnez de cette demangaison & delicatesse que ie laisse se chatouiller à leur aise, pour se faire rire : qu'ils ayment tant que bon leur semblera, & sans corival ces superfluitez : Les iudicieux antiquaires ne feront gueres de cas de ces Anagrammes, s'ils ne contiennent ou quelque belle & grave sentence, ou quelque gentile devise,

Autant en pourroit-on dire des Acrostiches qui sont une disposition de lettres Capitales au commencement de quelques vers, comme on voit aux arguments & sommaires des Comedies de Plaute chaque premiere lettre se porte au nom de la comedie. Ainsi Eusebe en la preparation Evangelique rapporte certain poëme de la Sibyle Erythree, dont de chaque premiere lettre resultant des mots contenant la profecie du



nom de nostre Sauveur & de sa Croix. Et sont translatez par saint Augustin en autant de vers avec la mesme observation & ordre de lettres, dont le premier vers est, *Iudicij signum tellus sudore madescet*, & contiennent les quinze signes du grand iour du iugement dernier, ils sont transcrits dans mon Pierre Abeillards, à qui i'espere bien tost faire voir la lumie-  
re.

Ie r'envoye toutes ces recherches curieuses avec les figures de la hache, de l'œuf & autres, qui sont à la fin de Theocrite & dans Porfyre, & Raban More, Autheurs plus admirables qu'imitables. Si ne veux-je pourtant celer ny dissimuler qu'en mon adolescence, ie n'y aye employé quelques vnes de mes heures aussi bien que les autres: tescmoin ce dytique fait sur le chemin de Rome adressant par le poëte à son compagnon de voyage nommé le Sieur Tedet, qui estoit aussi alteré que son mulet.

*Et tenet assa sitis Mulum, sitis assa tenet te,  
Ebibe, te det amor Roma, TEDETE, Bibe.*

Il se trouvera retrograde, lettre pour lettre, chaque vers endroit soy, à l'imi-



tation de celuy qui est tant estimé & admiré dans Sidoine Apollinaire.

*Signate signa, temerè me tangis & angis.*

*Roma tibi subito motibus ibit amor.*

Des Epigrammes ne viendront à nostre propos, si ce ne sont breves inscriptions pour mettre en titre vn hemystiche ou au plus vn vers, ou vn distique: si l'on outre-passe ces bornes ie les renvoye parmy les poëmes.

Les sentences qui sont courtes & de bon sens, sont bien duisantes aux Princes, Prelats & gens de sçavoir, & peuvent servir pour devises, si elles sont accompagnées des autres qualitez que nous y desireron cy-apres; & de mesme vn proverbe que les anciens appellent, Adage ny aura pas mauvaise grace, & les refrains aussi qui sont entre nous, des palinodes, ou vers repetez és fins des chams royaux, balades & rondeaux, pieces de la vieille rime. Car l'Espagnol donne bien vne signification plus pregnante à ce qu'ils appellent Refranes, qui sont proverbes mots de gueule, aigus, poignans & pleins de subtilité, & quelques fois brocards de raillerie: Dont s'en



voit vn recueil de iuste grosseur : & la pluspart se peuvēt tourner en Apofthegmes, tels qu'en voyez dans Plutarque, au livre des dits & propos notables, des Rois, Capitaines & personnes illustres: dont se peuvent bien former des devises parfaites en ame, & cors: comme de ce Lacedemonien, auquel on demande pourquoy il avoit peint vne mouche si petite en son bouclier, respondit pour m'approcher pluspres de l'ennemy. Iulles Cesar à tant aymé ces bons mots, qu'il en dresse des recueils & notamment de ceux de Ciceron qui s'en mesloit quelques-fois à bon escient, comme celuy qui en a donné des preceptes, en ses livres de l'Orateur.

Ce que ie viens de dire de celuy qui portoit vne mouche en son escu, se peut rapporter à vne preuve de l'ancienneté des armoiries, qui ont commencé par devises & enseignes militaires : mais n'ont pas esté tousiours continuees de pere en fils, & en mesme race, comme on a faict des derniers siecles. D'autant que les images de cire des ancestres, lesquels avoient obtenu quelques Magi-



strats, honneurs, & marques de leur vertu se gardoient en des auroires, par leurs descendans, qui en faisoient parade aux obseques & funerailles de ceux de leur race, pour preuve de leur noblesse, qu'Aristote definissoit, Richesse gardée de longue main, avec vertu.

Il y à bien de la difference entre les armoiries & devises: il y peut auoir aussi quelque conformité. Celles-là sont pour toute vne famille, voire pour toute vne gentilité, avec successions des descendans & collateraux, & sont astringees à deux metaux or & argent quatre couleurs simples, fable, synople, gueule, azul, & vne couleur melangée, pourpre qui est proprement le colombin: dont la principale regle est de ne mettre metal sur metal, ny couleur sur couleur; Et quelques-fois l'écusson ne porté rien, sinon vn metal & vne couleur, comme Salusses ou ecartelé cōme d'or & gueules c'est Biron ou Gontaut d'argent & d'azur c'est Cravant de Lingay. Quelque fois vne seule face d'argent en champ de gueule comme Autriche: quelque fois le pal d'or & de Geules, comme Valence,



lence & Amboyse.

Quelque fois il y aura vne bande, vn chef, vn chevron, vn brisé, vn lambel, vne cotice, vne iumelle, vn gousset, vne pointe, vn goufanon, vne ecarboucle, vne emmancheure, vne endenteure, vn bord, vn compont, vn creneau, vne brifeure, vn grillet, vne diapreure, vn papelonné, vn plumeté, vn orle, vne engreleure, vn giron, vn maugiron, vne otelée, vne bille, vn rubis, vne goutte, vn vair, vne ermine, vn burelé, vn besan, vn tourteau, vn pal contre pal, vne face contre face, vn freté, vn fautoir, vne coiffise, vne lozange, vne macle, vne fusée, vne echiquier, vne bille, vne croix fichée, patee, ancree, potencee, florencee, recroisee, resarcelee, raccourcie, longue sur degrez, de huit pointes, a pointee de vairs, bourdonee ou pommelee, & en tout cela on ny recherche nulle signification, non plus que si c'estoit des pures couleurs & livrees. Quoy que ce soit il ny a point d'escriture, si ce n'est en la maison de Mendozze où se voit escrit AVE MARIA. Es escus de Luques, & Sienne y a LIBERTAS, l'vne en Chef,



l'autre en Bende. A toute cette science armoriale ie ne veux m'arrester quant à present, ny parler des tymbres, mantelets, bourelets, fueillars & autres assortissemens & enrichissemens : d'autant que i'en ay traitté en mon petit recueit des armes des Chevaliers de l'ordre de saint Michel.

Mais les devises visent à tout autre but d'exprimer par vne peinture de chose visible, & par vne brefve sentence, comme parlante quelque gentile conception ou apprehension, que l'on veut tenir partie ouverte, partie cachee, sans estre sugettes à certaines couleurs ou metaux, comme les armoiries qui ne peuvent recevoir autres metaux qu'Or & Argent, ny autres couleurs que sable, synople, azul, gueules ou pourpre & encor est on astreint à se garder de couleur sur couleur, ou metal sur metal.

C'est pourquoy on à dit que devise se peut definir en cette sorte: vne signification de nostre esprit & pensee, soubz vn noeud de paroles & de choses, sans que les devises soient attachees à certaines peintures, ny à certain subiect, autre



que de la franche volonté, & du choix, qu'il a pleu en faire au porteur, qui s'égayé dans les pleines du Ciel, l'étendue de la terre, le vuide de l'air, le vague de l'Océan dans le sein de la nature, dans les secrets de toutes les parties de la Philosophie, & sans astringre ses heritiers ou successeurs généraux ou particuliers de les retenir ou garder : si ce n'est qu'il y a quelques devises familiares & hereditaires en vne race, comme de l'espée avec ce mot ἀπαλῶς en celle de Montmorency, vraye pepiniere de tant de vaillans Connestables, Mareschaux & Admiraux de France.

Les Rois & Princes peuvent enrichir leurs devises de couronnes, guirlandes & trofees, & au surplus les peintres, tailleurs & brodeurs y adioutent tels enrichissemens & embelissemens que bon leur semble. Comme on dict qu'il n'appartient pas à tous de frapper à la porte des muses, & qu'on ne fait pas vn Mercure de chaque bois : ainsi n'est-ce pas chose facile à chacun, d'inventer vne devise parfaitement bonne. Il faut que cela parte d'un esprit vif & fecond, con-



sommé en toutes sciences , riche d'inventions qui dependent de la lettre & observation de tous les escrits des anciens.

Le Pape Vrbain second de ce nom quand en l'an mil nonante sept, il delibera & conclud au Concile de Clermôt en Auvergne, cette magnanime entreprise de la guerre sainte de François, pour le recouvrement de la terre sainte, il donna aux croisez pour devise & cry de guerre ce mot DIEV LE VEVT, & pour marque vne croix de Gueules.

Venon maintenant à dechiffrer quelques regles sur le fait de nos devises, que Paul-Iove dit estre sujettes à cinq conditions principales.

La premiere est qu'il faut qu'elle soit composee de corps & d'ame, avec iuste proportion de l'un à l'autre, & de tous deux à la personne, qui la doit porter.

La seconde quelle ne soit tant obscure qu'il y faille vne Sybille pour Truchement, où si claire que le premier rustique en puisse aller comme on diët à la moutarde.

La troisieme que l'apparence en soit



belle, donnant plaisir & delectation de la premiere rencontre comme d'un Soleil, vn croissant, vn feu, vn arbre verdoyant, vn outil mecanique, vn animal bizarre, vn oyseau fantastique, vn poisson tel qu'on voudra, pourveu qu'il ne soit de mer si esloignee qu'au delà de nous en soit le nom & la connoissance.

La quatriesme qu'on se garde sur tout d'y mettre aucune forme ou face humaine.

La cinquiesme que le mot soit le plus souvent d'une langue diverse de la maternelle de celui qui la porte, afin d'y faire deviner plus long tems.

On y adjousterà encor qu'elle soit en peu de paroles comme de trois mots, au plus de neuf syllabes, si ce n'est quelque vers hemistiche, ou sentence qu'on ne pourroit racourcir.

Pour l'exposition de la premiere, le cors de la devise, c'est la peinture qui se presente pour objet à nos sens : l'Ame c'est le mot qui anime ce qui est peint, ainsi les sages Hebreux disoient toute la loy, voyre toute l'Ecriture sainte, estre semblable à vn animal, duquel le corps



ce sont le texte & les mots; mais l'ame s'en est le sens obscur caché au dessoubz, ce que Filon Iuif confirmé au livre de la vie contemplative: & se remarque par toute la Bible, spécialement au Cantique des Cantiques lesquels saint Augustin livre de Genese à la lettre dit estre vne perpetuelle narration, non des choses avenues, ains des choses figurees. Et saint Gregoire Niss. l'appelle le secret de la Philosophie & de la contemplation.

C'est vn accouplement & mariage necessaire de l'un à l'autre. Si est-ce qu'il s'est trouvé des ames de devises, sans corps & aussi des corps sans ame. Osine ne grand Calife ayant perdu l'anneau de Cachet de ce faux Profete Mahomet son maistre & predecesseur en fit refaire vn autre, où il ne mit autre graveure que ces mots, ô durs cœurs, soyez penitens, Hali qui veut autant à dire qu'Helie apres avoir oppressé cet Osinene & vsuré son Empire, & sa place de Calife sur toute la gent Sarrazinesque. N'avoit autre figure en son grand sceau, que cette devise, D'un cœur sincere i'adore Dieu, puis Alhaceme qui le suyvoit sceelloit de



cette-cy: Dieu seul est tout puissant. Et Muavias qui tint ce mesme Empire & faux Pontificat vingt quatre ans, ne mettoit en son grand sceel, que cette priere pour devise, ô Dieu pardonne moy.

Et Iesede son fils cette-cy: Dieu est Monseigneur. Quelles roses entre des espines! Quelle polisseure en des Arabes & Barbares! Quelle crainte de Dieu en si grande impieté.

Ces ennemis de la foy Chrestienne doivent il plus servir d'exemple & de lumiere aux Princes qui en sont les prote-cteurs?

Iules Cesar à rendu assez celebre son VENI, VIDI, VICI.

Cesar Borgia Duc de Valentinois portoit en ses bannieres cette seule ame sans corps, AVT CESAR, AVT NIHIL. Il estoit Cesar de nom & devint rien en effect, car voulant tenter fortune il fut defait à Novarre. Il fut tous les deux, & ny l'un ny l'autre. Dont fut fait ce dytique par moquerie.

*Borgia Cesar eram factis, & nomine Cesar?  
Aut nihil aut Cesar, dixit, utrumque fuit,  
Et vn autre.*



*Aut nihil aut Cæsar vexillo pingis inani,*

*Pro magno fies Cæsare stultie nihil.*

Son frere Dom Francisque Duc de Candie fit pareille rencontre en sa chimerique devise prognostiquant son malheur, *Ferunt summos fulmina montes*. Il estoit eslevé en faveurs, haut comme vne montagne, son frere Cæsar par ialousie le ferit d'un si grand coup, qu'il le renversa mort à ses pieds, & le precipita dans le Tybre, comme vn Faëton dans le Pau, dont Sannazar prit occasion de dire que le pere commun de ces deux freres estoit devenu vray pescheur d'hommes, ayant fait deployer des rets dans ce fleuve pour y pescher le corps de son fils. Le sayon des Archers du Roy Charles VIII. qui conquist Naples, ne portoient qu'un K. son pere ne luy fit apprendre que cette devise, *Qui nescit dissimulare, nescit regnare*. Vn Tholosain emprunta ce mot, *Si Deus pro nobis quis contra nos* & qu'il dora sur son portail en marbre: mais representant quelques combats de bestes à cornes en vn carnaval, il en receut vn coup dont il mourut: & lors quelqu'un y ajouta ce mot, VACCA.



Ce grand Docteur de Loix , Iason de Mayne ne se soucia guere de trouver vn corps à ceste sienne devise , *VIRTUTI FORTUNA COMES*. Qu'il fit graver sur la porte de son palais à Paris , où il fut honoré en sa chaise de la presence du Roy Louys XII. & des seigneurs de sa court , qui le daignerent bien ouir interpretant la celebre loy Gallus.

Ce divin Charles-magne eut deux devises sans corps. *Christus vivit , Regnat imperat* , qu'il fit mettre à sa monoye , & nos Rois en ont depuis bordé les leurs , & la seconde fut , *Gratia Dei sum , quod sum* , que la Royne Ianne d'Albret à aussi mise en ses testons. Othon 2. Allemand , *Adversus vitia bellum*. Othon 3. son fils , *Virtus unica fortior*. Henry III. *Multi multa sciunt , se nemo*. Ferri 2. d'Autriche , *Somnum bonum , bonus exitus*. Charles 4. de Luxembourg , *Optimum aliena frui insania*. Ferri 3. *Irrecuperabilium fœlix oblivio*. Ferdinand 2. *Fiat ius aut pereat mundus*. De toutes ces devises nous n'en voyon que les ames, les corps en sont demeurez invisibles. Autant en peut-on estimer de celle du grand Georges Le-



gat d'Amboyse qui acquit au Roy Loys XII. son maistre ce beau titre de pere du peuple. *Pontifices agite, & vos Reges dicite iusta*, qui se void avec son effigie sur la porte de la chambre du conseil au Parlement de Roüen.

Anthoine de Leve grand Capitaine prit ceste devise, *Sic vos non vobis*, lors que l'Empereur Charles V. fut couronné à Bologne la grasse : n'ayant eu besoin d'autre peinture pour faire entendre qu'il se douloit d'avoir travaillé, non pour son profit particulier : ains pour François Sforce qui par son moyen recouvra la Duché de Milan sans luy vser d'aucune reconnoissance.

Ronsard portoit cet hemistich de Theocrite, *ὦς ἰδὼν ὦς ἐμὲν*. Marot, *la mort ny mort*, O ronce, *Fine virescit vulnere virtus*. Iacques Gohorri, l'envie d'envie, envie. Ioachim du Bellay. Cetty-cy d'Horace, *Celo musa beat*. Estienne Pasquier, *Genio & ingenio*. Martin Medecin, *Vita utrosa*. N. de Herbriay Sieur des Essars, *Accuerdo, Olvido*. F. Iuret, *Cura finis certus*. B. Vigenere, *Deus nobis hec otia facit*. Guillaume des Autels, *Non*

*ociosus in ocio.* Pontus de Thyard. *Amour*  
*immortelle à tous*, sans peinture, Messire  
Anne du Bourg Chancelier de France,  
deslors qu'il n'estoit que Maistre des  
Requestes portoit pour devise, *du Bourg*  
*en la Cité*, peinture, depuis il prit *Lilium*  
*inter spinas*, conforme à ses armoiries  
qui sont d'Azul à trois tiges d'espines  
d'argent peries en pal.

Les symboles tant renommez de Pythagore, sont devises & adages sans aucune effigie, comme cette sentence generale. *Stateram ne transilias*, qui se peut appliquer à diverses significations, & v-sages: comme de garder iuste poix & mesure: de n'estre point trop chiche: d'apporter vn temperamment & mediocrité en toutes choses, mesmes aux estudes. La plus morale interpretation est celle qui advertit les Roys & Magistrats de garder le prix & autorité des Loix, & de contenir en tout devoir les peuples à eux soubs-mis, regardant soigneusement le portrait d'Astree, tenant la balance comme Nemesis avec les viues couleurs, qu'y à traces Carneades en son livre & de la vertu & de la volupté,



citée dans A. Gelle livre xiv.

Autre de ne porter vn Anneau trop estroit, qui est de ne perdre la liberté, don precieux & inestimable, & ne se precipiter en seruitude volontaire, figurée par ce qui nous environne & tient contrains, comme vn Carcan, fers ou menottes au col, aux pieds ou aux mains. La bague quelque riche & precieuse qu'elle puisse estre, serre quelque fois & geheine le doigt qui la porte, & ne s'en peut-on defaire à toutes les heures qu'on le desireroit.

L'origine des anneaux, on la prend de Promethé lequel en memoire de ce qu'il fut deliuré par Hercule mit a son doigt vne bague de fer de l'vn de ses chainons, & y enchassa vn morceau du rocher sur lequel il auoit esté attaché & lié.

Autre de ne fouir le feu avec le glayue. Porfyre par le feu qui se gardoit dans les temples en Perse & à Rome entend la Nature Divine, de laquelle il se faut garder de parler à la volée, ni de la passer par le fil d'vne langue temeraire & blasphemante. On prend encor cet avertissement de ne point irriter la colere des

Rois, & plus puissans : pour ne point encourir le malencontre de celuy qu'Antigone commande luy estre amené par main-mise, qui se plaignoit qu'on l'aloit presenter pour estre deuoré par vn Cyclope, taxant ce Roy d'auoir perdu vn œil, dont il fut si depit ; quand le rapport luy en fut fait, qu'il commanda qu'on menast soudain le brocardeur au supplice.

De ne manger ni du cœur, ni de la cervelle. Il ny a persone qui n'entende assez que c'est vne deffence de ne se donner en proye à la tristesse & melancholie, comme ce Bellerofon duquel Homere dit qu'il se rongeoit luy même le cœur fuyant la conuersation des hommes.

De s'abstenir de la fève & du poisson, le premier ce n'est point parce que la fève est de mauuais iuc ni que ses fumees envoient au cerueau de terribles reueries : c'est plustot ce que Plutarque de l'institution des enfans : & Lucian en disent que pour les suffrages, les Iuges & magistrats se seruent de fèves, comme de balotes. Le second pourroit bien estre, que les poissons n'estoient employez aux



30      T R A I T T É   D E S  
sacrifices, comme les plus vils, & impar-  
faits de tous les animaux.

Et pour le dernier remettrons encor  
ce symbole, *Adore assis*, que le sieur de  
Pybrac a bien interpreté pour ne faire  
aucuns veus & prieres, sinon de ce qui est  
le meilleur & le plus necessaire, & y per-  
seuerer d'un cœur constant, parce que  
l'ame reposée se rend plus sage & rassise:  
mesme qu'il est enjoint par les loix, que  
les Iuges ne prononcent leurs sentences,  
sinon assis en leurs sieges, & au lieu com-  
me on dit, des Majeurs.

Assez & plus qu'assez de tels symboles  
Pythagoriques se trouvent parsemez ça  
& là dans les bons auteurs: Dont Eras-  
me en a fait quelque recueil en ses Chi-  
liades. Et pourquoy les autres Filosofes  
n'auront ils pas eu leurs deuises? Socrate  
leur maistre n'a-il pas eu la sienne, si fre-  
quente en sa bouche? quand il disoit. *Ie  
ne sçay rien, mais ie sçay cela seulement que ie  
ne sçay rien.* Ce que quelque Espagnol  
a aussi tourné, *Ben sabe il sabio que non sabe:  
il necio piensa que sabe.*

Les autres sept qui par honneur ont été  
blazonnez sages de Grece, n'ont ils pas

en chacun vne excellente devise , entre plusieurs?

Vienne Solon le premier , il nous aviserà que CHACUN VISE A SA FIN. sentence eprouvée trop véritable par Croesus Roy de Lidie, qui pour s'en estre ramenteu, sur le point qu'on l'alloit reduire en cendre en fut repité de la vie.

Non moins diuine est celle de Chilon, COGNOY TOY MESME, approuvée par l'Oracle du celebre temple de Delphes, où elle estoit gravee en lettres d'or au lieu plus eminent.

Cleobule dit, que ce mot RIEN DE TROP luy plaist trop, nous recommandant la mediocrité en toutes choses.

Thales admonestoit que Repentence suit pleigerie, ceux qui ont esté cautions pour autrui, en sçavent où s'en tenir.

Bias un peu plus Satyric disoit que LES PIRES sont en grand nombre: ce n'est donc pas d'aujourd'huy, qu'on se plaint du petit nombre des bons & vertueux. C'est celuy-là qui n'enlevant rien de sa maison au sac de sa patrie, disoit qu'il emportoit avec luy tous ses biens, ne daignant honorer de ce nom les dons de la



fortune. PITTAC. PREN (disoit-il) LE TEMS, c'est à dire l'occasion. L'usage & les affaires apprennent assez, combien le tems commode, & l'opportunité sont à rechercher, ie vis H. Cardan ja fort vieil à Rome, la chambre duquel estoit paree de rouleaux, TEMPVS MEA POSSESSIO, sans peinture. Et pour trouver d'assurance ce tems si prisé, Periandre qui est le dernier des sept sages, nous en donne ce precepte de MEDITER TOVT ce qu'on à affaire, & y bien penser avant que l'entreprendre. Ce sont leurs principales devises assez aysees à comprendre sans qu'elles eussent ny cors ny peinture.

L'antiquité nous pourroit fournir de cette marchandise de prix, à pleins magasins: Lucian en la vie de l'imposteur Alexandre dit & raconte, que ce charlatan faisoit escrire par tout sa devise, Apollon chevelu chasse bien loin la Peste, & que plusieurs pour en garantir leurs maisons, la faisoient escrire sur leurs portaux. Mais les modernes devises moins sententieuses pourront estre plus agreables, mesmes celles de quelques grandes familles

familles prises par quelques rencontres. Comme cette icy des Princes d'Orange l'un desquels nommé Adolfe à esté Cæsar. I E D E F F E N D R A Y N' A S S A Y , on sçait que c'est vne allusion à leur surnom. Celle de la maison de Vienne descendue d'un cadet des Roys de Bourgongne. A B I E N V I E N N E T O V T : Celle de Senescay premiere baronie de Bourgogne la Duché I N H O N O R E S E N E S C E : Celle de Vaudray premiere de la Comté A T O V T V A V D R A Y , celle de Canapes *C'est mon desir* ; celle de Balsac, i'en garde vn avec ses six sautoirs ; celle de Tais Barons de Bole, de tout m'en tais. Celle des Violes apres le meurtre du Duc d'Orleans, de dueil en espoir, au lieu de vaincre ou mourir, & changerent l'azul de leurs chevrons brisez en sable ; ie leur eusse plustot donné vn bouquet de violettes avec ce mot, *Sola mihi redollet*. Baraton Montgouhier, à ce me ren, celle de Rabaudange. *Encor n'est-il que Rabot d'Ange*, devise qui s'est peu voir au cabinet de Marie de Cleves, avec des Angés tenans des Rabots de Menuysier, lors que l'on temps apres le decez de



Charles Duc d'Orleans son espoux, elle convola avec vn vieil Gentil-homme de ceste maison ancienne en Normandie.

La Royale maison de Bourbon portoit ce mot Esperance, comme se void en plusieurs lieux mesmes és tapisseries de là sale, où se tient le conseil d'Estat & Privé. C'estoit vn presage que la couronne leur reviendrait. Le Duc d'Vzes Anthoine, de Cursol, FERRO, NON AVRO, pris d'Ennius & n'y ay veu nulle autre peinture, s'en trouve encor & des plus grands qui en prennent d'assez grossieres. Comme le genereux Mareschal de Gié de Rohan, bien merité de la France, qui estant hors, non de la grace du Roy Louys XII. son maistre, ains de la Cour, pour vn depit de la Royne Anne se retira en son superbe chasteau du Verger, où se void en la pierre cette sienne devise, DIEV GARD LE PELEGRIN. Et se peut remarquer és vieilles annales, que telles devises servoient le plus souvent de cris militaires aux Bannerets, c'est à dire Seigneurs & Barons, si hauts & si puissans, qu'ils pouvoient lever banniere en guerre de leurs vassaux, & ariere

vassaux, tout ainsi qu'à Charlemagne son  
cry estoit Mont-ioye saint Denis. De là  
vient qu'on dit en Picardie.

*Tanque, Mailli, Crequi,*

*Mesme nom, armes, & cry.*

Marguerite d'Autriche fille de l'Em-  
pereur Maximilian & de Marie de Bour-  
gongne, fut fiancee au Roy CHARLES  
VIII. auquel elle devoit rapporter l'Ar-  
tois, qui la laissa pour Anne de Bretagne.  
Elle fut depuis menee & mariee au Prin-  
ce d'Espagne, qui mourut avant la con-  
sommation: pour le dernier vœu, elle  
fut iointe au Duc de Savoye, & ayant  
passé quelques ans avec luy, ordonna  
qu'on luy mettroit pour epitafe sa devi-  
se, & cette Rime du tems.

*Cy gist Marguerite*

*Noble Damoyse,*

*Trois fois mariee*

*Et morte pucelle.*

On luy a eslevé pres son mary vn tom-  
beau à Bourg en Bresse, sur lequel sont  
gravez trois fois FORTVNE, FORTV-  
NE, FORTVNE. Voulant donner à en-  
tendre grossierement, *Fortuna, fortunat,*  
*fortiter unam*: cette repetition d'un mes-



me mot par trois fois, servant de remarque à ces trois signalez malheurs, mal employez en vne si vertueuse Princeſſe Tante, de tous les Empereurs, qui ont eſté depuis ſon nepveu Emanuel Filbert Duc de Savoye apres que le Roy François I. l'eut deſpouillé de ſon Eſtat de Savoye & Piedmont prit, SPOLIATIS ARMA SUPERVNT. Qui luy fut vn bon augure car il y rentra apres la victoire de ſainct Quentin, auparavant il portoit vn trofee d'armes avec ce mot, *Reconduntur, non retunduntur.*

Paſſons les Alpes, puis que nous en ſommes ſur les confins, & voyon ce qu'en à dit en peu de mots cette nation ingenieuſe. Nous y trouveron vn Iehan Colonel quin'a autre choſe en ſes enſeignes que, *Fuit homo cui nomen Iohannes: ſon adverſaire Venit, & non receperunt eum.* Vn autre amoureux mit en ſes drapeaux vne fleur de Marguerite, ou vne perle, vn T. vne ſemele, & vn hameçon, voulant dire, *Margherita te ſola di cor Amo:* puis y adjouſta vn A en lettre d'or, pour dire *Adoro*, qui eſt plus qu'aymer. Vn ſien compagnon ny mit que ſes let-

tres Gregoises  $\Phi\Delta$ . *fi delta*. Et au bout M.  
 B. $\Phi$ .N.P. *mi vita fi ni ro* : vn autre mit d'un  
 costé, *Chitipnotnor*, *quel che tu hai*, & au  
 revers, *Dagli quel che ti domanda*. Ceste  
 devise est au chasteau d'Ecoüian. *Lucan*  
*Arma tenenti, omnia dat qui iusta negat*. J'ay  
 veu encor ceste-cy. *Affai sa, chi non sa, se*  
*tacer sa*. Et cestuy-là, *Manea Dinari Manea*  
*Giovanni*.

*Castrucio castra vcanie*, qui de peu parvint  
 à se faire seigneur de sa republique de  
 Luques, accompagnant l'Empereur  
 Louys de Baviere à son couronnement  
 à Rome, fit reclamer au devant de sa  
 poitrine, *Egli è come Dio Vole*, & au der-  
 riere *E sarà come Dio vorrà*. Le magnifi-  
 que Iulian de Medici qui depuis se fit ap-  
 peller Duc de Nemours, & qui espousa  
 la sœur du Duc de Savoye Tante du Roy  
 François, pour monstrier que la fortune  
 qui luy avoit esté contraire, commen-  
 çoit à tourner en sa faveur, ne prit pour  
 devise que ces lettres E G L O V I S. Les-  
 quelles prises à l'envers veulent dire S I-  
 V O G L E. Le Gouverneur de Regge *che*  
*non puode amore*? Vn Gentil-homme de  
 ce pays là: *Omnia homo currit*, pour mon-



trernostre inconstance, vn qui avoit perdu tems à servir vne ingrate, *Non potendo esser vostro faro mio*. Vn autre, *Amor con Amor se paga*. Scema il favor Crescon l' Affanni. Claude Boiteux fit mettre pour Epitafe sa devise, va droit Boiteux. Cedit Tabo-rot.

Ce que i'ay dit cy dessus qu'és blanques chacun prend vne ou plusieurs devises pour faire son nom, me fait souvenir de ce plaisant compte advenu à vn Gentilhomme voulant mal à vne Damoyelle nommee Blanche, il y mit cinq ou six cens fois ceste seule & sotte devise, qui est la plus grande putain de la ville ? s'asseurant que si à la lecture de l'une de ces devises prise dans le corbillon, l'aveugle tiroit quelque benefice, cela luy tourneroit à profit. Que s'il ne tiroit qu'un billet blanc, cela luy tourneroit à plaisir, par ce qu'en prononçant tout haut ce mot Blanque, il s'estimoit bien vengé de la ruse, dont peut estre son ennemie ne pouvoit mais. Vn autre appresta à rire de soy qui prit pour devise vne chandelle blanche pour dire *Can de la Bianca*, ainsi se nommoit sa maistresse. Et vn autre

de mesme, dont la patrone s'appellant  
*Torrentina*, il peignit vne tour en vne ti-  
ne, *Torre, in tina*.

Et pource que par la confession de ce  
mesme Iove, les Espagnols ont le prix  
à bien inventer de bons mots, sentences,  
refrains & devises amoureuses, militai-  
res & morales. Il est bien raison avant  
que clorre ce pas, que i'en estale icy de  
leur forge. *Antes Moral, que Almendro*. Le  
meurier est autant sage en sa tardiveté,  
que l'amandier fol en sa precipitation.  
*Mas perdido, y menos arrepentido*.

*Di mano à la boca, se perde la sopa*. Horace  
*Multa cadunt inter calicem supremaque labra*.  
Souvent chet le vin à terre,  
Entre la bouche & le verre.

*Amores viejos, olvidar nuevos*.

*Antes que cases, mira que hazes*.

*Alla van leyes do guerrien Reynes*. Le Roy  
est la loy animee, où sont les Roys vont  
les Loix.

*Al buen varon, terras agenas*.

*Cada hormiga, tiene sa ira*.

*Mucho hablar nueze, rascar nueze*.

Trop parler nuit, trop gratter cuit.

*Con latin, rocin, florin, andaras el mondo*.



*Di tal pedaço, tal redaçõ. Telle piece, tel  
eschantillon.*

*El ojo del amo engorda el cavallo. C'est pour  
vn escuyer.*

*Di gran subida, gran caida. Claud. tollun-  
tur in altum, vt lapsu graviores ruant.*

*Buen principio, mitad es echo.*

*Nunca mucho costo poco.*

*Tras la pena, & reposo.*

*Bien ama, quien nunca olvida.*

*Nieblas en alto, aguas en baxo.*

*No pesquis con auzcelo d'oro. Hanno aureo pis-  
cari,*

*Antes muerto, que mutado.*

*Antes guebar, que doblar.*

*Con compas, y passo à passo.*

*Virtud gratia, Vergnenza.*

*Ciegos, perfidos, hazen vicos los letrados.*

*C'est ce qui est sur le portail d'un Do-  
cteur de Valence en Daupiné.*

*Mauvaise teste & fausse opinion,*

*Ont fait bastir ceste belle maison.*

*Quien espera, despera. Cuesta caro, y dura poco.*

*Mugeres Paraiso de ojos, infierno d'animas,  
purgatorio de bolsas.*

*Je vi vn gros regiment, dont les chefs a-  
voient leurs drapeaux diversifiez de ces*

devises de costé & d'autre.

Le plus vieil, *Viejo buey, sulco derecho.*

Le suivant, qui aimoit mieux à frapper  
qu'à menacer.

*Bofeton amargado, nunca bien dado.*

Le tiers, *No tiempla cordura, lo que distiem-  
pla ventura.*

Le quatriesme, qui de simple payfan es-  
toit parvenu à ce grade.

*El buen soldado, sacalo del arado.* Il ne sça-  
voit lire n'escire: si avoit-il bien rencon-  
tré à ce que Vegece rapporte du Roy  
Pyrrhus. *Delige grandes ex agris, minus ti-  
met mortem qui minus deliciarum novit.*

I'ay veu vn Suisse condamné par ses ca-  
pitaines pour vne legere faute par luy  
commise en sentinelle, qui alla au sup-  
plice d'un mesme port & visage que s'il  
fut allé à vn banquet.

Le cinquiesme, qui esperoit recom-  
pense de ses travaux.

*Que come las duras, comera maduras.*

Le sixiesme, *No basta ser bueno, sen pare-  
cerlo.*

Le septiesme avoit vne bonne senten-  
ce. *No vayas contra tu ley, ny tu Rey.*

Le huietiesme n'aymoit gueres l'eau.



*Nunca buena olla, con agua sola.*

Le neufiesme, *Guerra caça y amores, por vn placer mil dolores.*

Le dernier, & plus ieune, *Incontraron me en los ojos.*

*Hizieron la herida, y en l'alma, y en la vida.*

Vn autre du mesme mestier. *Quando pienses meter el diente en seguro. Toparas en duro.*

Tout ce que dessus sans peinture.

Messire Iean de Monluc Evesque de Valence, celuy qui avoit faict tant de voyages & d'Ambassades en toutes les contrées de l'Europe, & pres lequel i'estoi non inutile en mon adolescence, lors que par son industrie & eloquence il nous aquit à vn fils de France le Royau-me de Pologne par l'election du Senat & de la Noblesse, portoit sans autre peinture ce vers de Virgile. *Que regio in terris nostri non plena laboris?* il avoit esté iusques à la porte du grand Seigneur. Messire Iean de Hungest portoit *Vnum petij à Domino*, voulant monstrier qu'il s'estoit contenté d'un seul Evesché de Noyon qu'il a desservi cinquante sept ans, à l'imitation de son oncle maternel. Le Legat

d'Amboyse qui n'eut iamais que Roüen.

I'en pourroy transcrire vn nombre d'autres telles presque infiny, & dechiffrer les vieilles medailles, qui ont en leurs revers des figures sans lettres. Mais ie passe à l'autre revers de quelques cors de devises, qui n'ont eu nulles Ames en forme des escritures de la Chine, comme se peut voir és targes & escus des vieux Chevaliers errans, ou de la table ronde, ou de perce-forest, & se void aussi dans nos Annalistes, comme Froissard, Monstrelet & Olivier de la Marche.

Alfonse premier de ce nom, Roy d'Aragon portoit pour devise vn livre ouvert sans aucun mot: dont plusieurs restèrent en doute & en suspens: & parce qu'il estoit incomparable aux armées, aux lettres & au gouvernement de son Estat: les vns en devinoient vne signification à leur plaisir: les autres vne plus belle. Et qui pensoit que par vn livre ouvert il entendit la liberté estre la plus precieuse chose du monde. Comme aussi estoit il fort libre en sa maniere de vivre, qui disoit aussi que par le livre ouvert il denotoit que les Arts & sciences, dont il estoit



fort studieux, estoient la perfection de l'humain entendement, qui disoit d'un qui d'autre, le procez en est au croc.

Le Duc de Calabre retournant de Toscane en son pays, prit pour devise le balay & vne table de bois sans aucun escript: cette cy pour faire entendre qu'il avoit sur sa memoire les noms de ceux qui avoient esté contraires à luy & à son party. Cestuy-là pour menasser, qu'il nettoyerait & balayeroit toutes les ordures des conjurations & entreprises ennemies. Galeas Duc de Milan Fils de François Sforce peignit un Lion avec l'armet en teste assis sur un grand feu. Et pource que telle devise estoit sans aucune parole, elle fut reputée fade & de peu de goust. Il ne s'explique pas, si bien que son pere, ny que Louys son frere. Car le pere portoit un grand levrier d'attache sous un pin, avec ce mot: *Quietum nemo impune laceffet*. Et Louys vne figure de Royne pres laquelle estoit un petit More tenant vne espoucette, dont il luy espouffetoit les replis de sa robbe. Par cette Royne il entendit l'Italie, ce petit more c'estoit luy qui se faisoit nommer Mo-

ret, par vn sobriquet, & desiroit qu'on pensast qu'il estoit l'arbitre de la paix, & de la guerre en toute l'Italie: mais avec ces finesse il conneut la grand faute qu'il avoit fait d'appeller les François de là les Monts, lesquels en fin tournerent leurs armes contre luy, le vainquirent & menerent prisonnier en la Tour de Loches en vne cage, qui y est encor: où il finit pauvrement ses iours. Au reste ceste devise estoit contre les preceptes de l'art, ayant deux figures humaines, ainsi ce qu'il sera veu cy apres. Leandre Albert en sa description d'Italie met vne Histoire assez estrange de l'origine de cette maison.

Les Gonsagues vertueux Princes Mantouans heritiers de Mont-ferrat ont mis au haut de leur escu vne montagne & au pied *ὄλυμπος*, au sommet vn Autel avec ce mot *Fides*, comme le descrit de Vignere en sa preface sur Calcondyle. Le feu Seigneur Duc de Nivernois vn Soleil, *Neque retrogradior, neque devio*. Le Cardinal d'Ausbourg vn Pelican sans escrit, comme aussi vn Duc de Milan la Palme & l'Olivier, Virg. Vrsin Prince de Brac-



cian portoit deux boutons de roses conformes à ses armes, esquelles y a vne rose en chef, il avoit auparavant porté vn chameau, L'EAV TROUBLE ME PLAIST.

Le Marquis de Vasti portoit vn temple à l'antique, & au frontispice estoit escrit *IVNONI LVCINIÆ*, mais ce mot n'estoit point vne ame de devise : ains pour discerner ce temple d'avec tout autre : car il avoit cela de remarque, que les vents ny souffloient iamais, & que les cendres du sacrifice s'y retrouvoient au bout de l'an sur l'autel.

Non plus sert ce mot *Roma*, au dessouz d'une Dame assise en vne medale : car c'est vne designation & non vne devise, comme ce qui se void en tant de Palais & lieux publics à Sienne, la Louve & les deux petits fondateurs de Rome; qui la tettent : où ce qui se void à Rome des fleuves couchez entre les ioncs, versans les eaux de leurs ruches, l'un pour le Tybre, l'autre pour le Nil. En tout cela ne s'apperçoit point l'ame, qui doit estre la droite intention de la devise, encor que les figures soient à la verité plus anciennes que les lettres & que mainte & main-

te nation ay vſé de celles-là ; dès long tems, avant que celles-cy fuſſent ou inventees ou viſitees: comme ſe peut lire en la Bible des Cherubins, arbres, fruits, & fleurs depeints au ſainct Tabernacle: comme ſe void des Hieroglyphiques des Egyptiens, & des chiffres de la Chine qui ſe preſenterent plus facilement aux yeux corporels des ignorans, & de là ſe coulent en l'ame. Dont eſt venu qu'en Picardie, & en Champagne on à pris tant de delectation à ceſte lourde peinture qu'on appelle Rebus, comme vn bon compagnon plat de la bource fit peindre vn poing d'argent & vne main d'or. Et vn autre preſenta vne Oye aux iambes coupees: voulant dire le premier, qu'il n'avoit point d'argent & moins d'or, & l'autre que mon oye ne courroit plus.

S'en trouve encore de plus groſſiere: comme celle qui eſt ſur le grand portail de l'hoſtel de Guyſe anciennement de Clifſon & de Miſericorde: qui ſont deux A A. dedans deux O O. ou cercles: voulant dire, chacun A ſon Tour.

La belle Agnes Sorel Damoyſelle de Beauté en avoit encor vne plus goſſe. El-



le fut comme chacun sçait aymee extrêmement de ce conquereur Charles VII. qui ne la pouvant avoir par belles paroles, promesses, menasses ny presens, souffrit en ce desespoir qu'on la luy amenast, comme vne espousee, vn peu plus fort. Elle tourna son desplaisir en volonté contrainte: & fut si modeste que le Roy en estoit de plus en plus furieusement espris, mesmes la Roïne la caressoit & demandoit des presens pour elle, car elle n'en requit oncques, & tout ce qu'on la contraignoit d'accepter estoit par elle aumosné aux Eglises, hospitaux, pauvres filles à marier, Gentils-hommes & soldats appauvris au service du Maistre. Or comme vn iour on luy eut achepté quelque velours pour vne robbe, le brodeur luy demanda sa devise, d'autant que telle estoit l'vance de ce siecle là: elle voyant que la brodure luy revenoit à autant que l'estoffe y fit resemer sur les manches Autant pour le brodeur: & depuis en est venu le Proverbe, dont plusieurs vsent sans en avoir sceu la vraye origine: comme on vse aussi d'un Proverbe vous n'aurez pas les gands: l'en diray le mot en passant.

en passant. La Royne Eleonor avoit cettelouable coustume de donner vne paire de gands d'Espagne à qui luy apportoit le message de la part du Roy François, que leurs maiestez s'entreverroient ce iour là. Or avint que le Roy ayant cōmandé à vn Gentil-hōme de porter cestenouvelle à son espouse, vn autre mieux en-jambé le devança, & eut le present, & comme il sortoit, entra celuy qui en avoit le commandement, & dit à la Royne que le Roy la viendrait visiter, auquel elle respondit, ie le sçavois bien vous n'en aurez pas les gands. C'est ce qui a donné subiet de ce commun dire.

Du Bellay faict dire à sa Courtisanne Romaine ces vers.

*Je me trouvoy de Ducats plusieurs milles  
Qui ne m'estoient en vn coffre inutiles,  
I'avoy meublè vne belle maison,  
Et richement & selon la saison.  
Et sus la porte avoy mis pour devise,  
La pluye d'or de la fille d'Acrise  
Voulant par la honnestement m'ontret  
Que par l'or seul on y pouvoit entrer.*

Que diray-je plus des bizarres devises  
que prenoient ceux qui bailloient leur



argent au hazard à la blanque, ne voulans que leurs noms y fussent publiez? Comme i'en feray encor des exemples cy-apres? Quoy plus des chants Rôyaux, des ballades, des chansons qui pour leur refrain avoient le plus souvent vne devise. Encor estoit ce quelque Seigneur ou Dame qui la donnoit, où vn Prince, & delà vient que le dernier couplet commence par ce mot **P R I N C E**.

L'usage de ces deux especes de poëmes est presque perdu, sinon aux jeux floclaux de Tholose, ou au Puy de la Conception nostre Dame à Roüen: le Prince veut qu'on luy apporte vn chant Royal sous tel refrain qu'il plairrà à l'auteur. Il appelle les devises le Palinod, ce que les grammairiens Grecs nomment *ἐπιμόν*, comme qui diroit constance & perseverance, quand vn mesme vers est souvent repeté, comme il se voit en la forcierre de Theocrite, imitee par Virgile en la huitiesme Eglogue. La peine & difficulté qu'il y a en ces chants Royaux tombans tousiours sur cinq rimes, & en fin de chaque couplet le mesme refrain, & à ce que ie croy, la cause

# D E V I S E S.

SI

qu'on n'ose plus se iouër à ces chats, si on n'a de bonnes moufles. Il est bien vray que depuis que le sonnet est venu d'Italie, Marot n'en à fait que six ou sept sur ses derniers iours, & Merlin de Sainct Gelain vn peu plus: depuis que Ronfard luy a donné la vogue, & auz Odes, hymnes, elegies chacun les à voulu suivre. Et moy i'ay des premiers donné quelque vogue pour vn tems à ces belles sixtines imitees aussi de Petrarque. Nul des nôtres n'a voulu vser de Strambot ou rime huiëtiesme, dont Bocace fut l'inventeur en sa Theseide, suiuy en sa langue par Bayard, Arioste & les deux Tasses. Mais ie demeureray de l'advis de Guillaume des Autels, qu'il ne falloit pas pourtant laisser en nonchaloir, ces superbes chants vrayement Royaux, capables de toutes hautes matieres, desquels toutes-fois les Poëtes ou rimeurs ne sont capables. Pensez quel plaisir & admiration à lire dans Marot ce beau Noel en chant Royal de la naissance du Roy des Rois qui ha si gentil refrain.

Tous les quatre couplets duquel contenant chacun vnze vers, fors le dernier



qui n'est que demy, finissent & riment en C. soubz ces cinq voyelles. A. E. I. O. V. sans qu'un mesme mot serve deux fois. Voyez combien il a fallu chercher de mots en C. pour diversifier ces cinq rimmes fantasques: & ne faut refuser pardon s'il y à quelque petite cheville. Il ne sera pas mal agreable, que ie le transcrive icy tout entier.

*Or est Noel venu son petit trac,  
Sus donc aux chams, bergeres de resper,  
Prenon chacun panetiere & bissac,  
Flute, flageol, cornemuse & rebec,  
Ores n'est pas tems de clorre le bec,  
Chanton, sauton & danson ric à ric.  
Puis alon voir l'enfant au pauvre nic,  
Tant exalté d'Helye, aussi d'Henoc,  
Et adoré de maint grand Roy & Duc,  
S'on nous dit nac, il faudra dire noc,  
Chanton Noel, tant au soir qu'au desuic.*

*Colin, Georget & toy Margot du Clac,  
Ecoule un peu, & ne dors plus illec,  
N'a pas long tems sommeillant pres d'un lac,  
Me fut avis, qu'en ce grand chemin sec  
Un ieune enfant se combattoit, avec  
Un grand Serpent, & dangereux Aspic:  
Mais l'enfanteau en moins de dire pic,*

D'une grand Croix luy donna si grand choc,  
**Q**u'il l'abatit, & luy cassa le suc,  
 Garde n'avoit de dire en ce déroc,  
 Chanton Noel, tant au soir qu'au desuc.

Quand ie l'ouy frapper & tic & tac,  
 Et luy donner si merveilleux echec,  
 L'Ange me dit d'un ioyeux estomac,  
 Chante Noel en François & en Grec,  
 Et de chagrin ne donne plus un Zec:  
 Car le Serpent à esté prins au bric,  
 Lors m'éveillay, & comme fantastie,  
 Tous mes troupeaux ie laissay pres un roc.  
 Si m'en allay plus fier qu'un Archeduc,  
 En Bethleem Robin, Gautier, & Roc,  
 Chanton Noel, tant au soir qu'au desuc.

Prince devot, souverain Catolic,  
 Sa maison n'est de pierre ne de bric,  
 Car tous les vens y soufflent à grand floc,  
 Et qu'ainsi soit demandez à Saint Luc,  
 Sus donc avant pendon soucy au croc,  
 Chanton Noel, tant au soir qu'au desuc.

Sur tout me plaist du mesme Marot cet  
 autre chant Royal qu'il dict avoir esté  
 commandé par le Roy François, & qu'il  
 en avoit donné luy mesme le refrain,  
 qu'il appelle devise. Le commencement  
 est, Prenant repos dessous un vert laurier,



la fin du premier couplet.

*Et si portoient tous quatre en leur devise,  
De bander l'arc ne guerit pas la playe.*

Appert de ces vers que plusieurs se peuvent servir d'une mesme devise: outre qu'il s'est trouvé des compagnies entieres qui se sont servis eux tous d'une seule. L'Archevesque de Colongne Prince de la maison de Baviere, faisoit escrire en tous ses Palais à Colongne & au Liege, *Audiaturs pars altera*, comme faisant profession d'estroite Justice & de ne condamner sans ouyr.

Vn Colonel Suisse qui s'estoit trouvé à la prise du Roy François à Pavie, & à la prise de Rome soubz Charles de Bourbon, prit pour devise vn lis & vne clef en sautoir, & delà en fit ses armoiries d'assez bonne remarque.

Demeurera donc pour bien verifiée & constante ceste premiere regle de Paul-Iove quoy que Ruscelli l'aye voulu enfreindre, ou y trouver quelque chose à redire, se contentant de resoudre qu'il n'y a que deux manieres de devises: vne sans paroles, l'autre avec paroles: Et que soit en l'une, soit en l'autre, il ne faut pas

s'astraindre à certaine couleur ou livree qui ne puisse se changer au gré du peintre brodeur, orfevre, ou sculpteur.

La seconde regle, c'est que la devise ne doit estre si obscure & difficile qu'elle aye besoin d'un ample commentaire ou de quelque devin ou Sybille, pour y servir de truchement: ny aussi qu'elle ne soit si claire, que chacun du peuple l'entende à demy mot.

Les choses difficiles ont bien en foy quelque veneration de premier abord: mais quand on les a regardees & considerees deux ou trois fois, & qu'on desespere d'en pouvoir parvenir à la certaine intelligence, on ne veut pas en demeurer comme on dit chez Guillot le songeur, on quitte l'entreprise & fait on comme on dit que fit saint Hierosme ayant sué long-tems sur les Satyres de Perse, il les osta de ses mains, & quelques vns disent qu'il les ietta au feu, disant: tu ne veux pas estre entendu, aussi ne te veux-je entendre.

De vray celuy qui ne veut que sa pensee voise & penetre iusques en l'esprit, ou des Seigneurs ou des Dames, qui ver-



ront son ouvrage : il eut mieux fait sans se donner peine & à autrui de se taire, ou s'en deporter du tout. Il se faut bien garder de ne proposer vne Enigme au lieu d'une devise. En l'Enigme parce qu'il doit estre plein de doctrine & d'obscurité on n'y met point de mot : mais les devises on les accompagne de paroles & escrits, qui aydent à ouvrir le sens, servent de clef aux ressorts de la peinture, delectent l'oreille & l'esprit, par leur proportionnee symmetrie: autrement si l'escrit ny est, l'on ne peut pas du premier coup deviner, qu'elle est cette figure & la laissera on pour telle qu'elle est.

D'autre part si la devise est trop facile j'auroy peur, que comme la trop grande familiarité engendre le contemnement, ainsi de là voir trop facile, cela la feroit mespriser au vulgaire, qui ne tient conte du bien qui s'offre sans peine & sans sueur,

Afin donc d'y garder quelque mediocrité, il sera bon que les figures ne soient point en grand nombre, comme elles pourroient estre en vn Embleme, ou en l'histoire d'un tableau, & qu'il ny aye tout au plus qu'une ou deux figures sub-

stantielles pour retenir ceste clairté, conjointe à la breveté, qui ne peut souffrir plus de trois paroles ou d'un Hemistiche ou un vers Latin, Grec ou entel vulgaire qu'on voudra, pourveu que la trop escharse briefveté, n'engendre point comme dit Horace, l'obscurité.

Que si quelques-uns ont passé iusques à un vers & demy, pris d'un bon Poete, ce n'a pas esté avec beaucoup d'heur. Il est certain, que si un Cavalier portoit une devise trop historicee de figures & remplie d'une chartee de paroles, en ioustes, en mascarades, en comedies, & semblables passe-tems, en guerre sur les banderolles, escus, casques, ou qui l'a portast au col en pendans, au bonnet, ou chapeau, en medailles, en monoyes, ou autres telles façons, les seigneurs & gens de guerre, où les Dames & autres qui y voudroient prendre garde, n'auroient pas en une ou deux passades assez de loisir de les bien reconnoistre, & en prendre le subiet & le vray sens. Et pour ce avec iugement elles se doivent expedier, si breues & si gentiles, qu'en un clin d'œil elles se puissent reconnoistre,



lire & bien comprendre, ou du moins, que si sur le mesme point elles ne peuvent estre bien entendues, il en demeure assez en la memoire, pour y penser tout à loisir, & en venir à bout.

Qu'ainſi ne ſoit s'il y à pluſieurs lettres & pluſieurs dictions, ſi ne laiffera-on de les lire chacune en ſon ordre de la gauche à la droite: Sauſ ſi ce ſont lettres hebraïques ou orientales, elles ſe liront de la droite à la gauche, que ſi ce ſont figures en nombre de plus de deux, on ne ſçaura bonnement diſcerner, laquelle doit aller devant ou apres, ny en connoiſtre la droite operation: & tant pix encore, ſi les figures paſſent de trois à quatre ou cinq, il en faudra ſuivre le precepte d'Horace en ſa poetique, ou il deſſend, que la quatrieſme perſonne ne ſe doit ingerer de parler ſur ſa Scene, en petit nombre on connoiſt plus facilement à qui appartient l'action, à qui la relation, meſmement quand le mot fait bien ſon office de les eſclaircir.

Mais la deſſus Ruſcelli nous donne vn bon avis, que ces deux figures ſe doivent entendre d'eux quant aux eſpeces,

& non quant aux individus, i'en donne cet exemple, en la devise du Firmament semé d'estoilles que portoit feu l'Illustrissime Louys d'Est Cardinal digne petit fils du Roy Louys XII. avec ce mot, *In motu immotum.*

Ce n'estoit pas plusieurs figures, c'est à dire de diverses especes, ains plusieurs individus d'estoilles des quatre grandeurs, & de nombre infiny: ainsi qu'en armoiries, quand on passe douze ou seize tesmoins les quatre fois quatre alle lions de Montmorency on les dit sans nombre. Les armes de France ont esté autres fois lis sans nombre. La Comete & les petites estoilles de l'Illustrissime Cardinal de Medicis ne sont censees que pour deux figures, parce que toutes ces estoilles ne sont qu'une espeece seule, ne font qu'un mesme office, & ne se prennent que pour une seule figure.

De cette sorte en la devise de l'Illustrissime Cardinal de Mantouë, qui sont deux signes combatans un Aigle ce ne sont pas trois figures, ains deux seulement, les deux Cygnes ne faisant qu'un seul office. Je vy à Milan l'Archevesque



Charles Borromee d'heureuse memoire, environ le tems que Dieu monstra ce miracle en luy, qu'ainsi qu'il estoit à genoux priant en son oratoire luy furent tirez sur la vespree quelques coups de pistolets, dont il demeura sans lesion & blessure. Son ardente devotion, sa bonne vie & exemplaire l'ont colloqué aux Cieux & sa memoire est ça bas eternelle par la canonisation qu'on en a fait depuis à Rome. Or portoit-il vne devise conforme à ses saintes intentions. Vn Cerf tout environné & couvert de Serpens venimeux, qui ha recours à vne fontaine remarquee d'un petit bosquet à l'entour. Il se declaroit assez le Cerf assailly de diverses infirmittez, qui pour s'en garantir cherche le frais de la fontaine de vie, ainsi que le dit le Psalm. 41. Le Cerf sur lequel sont les serpens, comme en leur cham d'armoirie & de la fontaine, ne font que deux figures. Le diamant que portoit le Marquis de Vico au milieu des flammes & de deux marteaux qui les battent n'en font non plus que deux, puisque les marteaux & les flammes tendent à vne seule fin, contre le dia-

ment invincible.

L'adiousteray qu'en plusieurs devises se verront quelques fois les Cieux, la terre, la mer, les montagnes, les campagnes, ou autres tels payſages, qui seront hors & par dessus le nombre des figures essentielles, qui n'y seront apposees que pour cham, pour galanteries ou pour accompagner la symmetrie du deſſein. Par ainſi fuyant la multitude des figures, on evitera l'obscurité & la confusion : Et tant s'en faut que ces enrichiſſemens d'un Ciel, d'un nuage, ou d'une plaine, soient vicieuſes & dommageables, qu'au contraires elles ſont louables & profitables.

On n'y ſçauroit appliquer reigles, ny ordonnances, ny loix, ſi bien bornees & limitees qu'il n'y aye des exceptions, limitations & contraventions, ny ayant que le ſeul bon iugement, qui y puiſſe donner ordre, faiſant en ſorte que le mot & l'intention ayent bonne correfpondance : que la figure ne ſoit point ſi defectueuſe, que le mot ne la puiſſe rendre parfaite & bien parlante : puiſque le cors & l'ame ne ſe marient, ſinon afin de porter à l'œil, à l'oreille, & de là, à la penſée



& à l'esprit la conception de l'invention de telle devise.

Pour mieux discerner les bonnes , il faudroit faire comme ce musicien , qui monstroit à ses escoliers non seulement ceux qui chantoient bien, mais aussi ceux qui estoient discordans: leur disant faites comme ceux-là, non comme ceux-cy. Aussi outre les bonnes devises qu'avez peu voir, j'en proposeray cy apres quelques vicieuses, afin d'apprendre à les éviter.

Outre tout ce que dessus l'inventeur se tiendra encor pour bien averty , qu'en ces devises, principalement en celles qui ne doivent point estre obscures, ou Enigmatiques, il n'y mette point choses du tout incognues, & non iamais veües en nostre contree, & quand bien elles seroient de nostre patrie, si ne faut-il pas mettre celles, qui de premier dessein ne se puissent distinguer avec certaines marques.

Comme sont plusieurs sortes d'herbes & plantes d'oyseaux , poissons ou autres animaux qui ne seroient faciles à discerner, comme de la melisse ne se connoi-

stroit en peinture d'avec certaine ortie. L'Etourneau avec la Grive, si le mot ne les fait entre-connoistre. Je serois d'avis pour les plus belles inventions, que si vn Gentil-homme ou Damoiselle ont quelque beau nō bien significatif, ou de leur famille ou de leur seigneurie, qu'ils essayent d'en former, ou de leurs armes quelques gentilles devises: ce seront sans doute les plus belles. Dont i'en veux donner quelques exemples de deux maisons anciennes & illustres à Rome, sçavoir est celles des Colomnes & des Vrsins de toutes lesquelles deux, y a eu des Papes & Cardinaux, & aussi des Ducs, Marquis & vaillans Capitaines. Ceux-là non seulement portent sur gueules la coulonne d'argent couronnée d'or: mais aussi en ont faict leurs devises. Ceux-cy ayant pour armes vne face avec bendes au dessoubz & la roze en chef, prennent pour devise l'Ours qui se void en peinture & en bosse en tous leurs Palais & Chasteaux. Et de là vient que Petrarque leur ennemi les appelle si souvent, *L'orsarabiosa, con gl' orsaci suoi*. Maximilien Stamppe Gentil-homme Milanois serviteur



d'une Dame de la case nommee MORON prit pour devise vne feuille de Meurier, & vn ver à soye, qu'on nomme Bombix avec ce mot DI CIO SOL VIVO. Car ce petit animal ne vit que de feuilles de Meurier, c'est vn bout de vers de Petrarque avec cette suite, *E daltromical poco.* Le Duc de Vantadours'arme de LEVIS qui est vne illustre maison issue d'un gros bourg, qui en porte le nom pres Montfort l'Amauri: de laquelle aussi sont ceux de Mire-poix, Cousan, Quelus, Audoux. Mais il à pris sa devise sur le titre de sa Duché: c'est vn VAN au dessus de son tymbre, Ducal avec ce mot INANIA PELLO.

Le Docte Antiquaire. Messire Claude Fauchet avec les armes de sa famille mediocre, mais noble, qui sont trois chevrons crenelez à pris sa devise sur son nom vn fauchet, qui sert à fener avec ce mot, SPARSA ET NEGLECTA COEGI. Eloge qui luy est bien propre à luy, ayant ramassé dans les cendres de l'Antiquité plusieurs belles reliques & choses de remarque, qui avant luy estoient negligees. Il y a vne ancienne famille à Paris

ris nommee le gendre qui portent trois  
testes de Pucelles eschevelees comme  
espousees: dont est venue le sobriquet. Si  
vous avez des filles, vous trouverez des  
gendres: ils estoient iadis Sieurs d'Alin-  
court & d'autres belles terres substituees  
aux Seigneurs de Villeroy, les merites  
desquels vers la France sont fort notoi-  
res & illustres.

Les figures humaines prohibees en  
devises, C'est la troisieme de nos loix &  
reigles, qui me semble avoir esté mise par  
Iove avec bonne consideration quoy  
qu'en die Ruscelli. Car en verité elles  
n'eurent iamais ni grace ni vogue, en de-  
vise ni en armoiries, quand bien ainsi  
feroit, que les Romains en leurs medales  
y en auroient mises. Je sçay que le grand  
Duc de Lituanie porte pour armes de  
gueules à vn cheualier d'argent armé de  
toutes pieces au bras levé au poin le glai-  
ve menassant: & que de telles armes le  
Roy de Pologne, qui a incorporé ce  
grand Duché à son Royaume en ecarte-  
le son aygle d'argent éployé en cham de  
gueules: mais cela est plustost remarqua-  
ble en vne nation Septentrionale qu'imi-



table à nous autres. Ioinct que le cheual semble faire plustost l'armoirie que l'homme armé qui n'est pas à face decouverte.

Antoine Valetus qui a prattiqué lon tems la medecine à Bourdeaux avec honneur & proffit me communiqua lors qu'il se passa Docteur la devise qui estoit d'un Hippocrat ; iusques à la ceinture portant vne deses mains au front , l'autre à la poitrine avec cemot *Partem fovet unus utramque*. Ieluy dit qu'elle ne me pouvoit plaire pour ce visage humain, encore que ie visse bien que l'abit du Filosofe estoit extrauaguant, & que le front vouloit signifier la partie animale, & la poitrine la vitale, au dessus de laquelle est la naturelle. Charles Archiduc d'Autriche Comte de Carinthie III. fils de Ferdinand Cesar prit pour devise vne fortune nue ayāt le pied sur la boule de son inconstance, & portant de la droite un voile enflé, avec cemot *Andaces i uno*: laquelle devise Ruscelli a voulu fort magnifier ne se souciant gueres de notre loue, qu'il dit avoir quelque fois dormi sur ces matieres: le loüant assez

d'ailleurs d'avoir esté vn grand Historien. Homere à tant attribué au pouuoir de Dieu , & si peu à la Fortune , que ce mot ne se trouue en tous ses poëmes. Iay desia dit cy dessus pourquoy ie blamey la devise d'une Dame & du petit More. Et pour même raison , ie blame aussi celle du char triomfal tiré de quatre cheuaux blancs, sur lequel est monté vn Empereur couronné de lauriers, & derriere luy vn esclau avec ce mot SERVVS CVRRV PORTATVR EODEM. qui est pour rabaisser l'orgueil de ce victorieux, & luy ramentevoir, qu'il est homme. Tout ainsi que le maitre des ceremonies, qui comme i'ay dit en quelque endroit au sacre & couronnement du Sainct Pere & grand Pontife Romain , luy allume & estaint par trois fois vne poignée d'étoupes luy prononceant tout haut cét arrest fatal *Pater sancte sic transit gloria mundi*. Et au troisieme coup il y adioute *non videbis dies Petri*. Et de faict nul Pape n'a veu les vingt cinq ans entiers de S. Pierre. Le Cheualier Goito prit pour devise vn Pelerin avec le mot fantasque, & cat. Celuy de Gyrardi vne barque &



deux femmes dans icelle, l'une pour fortune, l'autre pour vertu. Le sieur Curtio Gonzague mit Febus sur son char flam-bant atelé de quatre cheuaux & Faëton trebuchât pour s'en estre trop approché avec le vers: *Pur che negodan l'i occhi, ar-dan se piurre*. Le Cheualier Castelain ai-mant vne Damoyse pour l'épouser fit battre vne medale le chef de David avec cemot autour, *Sagitta tua infixæ sunt mi-bi*: & au revers vne mōtagne flābante, & autour *Così à ruffa il volto di Montello*: Et bien que l'Euesque Ioue en louie l'inuen-tion, si ne peux que la blasmer: tout au-tant que celle d'une verité demi-tirée d'un puits par vn vieillard ailé, qui est le tems avec cemot *Veritas temporis filia*. Je pense que ce puis estoit celuy de Demo-crite sur vne autre verité portant sur ses epaules celuy qui luy met la dague en la gorge: *Tutorem perimit*. Et pour en pro-noncer sur tout vne même sentēce, gue-res ne vaut cette rencontre de Domini-chi vn Argus avec ses cens yeux qui gar-de Io transformee en vache, avec ce mot *FRVSTRA VIGILAT*. Aussi peu celle du Roy d'Espagne Filippes II. vn char

du Soleil levant tiré attelé de quatre chevaux dont Apollon tient les renes. *Iam illustrabit omnia.* Aussi peu celle d'Alfonce Caraffe, vn Vassal qui prestel l'hommage à vn Roy en son throne, *Sanguine potiori.* Aussi peu celle de Dom Lois de Toledé, qui peignoit deux femmes avec ce mot, *Anxia vita nihil.* Entendant par icelles la vie active, & la contemplative. Aussi peu cette moderne d'une Iunon, *viro, partuq; beata.* Celles cy de Simeoni ne valent pas mieux, d'un homme qui d'un baton en frappe vn autre masqué. *Amico ficto nulla fit iniuria.* Ni celle d'un qui avec son marteau & ciseau grave des lettres sur du marbre ou de l'acier. *Scribit in marmore lesus.* Ni celle de Gui Bentivoglio, vn Atlas portant le Ciel. *Mainus opus.* Ni celle là d'un Palais & d'un Singe à la fenestre, qui renuerse les escus d'un vsurier. *Male parta, male dilabuntur.* Ni celle là d'une mort representee par vn scelete tirant de son dard vn qui la prie à genoux. *Improbis nullo flectitur officio.* Ni celle là d'un Gentilhomme qui tend la main à vn pauvre pour l'ayder à le relever de terre. *Bis dat, qui citò dat.*



Ni d'un belier, qui cosse contre un enfât,  
& le renverse: avec ce Mime, *Laesa furor  
fit sepius patientia*. Cesont belles senten-  
ces. Mais quoy ? Toutes ces figures hu-  
maines, & qui pis est geminees ne me  
peuvent plaire en devise encor que ie ne  
nie qu'elles pourroient rencontrer quel-  
que grace en Embleme. Le meilleur se-  
ra de bannir en tout & par tout de nos  
devises toutes telles figures humaines:  
quand bien ce seroient Nimfes ou Saty-  
res, ou quand elles seroient revestues de  
quelques habits anciens ou fantasques,  
qui est le remede que Ruscelli y veut ap-  
porter du sien, Quand le Roy Henry III.  
publia ce saint Edict de l'an 1577. de la  
reduction de l'écu a 60. sols. On esperoit  
que l'entretenement reformeroit com-  
me il fit le desordre & debordement des  
especes : on representa en des gettons  
par mon avis le Dieu des richesses assis  
sur un cube, les ailles ployees sur le dos,  
les yeux bandez, garrotté de grosses  
chaisnes d'or, sur la face du cube PLVTVS.  
Avec ce mot à l'entour pris du 6. de l'E-  
neide, SEDET ÆTERNVMQVE SE-  
DEBIT. Elle fut trouuee assez belle &

significative, & on ny prit pas garde de si pres à ce Dieu des monoyes que chacun voudroit bien loger chez soy. La revocation de cet Edict faite depuis peu, à apporté & apportera de grands dommages & pertes à la chose publique.

Quel air prendra donc nostre devise si nous sommes si inhumains de la depouiller de toute humanité. Non, non, ie ne luy oste rien, que ie ne luy en donne cent fois autant. Tout ce qui est aux Cieux, en la Terre, en la mer & abismes, és plantes, mineraux, pierreries; tout ce que peut la nature tout ce qu'ont inventé les arts, tout cela, ie le luy donne & tout ce où pourra atteindre l'entendement humain en tant: & pourtant, qu'il se fera connoistre & comprendre. C'est ce qu'à voulu dire nostre Prelat & grand historien Iove en sa quatriesme reigle, *Che sopra tutto habia bella vista*. Il ne couste non plus de luy distribuer vn beau qu'vn laid & difforme regard. Figuron nous vn peu ce monstre inventé par le Lyric en sa poëtique, qui se pourroit, dit-il, garder de rire s'il voyoit vn beau visage feminin enté sur le col crineux d'vn cheval, en-



touré de plumes de divers oyseaux & finissant par bas en poisson hideux? Il se trouve des devises aussi bizarres & espouvantables, & desquelles on ne peut pas dire qu'elles ayent vn bel air? Qu'eussiez vous fait ou dit, autre chose, que ce que fit vn galant homme, qui voyant à Bezancon pour devise d'un Prelat vn Aigle & vne Truye, avec ce mot. *Sic visum est superis*, acheva le vers, *Aquilas coniungere porcis*. En semblable vn grand Prelat nommé Galeotto fit peindre huit Galeres voulant dire Galee otto pour vne sottise rencontre sur son nom propre. Le Chevalier Dom Diego Gusman, disgracié de sa Dame prit vne mauve, faisant deviner MAZ VA voulant dire, que d'amours luy alloit tout à rebours. Je ne sçay si ie doy mettre cette-cy, par ce que comme l'histoire en est belle & sainte, aussi est elle mal appropriée. Le Chevalier Casio Bolonois portoit à son bonnet vne grande Agate, en laquelle il avoit fait graver la descente du benoist Sainct Esprit, en langues de feu, sur la Vierge, les Apostres & Disciples. Interrogé par le Pape Clement VII. comment il estoit

trebuché en telle devotion? Respondit que ce n'estoit point pour zele de religion, ains pour exprimer vne sienne fantaisie amoureuse, qu'ayant servy long tems & en vain, avec grandes fatigues & dépenses, vne gentille femme cognoissant, où le bast le bleffoit, il s'estoit fait représenter la feste de Pentecoste, voulant dire qu'il s'en repêtoit de bon cœur, & que trop luy coutoit cest amourachement. De laquelle exposition le Pape qui d'ailleurs estoit assez severe & melancholic ne se peut tenir de rire, au lieu de l'en reprendre, iugeant que cette devise, bien que tirée d'une histoire sacree estoit mal appropriée à vn subiect si difforme, & qu'il ne falloir motegiar il vero, ny meslanger les choses saintes avec les profanes.

Messire Charles d'Amboyse Chevalier de l'ordre, Seigneur de Chaumont sur Loire, grand Maistre de France, Gouverneur de Milan & de Lombardie, avoit porté pour devise Etna de Sicile dit le mont Gibel, par rencontre de son nom Chaumont, qui se void en son chasteau de Melian, basti sur le modele de



celuy de Blois, & tout parsemé de montagnes enflammées. Il changea depuis cette belle devise à vne autre d'un air plus triste & sauvage: car estant à Milan il fit recamer les sayons & hoquetons de sa compagnie d'un grand homme sauvage & hydeux brandissant vne masse verte avec ce mot: *Mitem animum agresti sub tegmine servo*. Cette figure si rebarbative estoit ce croy-je pour avertir les Lombards de nouveau reduits sous l'obeissance du Roy Louys XII. son Maistre, que nonobstant l'austerité qu'il devoit garder en son Magistrat, comme vice-Roy, il ne laisseroit de le traiter doucement & amiablement. Mais Iove la tourne à autre sens. Duquel voicy les propres mots. *Egli fù di dolce natura & molto dedito à gli amori, anchor che in viso dimostrasse d'esser robusto, e con parole choleriche parebbe fiero e brusco: pure si domesticava molto con le done, dilettaudo sì di feste, bancheti, danze e comedie*. Quoy que de Serres en son inventaire l'aye voulu taxer, les vertus heroïques de ce Cavalier ne sont pas teües dans ce mesme Iove & dans Thevet, qui luy à fait vn Eloge aus-

si bien qu'au Legat. Ce ne sera donc pas de mon advis qu'on peindra quelque chose d'ord, comme Ibis en l'acte où il se purge: le Bievre qui se chatre, ny d'epouvantable & monstrueux, comme vn Cerbere à trois testes, des Harpyes, des Lestrigons, des Polyfemes, des Lamies & Gorgones, la rouë d'Ixion, & exorbitantes Chimeres qui font plus de terreur qu'elles n'engendrent de delectation. Et toute-fois ie n'improve pas que deffunte Madame Marguerite de France, Duchesse de Savoye & de Berry, faisoit peindre le bouclier de Pallas avec ce mot, *Rerum prudentia custos*, car pour ses vertus & pour l'inclination qu'elle avoit à favoriser les lettres & lettrez. On la surnommoit la Minerve de France: Temoïn Iodele en l'avant-propos des hymnes de Ronfard,

*Si deormais vers toy sous qui doit estre serve  
L'impudète ignorance, on adresse o Minerve.*

Tant d'escrits, &c.

Ie n'improve pas aussi ce que Charles dit cœur de Lion dernier Duc de Bourgogne, & qui estoit si genereux Prince ayt pris si peu de chose en sa devise qu'un



fusil: car en la dernière des trois batailles qu'il perdit, qui fut aussi la dernière de sa vie, le Duc de Lorraine son vainqueur prit subiet de se moquer de sa devise, disant qu'au grand froid qu'il faisoit ( c'estoit le v. de Janvier ) ce pauvre Duc n'avoit pas eu le loisir de se servir de son fusil, pour s'en rechauffer, car la neige fort espaisse estoit toute rouge du sang des navrez & occis en cette triste ioutnee. A propos duquel fusil quelques vns ont pensé que les armes dont se parent les Turcs ne sont pas des Croisfians ny des fusils, car leur Mahomet defend de contre-faire aucune chose du ciel ou de la terre: ains que c'est la seconde lettre de l'Alfabet Grec B. qui veut dire *Βασιλεὺς*, de mesme sorte que les Rois de Thessalonique, ou leurs descendans l'un desquels est l'Illustrissime Duc de Nevernois & Retelois, portent quatre B. B. B. B. où autant de fusils, voulant dire *Βασιλεὺς Βασιλέων Βασιλέων Βασιλευσι*. Le Roy des Roys regnant sur les Roys, devise de ces quatre lettres capitales, & encor plus superbe celle d'un seul B. comme qui diroit le Roy sans queue, qui est

le tiltre que se donnoit anciennement le Roy de Perse, & à present l'Empereur des Musulmans se fait dire le Seigneur par excellence, encor que par les devises des vieux Califes cy-dessus il apparaisse que ces Mahometans ont bien reconnu l'ancien des iours, que Sultan Soliman Otoman ayeul de ce Turc moderne, aye eu pour devise *Halla vere*, c'est à dire, Dieu la donnera. Reconnoissant le Seigneur Dieu par dessus luy, comme seul vray Seigneur. Et entre les Iuifs il y en a eu plusieurs zelez, qui n'ont jamais voulu dōner ce titre de Seigneur aux Empereurs Romains, ny à autre qu'à Dieu seul: & se sont opiniastréz sur cette querelle, ce dict Iosese, iusques à la mort.

C'est vn vieil Proverbe puis qu'un beau nom ne coute non plus à donner qu'un laid, les Peres ne doivent jamais estre chiches ou negligens d'en procurer vn beau à leurs enfans. Ainsi les auteurs des devises ne doivent leur esparagner quelque beau & delectable subiet, ny aussi quelque beau mot pour y servir d'ayde. Et ce sera icy la cinquiesme des



regles des devises establies par nostre Evesque, que le mot soit beau, & conceu brevement de nombre impair, en syllabes, ou dictions & en langue autre s'il est possible, que la maternelle de celuy qui s'en veut servir, & ces rencontrestrois en mots 3. ont bonne grace, *Patiar, ut potiar. Moriar, post oriar. Efferar, aut referam.*

Pour l'imparité des syllabes, c'est chose vulgaire en poësie, *Que numero Deus impare gaudet.* Plutarque dit que le banquet ne doit estre de plus petit nombre que de trois en l'honneur des trois graces, ny plus grand que de neuf: pour esgaller les neuf Muses. I'en diray volontiers autant de nos devises qu'il n'y ayt s'il se peut, que trois syllabes comme le *PLUS ULTRA* de Charles V. où trois mots: ou si le sens force à d'avantage, que les quatre ou cinq mots soient bornez à neuf syllabes. Et toutes-fois ie n'en fais pas vne loy immuable, ayment mieux voir vne devise trop longue avec bon sens, que courte & trop obscure. Car le trop d'obscurité est vice aussi bien que le trop de facilité, qui est vne raison pourquoy on à conseillé cet emprunt d'une

langue ou docte ou estrangere, pour y apporter plus de gravité & veneration.

Aussi avon nous veu que la premiere devise de la Royne Caterine de Medicis mere de tant de Rois, ce fut vn arc en Ciel avec ce mot Grec  $\phi\acute{\omega}\varsigma \phi\acute{\epsilon}\gamma\varsigma, \eta\delta\epsilon \gamma\alpha\lambda\acute{\eta}\nu\eta$ , c'estoit cette lumiere & ce beau temps heureux, qu'elle changea en vne devise Latine pendant son veufvage. *Ardorem extincta testantur vivere flamma*: avec des larmes tombantes sur vn brazier cendrex, & ne la prit ny de sa langue Toscane ny de la Françoysse. Guido Baldo de la Roueré, Duc d'Vrbín prit party en cette mesme contree Gregoise  $\phi\iota\lambda\alpha\gamma\epsilon\tau\acute{\alpha}\tau\omega$ , avec trois bornes servant aux courses anciennes, en forme d'esguilles pyramidales ou Cones de Mathématique. De la mesme sorte que Plin livre second chapitre dixiesme decrit l'ombre de la terre: voulant ce Duc Urbinois donner à entendre, que l'honneur est deu au plus vertueux. Alciat à fait son troisieme emblème de  $\mu\eta\delta\acute{\epsilon}\nu \alpha\nu\alpha\beta\alpha\lambda\acute{\lambda}\acute{o}\mu\epsilon\nu\omicron\varsigma$ , pris d'Alexandre le Grand, lequel cōme il fut interrogé comment en si bref tems, il avoit peu conquerre tant de Provin-



ces, peuples & nations. Respondit avec diligence, en ne rien remettant au lendemain.

Alexandre Cardinal Farnese prit vne butte, où le blanc estoit attaché que les anciens appellent le scope, & la fleche droit au centre avec ce mot ΒΑΜ' ὀψως, pris d'Homere, enseignant de bien viser au but, que Petrarque appelle Seigno: *Amor m'ha posto, come segno a strale*. Autres le disent Berfaglio. Albert Badoro, Patrice Venecien de Noblesse fort celebre portoit vn Lion accolé d'un Serpent, figurant la vaillance & la prudence avec ce mot, οὐδὲν καὶ θανάτου. Nulle chose, nulle devise mieux sceante au personnage & à ses armes: qui sont aussi vn Lion sur des bendes. Iules Iove neveu & successeur de Paul, pour subir les loix de son oncle, prit cette devise Tudesque, V A N G O T V V I L. Quand Dieu voudra, c'estoit vne tendre greffe entee sur vn vieil tronc. Renaut Corsol'un des plus Doctes Italiens de son tems emprunta vn mot Castillan, E L B V E N O, A S I M I S M O. Qui est bon, le doit estre à foy mesme. Ce qu'il designoit par l'Amfithatre Romain,

main, voulant dire, que qui est vraiment homme de bien est son propre theatre à sa conscience, sans en chercher autre applaudissement du peuple.

Ce ne sera pas grand merveille de voir que des Princes, Prelats, Conseillers & gens de lettres prennent des devises en vne des langues Doctes, tout en est si plein que ie n'en veux charger ce papier. Nos Rois ont eu leurs devises latines fors François I. qui l'eut Italienne : mais on s'esbahira d'un homme de guerre ou d'une Dame, qui en prennent en langue Latine, comme le Capitaine Iacques de Pise, qui prit la plante de s'affran avec ce mot, *Pulchrior attritus surgo*. Chacun sçait que plus il est foulé aux pieds plus il croit & profite. Autre Capitaine Iean Baptiste Zanchi, un puits avec ce mot Latin, *Mota clarior* : qui est une sentence, qui semble luy avoir esté donnée par quelque Docte qui l'avoit empruntée de S. Basile que l'eau du puits plus elle est puissee mieux vaut. Le Sieur Louys Gonzague portoit un veau marin qui se dit Eoca, s'adossant à un ecueil pour se couvrir de l'orage. *Sic Quiesco*.



Et pour y adiouster quelques exemples des Dames. La Seignore Iscut Brembote, qui s'est rendue renommee pour ses beaux vers Tuscan, à pris vne devise en Espagnol. *Y o mejor las guardaré.* Ce sont des pommes d'or au iardin des Hesperides qu'un Dragon garde. La Comtesse de Chasteau-vilain de l'Illustre maison des Princes d'Atri, dont le surnom est *Aqua-viva*, prit vne devise latine approchant de son surnom. C'estoit un Cupidoneau, qui deployoit un mouchoir ardent trempé en eau viue, de laquelle chacun scait assez la vertu. Le mot estoit. *Concipit innocuos igneis* A Q V A V I V A. Et certes quand cette figure humaine ny auroit point esté: la devise qui est fort ingenieuse n'en eut que mieux valu, d'un seul mouchoir ardent, à cause de l'eau viue dont il est mouillé. Que si quelqu'un n'eust pas assez clairement déchifré ce que vouloit dire ceste flame, l'Ame de la devise portant le mot A Q V A V I V A, y serroit de commentaire.

La deffunte Dame Mareschalle de Brissac nommee Iudith d'Assieney, qui est un partage des Comtes de Rennes,

me pria luy en donner vne rencontrant sur son nom : ie luy donnay l'escharpe des Cieux que l'on nomme le Zodiac, chargé dedans & dehors de quelque perspective de ces animaux celestes, avec ce mot. V I V V N T, E T S I G N A N T.

Les Iudiciaires sont fort empeschez à punctuer soubz quel aspect des Signes chacun de nous est venu au monde cecy luy estoit assez propre à elle, qui aymoît à lire, & avoit l'esprit elevé à choses celestes & spirituelles. Et tout d'une main ie ne veux oublier celle du Sieur Marechal de Cossé, le second des trois guerriers que ceste illustre maison a produits Marechal de France, dont le premier Lieutenant de Roy en Piedmont a esté tenu l'un des plus sages, vaillans & accomplis de son siecle. Le second qui fut le Sieur de Gonor fit mettre sur sa cheminee vn gros rocher qu'une sie avoit quasi mis en deux, voulant inferer que par patience il viendroît a bout de tout; & fit mettre vne sie pour devise, par allusion aux armes de sa maison, qui sont faces en sies d'argent & de sable. Richard Scelley grand Prieur d'Angleter-



re à pris d'un quanton de ses armes, le Faucon blanc pour devise, qui n'ait sur les rochers de Moscovie, ce dit le Baron d'Herbustin, & est d'un si noble & franc naturel, qu'ayant tenu la nuit quelque petit oyselet sur sa poitrine afin de l'eschauffer, il le laisse aller libre & quitte le matin, comme le montre le mot F. E. y Fidalguya. Et puis que ce gentil oyseau garde si bien foy & gentillesse, ce n'est à tort, que ce proverbe se dit FIDALGO *como el Gavilan.*

Manolio Boccali qui ha en ses armes deux Lions rampans & affrontez tenant eux deux vne seule espee, peint sa devise d'un Lion debout & couronné ΘΕΟΥ ΔΙ-  
ΔΟΥΤΟΣ. Ce qui se peut referer que Dieu le donnant il esperoit faire de bons services à saint Marc de Venise, qui porte aussi un Lion pour seignal de cet Evangeliste.

Et pource que c'est vne question non petite, de sçavoir au vray si les anciens eurent des armes, & en quel tems elles ont commencé: de quelle sorte, & si elles se continuent en vne ou plusieurs Gentes ou familles, & autres petits incidents: ie remettray toutes ces difficultez

en mon grand recueil des armes cy dessus promis, me contentant de dire icy, que les armoiries sont provenues des devises du temps passé : comme nous voyon plusieurs se dresser & adopter des devises non pas de la lie du vulgaire, ains les plus illustres de la noblesse, & qui avoient leurs images de cires enfumees. Et la plus-part de ces devises ne passent à la famille, ains demeurent à celuy seul qui en a esté l'inventeur & possesseur. Mais parmy les anciens il ne s'en trouve que peu, qui ayent mis en vſage ces armoiries d'aujourd'huy, & s'en remarque aucuns qui s'estant servis d'une marque ou devise l'ont quittee pour en choisir une autre, comme Pompee & Auguste cy dessus, dont cestuy-cy prit le Sfinx en son cachet : puis l'image d'Alexandre le Grand, & finalement scella de sa propre effigie, & cestuy-là changea son Lion en Trofees, de sorte que s'il se trouve quelques vns avoir eu armoiries, on ne me prouvera pas aysement, qu'elles ayent esté reglees & perdurables, comme celles des cinq ou six derniers siecles. Depuis le dernier desquels on en à veu ius-



ques aux basses gens, voire faquins, qui en ont pris chacun à plaisir, D'où vient le proverbe, qu'il n'est point de plus belles armes que d'un vilain, qui se les donne telles qu'il veut.

Et au lieu que les Marchands & Bourgeois se servoient plustot de chiffres que d'armoiries, ou du moins ils y mettoient les lettres capitales de leurs noms & surnoms : ores il n'y a si petit mercadent ou financier, qui ne mette des tymbres & qui ne face mettre la cordeliere à l'entour de l'écu de leurs femmes & filles: Cestuy-là mi-parti, cestuy-cy en Lozenge : chose qui meriteroit correction & amende. Comme nous avon veu depuis peu le Parlement de Bourgogne condamner deux de leurs Confreres à aumoner chacun cent escus, pour avoir souffert que la deffuncte mere de leurs femmes, bien que riche ayt eu ces noeux & cordons, qui ne sont sceans qu'aux femmes de Princes & grands Chevaliers, Et Dieu sçait si ces tard-venus qui s'attribuent des armes en font de belles & bien goffes, aprestant à rire & à s'en moquer à ceux qui les voyent.

Temoin celuy qui prit vn Ange, qui sur sa poitrine tenoit vn escu tout plein sans aucune marque ou figure. Et comme on se voulut enquerir qui s'estoit, on trouua qu'il s'appelloit Angelo Pettico. T'aymeroy autant celuy qui s'appellant Angelier prit deux Anges liez de laz d'amour.

Temoin cet autre qui s'appelloit Leonard Luce, il prit vn Lion ardent à travers des flammes, & vn gros brochet qu'on appelle Luz. Et vn qui se nommoit Pierre Cheval prit vn Cheval de Pierre. Il y à peu de gens à Paris qui n'ayent ouy parler d'un friât cuisinier nommé le More : sa sale estoit armoiriee en plusieurs escus, d'une pierre, vn sac, vn raisin, vn dix de chiffre, & vne teste de More voulant dire Pierre Sarrazin dit le More. Vn autre Galiot fit peindre vne Galere, avec ce mot vogue la galee. La famille des Pignatels illustre en Florencene porte que trois marmites, qu'ils appellent Pignate. Et si il y a des Marquis en leur maison qui s'en sentent bien honorez. Les Spinelly de Florence ont trois espines, car ceux de Genes n'en



mettent qu'une. Les Chabots trois chabots qui sont les armes de la Laure de Petrarque: ceux de Maremonti une mer & des montagnes. Ceux de la ville de Capouë, dont estoit Pierre des Vignes Chancelier de l'Empereur Ferri, n'ont rien autre qu'une vigne avec sa grappe. Les Venieri un cor de chasse. Les Riccio de la Gatte un chat, les Ricci un Riccio qui est un Herisson, & les Herissons de Normandie, portent d'argent à trois Herissons de sable, ils estoient Barons du Molay.

Les Lunes d'Espagne, une Lune. Les Coscia de Naples une cuisse: le Royaume de Castille un chasteau, de Leon un Lion. Comme aussi fait la ville de Lion, au chef de France. Grenade une Grenade, Galice un Calice, Rome outre S. P. Q. R. son Aigle quelque fois eployee en deux Chefs, pour la division des Empires de Levant & Ponent: car auparavant elle avoit porté en ses bānieres des Lous des Chevaux, des Sangliers & le Minotaure. Les Perses un arc & la trouffe. Les Ciliciens une teste armee. Les Lybiens un Belier, comme aussi ceux de Berry.

Les Thraciens vn Mars: les Egyptiens vn certain Bœuf nommé Apis, ou Serapis. Les Atheniens, le Hibou: les Regiens la Cigale. Les Taurinois, vn Tureau: les Autunois vne Truye: Milan moitié laine de Belier, & l'autre moitié les foyes de la Truye, car les Autunois & Berryens en sont fondateurs: & autres telles armes, qui viennent ou de la devise ou du nom propre, ou de telle rencontre que la fantaisie à voulu choisir. Paris vne grand' nef d'argent, non pour estre sur Seine & Marne: mais comme la capitaineſſe qui porte le fanal de fidelité devant toutes les villes de la France.

I'ay peur de m'être trop étendu, bien qu'en peu de paroles, sur le fait des armoyries, qui ne sont de mon present ſujet, ſinon en tant qu'elles ſymboliſent, avec les devises, auſquelles je retourne pour m'egayer, ſur ces petis avis d'en prendre les dictons de quelques Poëtes anciens, ſ'il s'y en trouue à plaisir: Mais ſ'il eſt poſſible ſur quelque bon mot & ſujet de l'Ecriture ſaincte, i'enten, quand ce ſera pour Cardinaux, Princes, & Prelas, ou perſonnes graues. Car il faut di-



stinguer les principales especes de Devises: les vnes spirituelles, les autres morales, autres naturelles, autres amoureuses, autres militaires, autres meles selon l'intention de celuy qui s'en veut servir. De ces premieres qui sont spirituelles, il y en a plusieurs exemples. Je mettray icy de mon frere le Reuerend Euesque de Trequier, qui est vne ruche de mouches à miel, avec ce mot, *Plus mellis, quàm fellis*. Propre à vn Docteur doux d'une mielleuse eloquence, approchant de celle qu'on attribue à S. Ambroise, non sans quelque peu de fiel, ou piqueure, figurant la reprehension des vices.

Lois Vives en fournira asses d'autres, comme *Scopus vite Christus. Murus Aeneus, Sana conscientia. Felicitas unica intus nil strepere. Antidotum vite patientia. Pedica nimia educia. Hemerobia vana gloria*. Et ainsi de plusieurs sentences semblables, qui approchent plus pres de l'emblemme, comme cette cy de moy, qui ayant faict peindre sur vne de mes cheminees le Patriarche Abraham au milieu de ses troupeaux & autres biens. I'y fy adiouter au dessus le nom de Dieu en quatre lettres

Hebraïques fort enluminé es environs; & au bas ce mot *Exi*, qui est pris du douziesme de Genese: où Dieu dit à son fidele seruiteur. Sors de ta contree & de ton alliance, & vien en la terre que ie te montreray. Et me suis contenté de ce premier mot, pour me ramenteuoir tous les jours que Dieu m'a commandé sortir de ce monde, & me tenir prest. Ce mot *exi*; n'est pas ma devise ancienne: car des lors que i'employay les premiers ans de ma tendre adolescence à l'estude des Fy-siques d'Aristote, ie pri cette cy. *SINE TEMPORE TEMPVS.* ou *Χερός ἄΧερός*, que ie n'espere pas laisser, & sur l'exposition de laquelle ie remets en autre lieu à discourir plus amplement. Mais ce n'est pas chose nouuelle de changer de devises ou qu'un sens en aye plusieurs de suite, ou en même tems, ou qu'un cors de Devise serue à plusieurs, ou que plusieurs ayent même mot avec diuerses peintures. Comme il se void bien des maisons nobles ayant mêmes furnoms & diuerses armes, ou auoir mêmes armes & diuers furnoms. Mais enfin pour reconnoistre vn vray parentage de No-



blesse deux choses y sont requises , le nom & les armes conformes en metal en couleur, & en tout. Comme de vray quand on veut bien seignaler vn Noble. On dit qu'il l'est de nom, & d'armes. Le Pape Leon X. eut plusieurs autres devises en vn même tems; comme il se voit au Vaticā, vne boule de verre au soleil *Candor illæsus*. vn joug suave vn anneau d'or enchassé d'un riche diamant, avec trois pennes en forme de lis avec ce mot *Semper*. On y adjoute encor celle-cy, de trois anneaux de diamants enlancez, comme en forme de souuenance: & dit on ce que cette tierce & les deux precedentes sont peculieres à l'illustre maison de Medicis, depuis que le grand Cosme les eut portees. La Royne Katherine mere de nos Rois en a eu aussi trois: l'une que i'ay touchee cy dessus *q̃s*. Et l'autre d'une Comete couronnee *fato prudentia major*. La troisieme en son veufuage des larmes *Ardorem extincta testantur viuere flamma*: qui est décrite & figuree cy apres. Le Roy François II. son fils, en eut deux. *Inter eclipseis exorior*, avec des eclipses que ie trouué avoir serui à vn autre de

nos anciens Rois: & l'autre vn extrait de  
Mappe-monde. *Regam patrijs virtutibus  
orbem.* La Roynne Marie Stuard son espou-  
se portoit, *Aliamque moratur.* Designant  
la Courone d'Angleterre qu'elle atten-  
doit, qui est echeue au serenissime Roy  
I A Q V E S son fils. Et depuis le decés de  
son mary, elle prit le Reglicier duquel  
la racine seule est douce, tout le reste  
horsterre est amer, avec ce mot, *Dulce  
meum terra tegit.* La constance de cette  
tres-Chrestienne Princeesse en toutes ses  
aduersitez, prison, & martyre la rendue  
memorable à tous siecles. La premiere  
de ces deux devises a esté la cause & la  
derniere le pronostic de ses destinees.

I'ay donné à Madame de Rohan de la  
maison de Soubise, vn rocher paroissant  
au milieu des flots salez, duquel sourdoit  
vne fontaine d'eau jalissant en la mer.  
S I C B R E V E D V L C E M E V M.  
Nul mieux qu'elle qui est fort diserte  
pourroit bien contenir les afflictions que  
cette sage Dame a souffertes.

Le Comte Clement Pietra bon hom-  
me de guerre en prit selon la diuersité &  
occurrence des sujets & la disposition de



ses affaires. La premiere voulant partir de sa Dame, & en témoigner son extreme regret, il prit vn Elefant qui scachant qu'on ne le chasse que pour auoir ses dens d'yuoire, les brise contre vn arbre & les laisse avec ces vers de Petrarque, *Lasciai di me la Miglior parte à dietro.*

Puis en faveur d'une autre sienne maitresse de même nom, que celle de ce grand Poete, il peignit vn corbeau blessé & enuénimé pour auoir combattu le cameleon, qui pour se medeciner mange des petits grains de laurier: Le mot le montre, *HINC SOLA SALVS.* allusion de laure au laurier, comme nous auon notté cy dessus de Moron au meurier.

La troisieme n'estoit plus amoureuse, ains guerriere. C'estoit vn Aigle, qui cōme Icare s'estoit brulé les ailes au Soleil, *Aude aliquid dignum.*

La quatrieme de même quand il s'appretoit de combattre son ennemy a outrance en camp clos, cettoit vne epée nuë avec ce mot *Ex hoc, in hoc.* voulant montrer que le glaiue luy feroit raison du tort que luy tenoit son aduersaire.

La cinquiesme qu'il porta on la guerre

Sienoyse, ce fut vn oyseau, que l'on nomme Heleucide, qui est de telle propriété qu'il ne comparoit au mont Cassis, qu'en la saison des fauterelles, lesquelles consumeroient les blez, si cet oyseau ne s'en repaissoit, en perdant cette venimeuse engeance, le mot estoit *Loco & tempore*.

La sixiesme estoit vne espee de grosses écreuisses qu'ils appellent Pettine qui à cette propriété de reluire mêmes en vne de ses branches : de telle sorte que même dans la bouche on en apperçoit quelque lueur : le mot la faisoit entendre.

*Operum gloria*. Montrant que qui bien & dextrement employe son bras contre les ennemis, doit reluire dans la bouche des hommes vertueux : c'est à dire en rapporter perdurable louange à la posterité.

Toutes ces devises d'un mesme Cheualier & notamment cette derniere ont esté iugees fort doctes, & ingenieuses, & ne leur a nuy le nombre, ny la multiplicité. Comme aussi reciproquement vne même devise portee par plusieurs, a intentions diuerses, ne sera non plus de mauuais gout, que seroit vn mets à diuerses fauces.



Nous venon devoir cet Aigle Royal par la troisieme devise de ce Comte Clement , voyon cette cy du Marquis de la Terze Iean Baptiste d'Azzia, prit-il pas aussi l'Aigle avec la morsure d'un serpent , qu'on nomme dipsas : duquel la playe est si veneneuse , que plus on est contraint de boire plus on a de soif, voulant figurer par le vol de l'Aigle , la hardiesse de ses pensers amoureux : aussi y mettoit-il ce mot, *semper ardentius*, par le serpent il entendoit sa maistresse qn'il a immortalizee sous le nom de Cloris, & à desiré qu'elle eust cette croyance de luy, que plus il la voyoit, plus il estoit fern du desir de la contempler, admirer, & servir.

Iay veu en quelques Palais en Pologne la devise du Roy Sigismond Auguste, qui portoit ce mot I O V I S A C E R. avec l'Aigle à l'escu, cõforme à ses armoiries. François Cardinal de Gonzague vn aigle posant le pied sur vn rameau ébranché avec ce mot pris d'Ouide , *Bellagerant alij.*

Vne autre Aigle , que portoit Irene Castrior Princesse de Bisignan estoit fichee en ses regards droittement contre  
le Soleil,

le Soleil, celle qui la decrie Claudia en la preface d'un des Panegyriques, elle y mettoit ce vers.

*Che mi puo far di vera Gloria, Lieta.*

pris de Petrarque, sinon qu'au lieu qu'il a mis *deгна*, elle a mis *lieta*, & au lieu qu'il a mis *eterna* elle amis *vera*, parce qu'il y a bien de la difference entre la gloire eternelle & la vraye: qu'ainsi ne soit Alexandre le Grand, Annibal, Iules-Cesar, ont bien acquis vne gloire eternelle: mais ie ne nomme point la gloire vraye, sinon celle qui naist de la solide vertu, & saintes operations Chrestiennes, par lesquelles nous sommes faits participans aux cieux de la vraye gloire & des triomfes, que l'œil ne vit onc, ni l'oreille ne les a ouys, ni rien n'en est entré au cœur des hommes. Cette gloire nous fait aussi entendre quel est ce soleil qui est la vraye lumiere illuminant tout homme, qui s'achemine en ce monde.

Pouuoit encor seruir ceste devise de tesmoignage de la loyauté qu'Irene protestoit garder à son espoux, d'autant qu'il s'en alla en la Cour d'Espagne, dont elle ne la revit onques de-



puis , car elle vouloit dire que ses enfans auroient tousiours les yeux vers leur soleil, pour preuue que

*Jamais l'Aigle genereux,*

*Ne couue vn pigeon paoureux.*

Puis chacun sçait que comme i'ay dit en quelque endroit, *L'Aigle éprouue au soleil les petits de son ayre.*

Galeas Fregose Genoïs, prit encor ce même Aigle du cimier de ses armoiries contemplant à yeux ouverts le soleil, mais il changea de mot disant en Espagnol, *Ni matar me, ni Spantarme*: pour augure de sa valeur disant que sa vaillance n'estoit sujette à aucuns accidens, ne pouuoit être ni abatue ni epouventee. Les Poëtes tiennent que l'Aigle sert d'écuyer à Iupiter pour luy porter son foudre trois-pointu, & que ses penne ne ne sont jamais atteintes de tonnerre.

Et puis que par le vol de l'Aigle nous sommes montez jusques au Soleil.

Thomas des Marini Duc de Terre-neufve portoit vn soleil de midi au dessus d'une mer calme. *Nunquam siccabitur estu.* Pour faire connoitre que la grandeur de son magnanime courage n'est

queroit jamais. Monseigneur François de France conquerant le Pays bas prit vn soleil a autre intention, *Fouet & discutit.* comme il est discouru cy apres en sa peinture. Sa sœur la Royne Elizabeth voyant que le Roy des Espagnes, Philippes II. son époux avoit pris vn soleil levant, elle prit d'un costé le soleil en vn ciel parsemé d'étoiles : D'autre la Lune avec ce mot *IAM FELICITER OMNIA.* Devise plus poetique, que vraye. Car cette concurrence de tant d'astres va bien à la felicité: mais il n'est pas vray en la nature que le soleil, la lune, & tous les feux du firmament, des quatre grâdeurs se puissent voir d'un seul regard & jet d'œil. Aurelio Porcelaga prit encore vn soleil, vers lequel se tourne toujours vne plante, qui se dit *Heliotropium*, *Girasole*, ou *Mirasole* en Toscan : qui sont de deux especes, l'une grande, l'autre petite, toutes deux s'enclinent vers l'astre du jour. Loïs de Luxembourg Comte de Ligni de race Imperiale, & duquel l'Italie garde les os, & le renom, prit encor vn soleil *OBSTANTIA NVBILA SOLVET.* promettant de rompre ou chasser tout ce qui se



presenteroit à luy faire obstacle. Marc Antoine Colone se servit encor d'un soleil, vers lequel prend son vol le heron dit *Ardea* surpassant les nues, *Natura distante feror*. Ferrand F. d'Avalo Marquis de Pescayre un soleil assisté de la planete de Venus. *Hac monstrante viam*.

De l'Autruche on en recite trois, l'une avec ce mot *Durissima coquit*. Dure digestion que le fer. Vne autre. *Cursu Prætervehor omneis*. Car cet oyseau qui est fort lent au vol, est fort agile à la course: & la tierce devise, un Pair d'Autruches couvant des yeux leurs propres œufs, *Diversa virtute valemus*.

Et bien qu'il n'y ayt qu'un fenix au monde, comme celuy qui renaît de ses propres cendres, & de qui le soleil est le meurtrier & le pere, si est-ce qu'il s'en trouve plusieurs en devises, un que prit la Royné Eleonor d'Autriche seconde femme du Roy François I. avec ce mot *NON EST SIMILIS*, ce quel'on interpretoit, que la sœur de Charles V. femme du plus grand Roy, n'avoit point de semblable en bon heur & vertus. Encores que la Royné Claude premiere femme

de ce Roy aye mieux merit  d'estre ditte l'vnic Fenix des derniers six siecles car autant de vie donnent au Fenix bien qu'  divers titres, Pline, Ovide, Claudian, Tacite & Lactance.

Vn autre Fenix que prit Bonne de Savoye mere de Jean Galeat, lors de sa viduit  il estoit ardent au milieu des flammes celestes avec ce mot. *Sola solū Deum sequor.* Rendant l'intelligence facile, qu'elle n'aymoit qu'un seul Dieu. Vn troisi me que portoit Gabriel Costa Comte de la Trinit , de l'une des plus nobles maisons de Savoye, qui en si beau corps ny a point voulu loger aucune ame. Gabriel Ioli fort celebre   Venise pour vn homme du tiers Estat, prit aussi le Fenix & fit donner ce nom   l'une de ses filles sur la naissance de laquelle & sur cette devise nous avons veu vn livre de iuste grosseur diversifi  des ouvrages de tous les plus beaux & delicats esprits d'Italie.

Ce ne seroit jamais faict qui voudroit esplucher, combien de Dragons, combien d'Elefans & telles autres figures ont servy de devises   diverses personnes ex-



cellentes, & avec diverses sentences & enonciations. Le cham en est spacieux & ouvert, chacun s'y donne carriere à son plaisir, c'est comme vn bransle ou chacun y fait loyaument du mieux qu'il peut. Que si quelqu'un y faict vne fauce demarche, il ny à nul censeur ny dictateur pour reprendre. Le peuple s'en fait croire, & comme il est vn animal à cent testes, il donnera quelques-fois son suffrage, à quine le merite pas.

Et toutes-fois ce que disoit vn ancien de la maniere de parler, *Vsum populo concessi, scientiam mihi reservavi*: se peut encore appliquer en cet endroit, que les plus doctes & ingenieux sont ceux qui par raison inventent de meilleures devises, encor que quelque ignorant y pourra avoir bien rencontré pour vne fois.

Les livres de Philosophie divine & humaine, soit morale, soit naturelle : les histoires, les preceptes des arts liberaux & mecaniques, & tous les auteurs des lettres humaines, & sur tous Dioscoride & autres herbiers & simplicistes, les descriptions des animaux, oiseaux & poissons reptiles & insectes, Gesner, Belon

& Rondelet, le Nicandre, les Meteores d'Aristote, tout ce qu'ont escrit les anciens & modernes sur ce subiet, tout ce que peut la nature, tout ce qu'imité l'artifice, toutes les peintures & sculptures, tout cela comme j'ay dit peut servir de forest spatieuse, où se couppera le bois propre à bastir nos devises. Pour ce, disoit Horace.

*Dicendi recte sapere est & principium & fons:*

*Rem tibi Socraticæ poterunt ostendere carthæ.*

Socrate n'a iamais rien laissé par escrit: il n'acouchoit pas, mais comme fils d'une sage-femme, il faisoit accoucher les autres. Son escolier Platon à pour luy mis la main à la plume. Aristote bien que le plus chery de Platon à faict bende à part: son disciple le Roy Alexandre le Grand ne s'est soucié de depenser vn grand nombre de Talens d'or, pour le salaire de ceux qui se sôt enquis soigneusement de l'histoire des animaux, & en ont donné de curieux memoires, dont ce grand Filosofo a composé ses beaux livres, & a creu ce Roy le plus grand du monde, qu'en cela il ne meritoit moins de louange, qu'en la conqueste de l'Asie.



Pline qui a escrit la naturelle histoire ouvrira le cham de belles inventions à ceux qui se rendront cet autheur assez familier. L'histoire naturelle des Indes servira à mesme effect, car il y a en l'autre Hemisphere autant de divers animaux qu'aux nostres : mais par ce qu'ils ne nous sont pas si notoyrement conneus , il y faudroit vn verset plus long, & en termes plus significatifs, autrement on ne seroit qu'à peine entendu. Entre les modernes Pierre Valerian en ses hieroglyphiques a surpassé sur ce subiet tous les autres en diligence, pourveu qu'on aye assez de loisir à esplucher si gros volume.

Les bons Poëtes fourniront assez d'hemistiches & Doctes mots de devises: sur tous cet admirable Virgile, qui s'est renduë douteuse la palme contre Homere, lequel il avoit pris pour son patron essayant l'imiter. Des œuvres desquels Poëtes plusieurs ont extraict des moitié de vers çà & là detournez en autre sens que le primitif, & en ont rapetassé des poëmes entiers que l'on a appellé des centons. Ce sont pieces rapportees, ou de marqueterie ramassée de menues

parcelles, commencemens & bouts de vers, car il n'est permis en mettre deux ensemble, & non pas vn & demy: & en ce rassemblement il faut que la signification en soit toute autre quelle n'estoit en sa primitive: & qu'il ne semble pas que ce soient choses empruntees d'autrui. Ainsi Proba Falconia du tems de Theodose le Jeune a agencé des vers de Virgile vn livret, où toute l'histoire du vieil & nouveau testament est comprise: vne Endocia, s'en est aussi heureusement melee. Et de nostre tems, vn Italien Lælius,

Capilupus a extraict du mesme Prince des Poëtes Latins vn livret de la vie & meurs des gens de religion qu'il appelle FRERES. Quiconque entreprendra d'escrire de ces poëmes, il faut qu'il aye la memoire fort heureuse, ce dit Ausone, qui s'en est fait de feste: & vn tel esprit trouvera assez de quoy inventer de belles devises & les appliquer à tel subiect qu'il voudra.

Cette source est si vive & si abondante qu'elle ne se peut aucunement tarir ny espuiser. Pierre Valerian pensoit n'y a-



voir rien oublié, ny obmis dans ce gros volume qu'il en à compilé en plusieurs années: Et toutes-fois ils se sont trouvez deux doctes hommes au desceu l'un de l'autre, qui ont enflé ces cinquante six livres de hieroglyphiques en y adioustant deux d'une part, & six d'autre, qui ne doivent rien aux premiers, vous diriez à les voir, que comme ce Roy de Frygie convertissoit en or tout ce qu'il touchoit du bout du doigt: aussi ces diligens chercheurs à l'ouverture de chaque bon auteur, & par tout où ils veulent estendre la main, ils ny treuvent pas seulement à glaner quelques significations propres à la science naturelle ou morale, ains à moissonner tous les thresors des Cabalistes, Hebrieux, des Prestres Egyptiens, des Philosophes Gregois, des Orateurs, Poëtes & historiens Romains.

De cette cabale nul ne doute qu'elle n'aye esté la plus ancienne, & comme mere ou ayeule de nostre science Hieroglyphique. Ces vieux Peres, ces divins esprits & plus proches voisins de l'aage des bons Patriarches, se sont adonnez avec grand' diligence & en tout le cours de

leurs aages, qui surpassoient de beaucoup les nostres, à la recherche des diverses proprietéz & miraculeuses operations de la nature, comme ancelle de son Createur: & s'il avenoit, que, ou par leurs diligences, ou par les occurrences, ou par les effets, ils eussent acquis quelque doctrine, qui leur semblat meriter d'estre tenuë chere, ils s'efforçoient d'en conserver la memoire comme vn thresor caché entre eux, non communicable à autre qu'à eux seuls, & aux plus dignes de leur posterité. Par ainsi les Hebreux pour tenir closes, comme en des boëtes les plus precieuses liqueurs de leur doctrine, ils ne vouloient en dresser aucuns registres ou escritures publiques ny privees. Mais le pere se cachoit pour en faire leçon à son fils, par l'oracle de vive voix, & le fils en faisoit de mesme à ses enfans de main à main, par ainsi de cette traditive, qui se livroit & recevoit de l'un à l'autre, comme soubz le cachet d'un silence est venu ce mot de cabale, qui ne veut dire autre chose que prise & reception: & passa cette façon de faire jusques aux Indiens & Egyptiens, qui



s'enseignoient de l'un à l'autre la connoissance, difference, conformités, vertus & facultez des herbes & simples, voire en remontoyent iusques aux Astres leurs ascendans, declinaisons, aspects, vertus & inclinations. En fin de peur que le tems, qui ronge & ruine toutes belles invétions ne vint à estouffer la memoire de ces si riches secrets.

Les Hebreux n'eurent honte de commettre leur cabale en deposit soubz la clef des Escritures: & de mesmes les Egyptiens peignirent & graverent leurs mystres avec des signes & figures, qui ne se laissoient dechiffrer, qu'à ceux du mestier. C'est pourquoy les Gregois les nommerent Hieroglyphiques, c'est à dire sculptures sacrees.

Mercure Trismegiste en fit graver des grandes colonnes, où se lisoient les mysteres du monde inferieur & du celeste, ce fut cet ardeur de les voir, qui conduisit Pythagore & Platon iusques sur les rives limoneuses du Nil, & eussent eu beau fantastiquer & s'alambiquer le cerveau sur tout ce qui est dans Orus Apollon, ils y eussent perdu leurs pas, & leurs peines,

Les sages du lieu ne leur en eussent ouvert l'interpretation.

La Grece avec l'escadron de tant de tant de Filosofes qu'elle à produits en diverses sectes s'est venuë ietter à la traverse, & ne s'est contentée de cacher soubz ces figures parlantes, cette convenance & cet enchainement de la discipline, des substances inferieures avec les celestes. Craignant que cela ne fust pas caché assez secretement, elle à en fin treuvé vn secret plus gentil de muffer les intentions soubz le voile des choses, qui comme des Silenes d'Alcibiade parroissent en dehors tout autrement que ce qui est au dedās. Et de là on peut estimer qu'ont pris leur origine ces doctes fables, dont les cahiers de tous ces Filosofes & Poëtes sont remplis, sur lesquelles chacun à voulu selon son Enthouciasme forger des Mythologies & allegories, & y donner tel sens que bon à semblé à ceux qui n'avoient pas assez de la lumiere de nostre foy. Car quant aux Profetes ils ont mieux aymé se servir de Paraboles, comme le psalme 77. a dit. *Aperiam in Parabolis os meum.* Moyse, tesmoin Filon en sa vie,



Iob, Salomon en ont esté excellens ouvriers, & apres eux Athenec, Clement & Cyrille Alexandrin, Origene, Porfyre, Apulee, dont Marfil Ficin grand Platonicien en son livre de la triple vie nous à voulu donner quelque eschantillon.

Plutarque au livre d'Isis & Osiris rapporte l'ancienne vſance de ces vieux Egyptiens, qui ne choiſſoient leurs Princes, que de l'ordre des Sacerdos ou guerriers, comme les vns eſtans doüez de ſageſſe, les autres de vaillance. Que ſi on en choiſſoit vn parmy la chevalerie, il ſe ſoumettoit auſſi toſt à la regence des ſages, & eſtoit rendu participant de cette ſapience, de laquelle le propre eſtoit d'enveloper la verité ſoubs le manteau des feintes & mythologies. Clement Alexandrin V. Strom. les appelle myſtiques Theologies, des ſages Hebreux & Caldees, auſſi bien que des Egyptiens: car ceux-cy par le moyen de ceux là, en ont appris les ſecrets du patriarche Iofef & ſa poſterité. Il ny à pas eu iuſques aux Ethiopiens, Indois, Arabes, & nations barbares qui n'ayent voulu tenir la

verité cachee, afin qu'elle fust en plus grande veneration: & pour ce les Grecs donnent cet epithete de *λοξίας* à Apollon parce qu'en ses oracles il flechissoit, & respondoit obscurément & ambiguement, comme on en void des oracles magiques de Zoroastre, dans les commentaires de Psellus.

Et bien que de telles creuses & obscures minieres ayent esté tirez les metaux de nos devises, si ne les veux-je d'avantage approfondir ny faire recit, de ce qu'en disent Tacite Annal. XI. & Marcian Cappel. & Cassiodore livre 3. ny esplucher les Carmes feciaux & vieilles formules des Romains, me contentant de remarquer en passant vne belle antiquité à ce propos, dans Ammian Marcellin l'un des meilleurs & plus veritables historiens. Il dit donc qu'entre plusieurs obeliskes dediez à leurs Dieux, il en contempla vn grand de marbre en forme de borne, montant peu à peu iusques à vne demesuree hauteur, s'amenuisant en son carré vers la cime, & poly de la main de l'ouvrier: & qu'en toutes les quatre faces, il y vit des notes appellees hierogly-



fiques y apposees de l'autorité des plus anciens sages. C'estoient diverses especes des oyseaux, des bestes furieuses, voire de l'autre monde, parmy lesquelles les Rois ou grands Capitaines mōtroient qu'ils s'estoient voulu acquiter des choses par eux vouees à leurs Dieux. Car de ce vieil tems, ce dit nostre autheur, n'estoit encores conneuë l'invention de nos lettres & caracteres, iusques à ce qu'un certain petit nombre suffisant à exprimer tout ce que l'esprit humain peut concevoir; avoit contraint les peuples de faire servir chaque lettre à chaque nom & d'un seul mot faire entendre vne sentence entiere & absoluë, & en voicy deux exemples. Par le Vautour ils entendoient la nature, parce qu'en cette espece d'oyseau il n'y en a nuls du sexe masculin. Par la mouche à miel ils signifioient le Roy, voulant que celuy qui est fait pour commander absolument aye avec la douceur quelque menace d'aiguillon mais non l'effect. *Rex apum aculeo caret*. Puis nostre historien recite la maniere, comme cette demesuree piece de marbre fut apportee d'Egypte à Rome &

me & dressée en la place du grand Cirque, & rapporte mot à mot l'interpretation & dechifrement des figures, qui y estoient en toutes les quatre faces.

Au grand & spacieux Empire de la Chine située en Orient, qui n'est point si moderne ny si nouvel venu à nostre connoissance que Ptolomee en sa Geographie, & Stef. de Urbib. n'en ayent fait vne honorable mention: il y à ce dit on quinze Provinces ou Royaumes toutes différentes de langues, loix, meurs, coustumes, habits & façons de vivre, toutes renfermees d'un costé de la mer & d'autre costé d'une closture de cinq cens lieues de long, partie de murs & rempars, partie de montagnes: dont la ville capitale nommée Lanquin est de si longue estendue, que pour passer d'une porte à l'autre, il y faudroit cheminer durant trois iours d'Esté: les peuples desquelles Provinces ne s'entendēt en leurs langages de contree à autre, non plus que le Gascon & l'Allemant. Et toutesfois ce disent ceux qui y ont esté, mesmement I E A N Gonçales de Mendoçe, ce qui est escrit en l'une de leurs langues



est leu & entendu par tous les vingt quatre gouvernemens, par ce qu'ils n'v-  
sent point d'aucunes lettres reduites en  
vn certain nombre: ains chaque chose,  
& chaque mot, ont vn certain caractere  
conneu de tous pour la mesme significa-  
tion, & commence ladite lettre ou pein-  
ture du haut en bas, se poursuivant de la  
dextre vers la fenestre, à la façon des He-  
brieux & autres Levantins: tellement  
qu'il faut bien cinq ou six ans pour ap-  
prendre cette orthographe, ou plustost  
ces Enigmes & pour les dechiffrer. Ce  
qui fit que ces peuples honorerent & ad-  
mirerent d'avantage le Pere François  
Xavier & autres nos Religieux, qui pre-  
miers y ont passé, quand ils ont appris des  
nostres à reduire toutes lettres à vingt  
deux ou environ, & de peindre & escri-  
re par icelles, tout ce qui peut tomber  
en la fantaisie, & en la plume en quelque  
langue que ce soit.

Si ne faudroit pas de là inferer qu'ils  
fussent ignorans & grossiers: car long  
tems avant les Occidentaux, ils ont eu  
l'heureux vsage de l'imprimerie, & la  
maudite inuention du canon: mais ils

ont voulu garder l'ancienneté des hyeroglyphiques sans y rien varier : tellement que tous ces peuples voulant signifier l'année peignoient tous vn soleil, & pour le mois vne Lune, pour Dieu, vne etoile: pour l'ame vn fenix , qui renaissant de soy mesme est comme eternal : pour le mariage deux corneilles , parce que cet oyseau est duit à la cōcorde, pour l'heure l'hippopotame, ou cheual d'eau: comme ont fait voir quelques vns qui s'en sont bien informez. Et ainsi des autres, mettant en euidence pour ces vieilles marques , leurs nouvelles conceptions, couvrant & couvant sous ces cendres & reliques del'antiquité , le diuin feu des sciences celestes pour n'en eclairer qu'aux esprits plus relevez.

Si les alfabets de ces Chinois nous étoient devenus vulgaires , on y verroit plusieurs belles sentences , enigmes, emblemes, prouerbes, devises & autres nobles conceptions, que Lucan liu. 3. semble appeller langues magiques : & si on dechiffreroit fort facilement les plus occultes notes & manieres secretes d'ecritures , sans avoir besoin des notes de



Tritheme Bapt. Aporta, & Vigenere.

Car en tant que les devises soit en la peinture, soit en la diction doivent donner quelque peu à songer aux bien entendus, on les peut dire estre participantes en quelque chose aux enigmes & aux chiffres : du moins pour ceux qui ne les comprennent du premier aspect. Et sur tout les devises ont de grandes alliances avec la peinture & la poësie : desquels deux Horace à tres bien prononcé, *Vt pictura poësis erit.*

Du nombre desquelles peintures se peuuent dire les emblemes, & les enigmes au moins celles qui sont muettes & n'ont nulles sentences ou lettres : Car de cette sorte ne se peuuent dire les enigmes parlans comme cet Oracle.

*Aio te Acacida Romanos vincere posse.*

& cet autre,

*Cresus Halim superans magnam peruertet opum vim.*

Et ceste responce qu'une sourciere fit à Ferrand Comte de Flandres consultât de l'ornement de la guerre, qu'il auoit contre son Roy. Car il luy fut respondu que le Roy Filippes Dieu-donné seroit

renversé à terre , foulé aux piez des cheuoux, & que luy Ferrand entreroit dans Paris, avec grand joye & magnificence. Ce qui luy avint ainsi qu'il luy avoit esté predit , Dieu le permettant , pour punir ceux qui vont aux deuins , mais tout autrement qu'il ne pensoit. Car le Roy fut bien renversé & foulé : mais relevé , il gagna la bataille, prit Ferrand, & l'emmena lié en triomfe à Paris , où tout le peuple avec feste & allegresse cria , viue le Roy.

De même vn forcier repondit I B I S, *redibis non, morieris in praelio*. la signification se contrarie selon que la virgule est mise deuât ou apres la negatiue. Tu iras reviendras non , mourras en la bataille.

Il se pourroit bien rencontrer de tels mots à deux ententes, dont on feroit bié de bonnes devises , si on y adaptoit la peinture de même: & à faire de ce, on en pourroit faire vn bon tableau ou embleme. Les mots sont artistement iuentez pour signifier. Et les choses sont pour estre signifiees: combien quelles peuuent estre aussi signifiantes.

Ce mot d'Embleme comme nous a-



uons dit cy dessus , est Grec originaire; Et pour ce l'Empereur Tybere, ce dit Suetone , le voulut bannir comme Aubeine , & chercha de luy en substituer quelque autre plus Romain. Mais le tems l'a rendu naturalisé & luy a aquis droit de bourgeoisie. Pour signifier des ornemens qui se peuuent poser & oter, en des parois , les parterres , vases , tableaux, robbes & ouvrages d'orfeurerie.

L'vsage qui est le maistre de bien dire a passé plus outre , appliquant ce mot à des epigrammes mis au bas de quelques images ou peintures , dont on peut tirer quelques avis Polytiques ou sentences morales, comme on en void dans Adrian le jeune, Iean Soreau, Achilles Bocchep, Barthelemy Anneau, Maurice Sceve, & dans nôtre André Alciat Milanois , l'un des plus excellens Iurisconsultes de nostre aage , & qui ayant leu long tems à Bourges & en Auignon , y a joint l'eloquence avec la parfaite sciëce du droit Romain, & en a banni la Barbarie: dont nostre Cujas , & avant luy Duaren se sont faits grands & admirables , & nous tous qui auon suiuy leurs doctes traces

leur en devon avoir eternelle obligatiō.

Autres ont encor fait des emblemes, quand à cause des figures humaines ils n'ont peu en faire de bonne devises. Je ne veux m'amuser à vous décrire en ce liuret les galleries de Fontaine-bellaud, decorees de tant de devises amoureuses & emblemes moraux, qu'il en faudroit faire vn volume entier. Le chasteau de Noy si non loin de S. Germain en Laye, est vne des belles maisons que l'on puisse voir. Toutes les sales, galleries, chambres, & cabinets, y sont decorez d'exquises peintures, jnuentees de quelques deliez esprits & tracez de bonne main. Ce sont presque par tout, memes sur les cheminees des petits amoureux, faisant quelques gestes diuers, ou tenās en main quelques marques, avec chacun son mot, qui pour ne pouuoir seruir de devise, degenere en epigramme ou inscription. Autant presque s'en void en la grotte du jardin de l'hostel de Meudon, à present S. Paul à Paris, & encores en des maisons priuees, comme en celle du sieur Corbonois rue d'Aufine, & encor plus en la rue des Bourdonois chez le



sieur du Pont Secretaire du Roy, qui en a mis grand nombre de son invention, avec trois ames diverses à chaque corps de devises. Auquel sieur du Pont il faut qu'icy ie rende témoignage à son merite & que c'est luy qui m'a acquis la bienveillâce de ce gentil & vertueux seigneur de Sceaux secretaire & Cōseiller d'État, support de la vertu & des lettres. Ce qui m'a donné enuie d'y en mettre icy quelques emblemes ou devises des notres pour contenter le Lecteur.

Vn amour mettant vne trouffe de Fleches par le bout dans vn petit feu *Lentus, tamen eternus.*

Vn amoureux ayguisant sa fleche sur la queue ou la roue de l'emouleur *Mens immota manet.*

Vn autre semant du pauot, *Oblivioni*, le pauot est sacré au *Somme.*

Vn autre sur le sueil d'une porte de jardin, batye à la rustique. *Amoris ostium. non hostium.*

Vn autre encore à yeux bandez sans trouffe ni fleche. *Pulchra puellarum lumina, tela mea.*

La carriere ou courent Hippomene

& Atalante, cettuy la jettant des pommes d'or, cette cy s'amusant à les ramasser, AVRO CONCILIATUR AMOR.

Tantale alteré & mourant de soif au milieu des vndes. ADEST COPIA, FRUCTVS ABEST.

Le Crocodile courant apres vn chasseur, poursuivy d'un autre, TE FUGIENTE PREMIT, TE QVE PREMENTE FUGIT.

Vn tonneau persé en cent endroits, que les Danaïdes essayent en vain remplir. NVNQVAM PERTVSA REPLEBIS, ou bien HAC ET ILLAC.

Erifile massacrée par son fils tenant la bague qu'on luy avoit donnée, afin de deceler son mary. NIL DEBES DEXTRÆ.

Ixion embrassant des nuees. NIL FICTA IVVABVNT.

Vne Pandore tenant d'une main sa boîte vuide & renversée, de l'autre le couvercle. NEC SPES EST VLLA RELICTA.

Vne Vierge vestale gardant son feu perpetuel sur vn Autel, NOSTRA AETERNA MAGIS.

Qui veut exprimer la grandeur de sa flamme peindra l'embrasement de Faë-



ton. *Parstantula nostra.*

Le bouclier du grand Achille dans lequel Homere represente les liens de la paix, & les maux de la guerre. *Sic mala sunt vicina bonis*, ainsi pourroit on peindre Iuppiter à trois yeux.

Venus garrotee de chesnes de fer, ou ayant le pied sur vne Tortue pour la garde de la maison.

Apollon & les neuf muses sur le double Parnasse, la renommee avec deux tröpettes en bouche, & ce mot de Tacite. *Non minus periculum ex magna, quam ex mala Fama.*

Nemesis Deesse de vengeance ayant vn foüet en main & vne coleuvre soubz les pieds pour sa tardité, *Raro scelestum deserant pede pœna claudo.*

Mercure sans aïfles. Vulcan & ses forgerons. Vne victoire à aïles eployees. *Premia laudis.*

Le Temple de la Paix : celuy-là de la Chasteté, Diane & ses Nimfes, & autres fables des metamorfoses d'Ovide, tableaux ou images de Filostrat, ou autres telles fantasies.

La pluye d'or dégoutant sur la tour,

où Danaë est enclose avec ce vers.

*Frangit marmoreos aurea gutta sinus.*

La Deesse Pomone ayant pres de soy  
Vertumne transformé en vieille, *Vertit  
vertumnus per verba.*

Narcisse, *En la fontaine se mirant,*  
*Et de l'amour de soy mourant:*

*Quiconque ayme autruy plus que soy,*  
*Pres la fontaine meurt de soif.*

Vne Nymfe presentast vne pōme à son  
serviteur, qui la reçoit avec grād cōtēte-  
ment & l'en remercie par cet Epigrāme.  
*Hoc malum mallo, quam malum, quod mala  
tanta*

*Produxit malas quo sibi Troia ferit.*

*Que tulit hoc malum, o malum sine fine beatū,*

*Hoc malum sarcit, nunc mala multa mihi.*

*Navigat hoc malo, velut alto spes mea malo,*

*Non turbent cursum, sic mala fata meum.*

De mesme vne fille belle de visage, qui  
presente à son Valentin vne branche de  
prunier, chargee de perdrigones, à la-  
quelle l'adolescent faiçt cette responce  
gracieuse.

*Pruna manu prona pariter, pruna squē dedisti,*

*Prunas Bruma fouet, pruna pruina iacit.*

*Pruna tulit prun⁹, prunas tua lumina fundūt,*



*Condimus has animo, condimus illa manu.*

Didon & son Ænee duquel elle s'en amoura , apres quelle eut long-tems caressé Cupidon souz la figure d'Ascagne.

*Æneas ne? an eneus?*

*Pur al fin m'espagnare Enea, e Amore:*

*L'un hebbe il viso finto, e laltro il cuore.*

Medee & son Iason avec sa conqueste de la toison d'or. *Rapto vellere vellit.*

*Stetti allo spron d'Amor fin chi restia.*

*Hor durezza non val, Iason mi vince,*

*Et ha col vello d'or la spoglia mia.*

Vn qui court au Soleil apres son ombre.

*Gloria vitantem sequitur, vitatq; sequentem.*

Vne grand' sale ou vn beau Palais tout embrasé de feux, & vn ieune Gentilhomme qui avec vne grande eschelle s'expose aux dangers des flammes violentes, & en retire d'une haute fenestre vne ieune Damoyelle, criant, au feu, au secours. Puis celuy qui la delivree devenu amoureux d'elle, qui ne le daigne secourir en fait cette plainte, d'estre précipité au feu par celle qu'il en sauva.

*Hanc demens servo, quem se visissima perdit,*

*Ignem quo peream libero ab igne meum.*

*Ignibus eripio quia te, me ponis in igneis,*

*Te traxi à flammis, ut mihi flāma fores.*

Ce fait est advenu à Roüen, lors de mon enfance : où le soir le feu prit en vne grand sale de festin tapissée de royles ci-rees, celuy qui sauua la Damoysselle ne pouvant paruenir à l'espouser, quitta de regret le país. Vne autre Damoysselle s'estoit habillée de satin verd pour, ce disoit elle, ne pas brusler si tost, elle fut la premiere dévorée des flammes.

Trois Graces nuës s'embrassant dont les deux sont tournees vers nous, par ce que pour vn plaisir receu nous en devons rendre deux.

*Ingrata est Gratiatarda.*

Lucreſſe se tuant pour tēsmoigner sa Chasteté.

*Nefas animam præferre pudori.*

De toutes ces peintures dernieres parce qu'elles sont tracees de visages humains, ie n'en feroiy recepte ny mise pour devise: mais en qualité d'emblemes pourront servir d'ornement és sales & galeries.

Ie ne sçay en quelle categorie on pourroit mettre les Pasquils ou sobriquets, qui plus volontiers soubz ambiguité de mots tendent à quelque reprehension:



comme pour taxer vne Lavandiere d'estre tout à coup devenuë grande, riche Dame, on a representé vne chemise sale avec ce mot. LES LAVANDIERES SONT PRINCESSES. Sixte V. voulant descouvrir qui estoit celluy qui avoit mis, *Papa Sixto non pardon arebbe à Christo* : fit publier à son de trompe grand salaire à qui reveleroit l'auteur : mais le matin il trouva à sa porte, *Frate n'ol saperai, que son solo.*

Et pour vn grãd Prelat Pie V. qui apres vne longue austerité, s'estoit en fin avisé de donner du bien à vn de ses parens. On mit. ET HOMO FACTVS EST. Mais ces medifances ne tendent à nostre principal subiect. Je me contenteray d'honorer quelques Prelats par quelques devises, qu'eux ne se sont pas donnees, ains la renommee publique ou plustost l'Italie, qui n'est pas coustumiere de loüanger nos François, sinon que sobrement.

Ce grand François Cardinal de Ioyeuse, Doyen du College pourpré à fait tant de pennibles, mais vtils voyages pour le service de l'Eglise & de son Roy & de sa patrie, qu'à grand peine a-il peu avoir

quelques trefves pour sa propre santé. Et pour ce les Romains luy ont donné vn puits d'ouvrages exquis avec deux sceaux & ce mot, V A, ET VIENNE, voulant signifier le mouvement bien reiglé, mais perpetuel de son divin esprit, & de ses louables actions, & que sa prudence n'est moins necessaire aux grandes affaires que l'element de l'eau à la vie humaine.

Le second est ce grand, admirable & prodigieux esprit, l'Illustrissime le Seigneur Cardinal du Perron, duquel on ne sçauroit discerner, si les lettres ont pris plus d'ornement de luy, ou luy des lettres, les Romains ont peint pour luy le fleuve du Rhosne avec ce vers.

*E bianco e chiaro, e pur viendi Geneva.*

Car pour avoir receu en sa ieunesse quelques leçons de Philosophie en passant à Geneve, ils'est monstre vn vray Hercule à abbattre & extirper par le flambeau de l'Ecriture sainte, les testes renaissantes de l'Hydre des Heresies.

Au feu Seigneur Cardinal de Givry, on luy avoit donné le bois d'Aloës. *Gran virtu, poco frutto*: pource que ses vertus,



sa douceur & pieté singuliere, n'ont pas receu le digne guerdon de ses merites.

Retournons donc tout à fait à nos devises bien reglees.

Vn las d'amours enlacé de plusieurs nœuds, & vn poignard trenchant au dessus avec ce mot. *Nec viribus ullis*, pris du sixiesme de Virgil. Cela signifiera vne amitié & conionction indissoluble, selon Orus. A propos du nœud Gordian qu'Alexandre n'eut peu ouvrir, si avec le trenchant il n'eut fait fraude à la destinee.

Vn Daufin mordant vne seche ou Polype, poisson à plusieurs pieds avec ce mot IMMuable. Il est facile a voir que c'est fermeté d'amour.

Vn fuzil & son caillou dans vne flamme, *Vro quod vrit*, pour celuy qui à quitté l'amour ou quelques folles perturbations de l'esprit.

Vne Guirlande d'Asparges avec ce vers Anacreontic. *Ex aspera salubris*. On sçait que ceste plante est epineuse, & le fruiet en est doux & sain: & pour ce on en couronnoit les jeunes epousees qu'on qu'on menoit vers le mary.

La Pyrauste est vn animal à quatre  
pierz

piéz & deux ayles, vn peu plus gros qu'vne guespe il n'ait du feu, vole dans le feu & s'il en sort d'avéture il en meurt: comme aucuns poissons si tost qu'ils sont hors l'eau. Il se trouve dans les fournaïses ardantes en l'Isle de Cypre, ce dit Aristote. Le feu en cet endroit se prend pour l'amour, & par iceluy l'amant voudra faire connoistre que s'il n'aymoit il iroit au trespas: son mot sera DEDANS ET DEHORS, ou AINSI I E VI, ET M E V R. Ou tel autre qu'on y voudra mettre à plaisir.

Vn fleuve coulant en plusieurs replis. *Quies inquies*, attribuee au Roy Dagobert; ou biẽ *Vnda supervenit undam*. C'est ce que Iean Vitalisa dit; ou que du Bellay à imité en ses Antiquitez de Rome.

*Le Tybre seul, qui vers la mer s'enfuit,  
Reste de Rome, o mondaine inconstance:  
Ce qui est ferme, est par le tems destruit,  
Et ce qui fuit; au tems fait resistance.*

Vne Brebis & les forces au dessus pour la tondre. *Tondere non de glubere*, attribuee à Tibere.

Vn Lion pamé & à la renverse, ayant à son muſle l'herbe dite Adamantile, de telle vertu dit Plinẽ, que son odeur faict



choir & tresbucher plat ce Roy des fiers animaux.

Pour le mot, *Non ti fidar, non sarai ingannato.*

Vne oreille couronnee, *Patiens sit auris*, attribuee à l'Empereur Constantius.

Vne vipere devorant vn Scorpion, TOVIOVRS PIRE. Car aprestelle viande son venin en est sans remede.

Vne autre vipere, qui faonne ses vipereaux avec ce mot, *Iusta vindicta*. On pēse que ce serpent estrangle son masse en la conception, & que ses petits luy ouvrent le ventre pour sortir: dont on la nommee *Vipera quod vi pariat*. Le croy pluost *Quod vivos pariat*. Les autres reptiles ne font que des œufs, cette-cy les fait tous vifs.

Vne biere ionchee de roses, œillets & guirlādes. *Placeam vivus, lauder mortuus.*

L'oyseau nommé Otarde craignant d'estre emporté des vens & orages s'emplit de sable le iabot. NY VANITE, NY VENT N'EMPORTE.

Qui mange de la chair d'Otarde assez connue en Champagne, y trouve tel goust & telle saveur qu'il se voudra ima-

giner à plaisir. Soit donc pour mot, TEL  
QV'IL PLAIT.

Ainsi escrit Herodote qu'en Ethiopie se trouve vn pré délicieux auquel à toutes heures se voyent dressees des tables chargees de toutes les viandes que l'appetit sçauroit desirer, comme du don des Dieux. Et pour ce on appelle ce pré la table du Soleil, prenez que ce mien discours soit de mesme, chacun y pourra choisir ce qui luy viendra plus à goust.

Vn carquois vuide de fleches, voulant dire qu'elles sont toutes dans le cœur.  
*Herent in corde sagitta.*

La Colombe issue de l'Arche rapportant vn rameau d'Olivier. *Placida prenuntia pacis.*

L'Aigle se laissant choir en vne fontaine raieunit par ce bain. *Dum mergitur emergit.*

L'Hirondelle de Paradis n'a point de pieds : non plus que les merlettes, qui n'ont pieds ny bec en armoiries, aussi vole elle sans se reposer, iusques à ce qu'elle aye trouvé son nid. *Tandem in nido,* peut servir à celuy qui a trouvé ce qu'il cherchoit, comme l'Embleme d'vne



anguille prise & serree dans vne fueille de figuier.

Ce mesme oyselet de Paradis portant ses œufs & apres ses petits en la concavité qu'il à sur son dos, *Meos adsydera tolle.*

Le Genievre qui germe & ne fleurit point, avec ce mot, *Quid odor sine flore?* Peut servir au contraire à qui se plaint de n'avoir atteint, où il esperoit.

Vn Chien portant en sa gueule des cail-  
lous pour en remplir vne cruche demy-  
pleine d'eau, afin que la haussant il en  
peut boire. *Dubijs solertiarebus.*

Les Grues se retirant sur l'Automne,  
volent en figure triangulaire pour s'as-  
seurer contre les vents. *Arteque, & alis.*  
Martial les appelle les oyseaux de Pala-  
mede.

Plutarque au traitté des animaux quels  
sont les plus advisez ceux de la terre ou  
des eaux, dit que les Grues craignant les  
Aigles qui ont leurs ayres sur les rochers  
quand elles veulent traverser le mont  
Taurus, mettent en leur bec chacune v-  
ne assez grosse pierre, pour se brider de  
cette façon de mors, afin que sans caque-  
ter elles passent outre. Soit donc vne

Grue volante vne pierre au bec. *Pone ori  
fr.ena modumque.*

Et encores vne Grue avec vne pierre  
dans l'un de ses pieds, *Ne sopor irruat.* C'est  
ce dit Pline, afin de s'eveiller si la pierre  
tombe.

Autre mot, *Officium natura docet.*

Et encor ce mesme oyseau, ou vn He-  
ron ayant la teste dans les nuës. *Nubila su-  
pra.*

La Licorne que Pline dit ne se pren-  
dre iamais tant quelle est en vie. *Nullum  
in morte malum,*

La Fouque oyselet assez conneu, si el-  
le trouve quelque rivage secret, où elle  
aye de quoy vivre en paix, elle n'en bou-  
gera iamais. *Vbicunque bene,* selon le dy-  
stique pris du Grec.

*Inveni portum, spes & fortuna valete.*

*Nil mihi vobiscum ludite nunc alios.*

Vne Choïette sur le dos, & se deffen-  
dant du bec & des ongles contre les oy-  
seaux qui la viennent herceler. *Qui se ren-  
verse n'est maté.*

Vne fleur de Marguerite. *D'esta flor ven-  
tura, i vida.*

L'herbe Moly à plein poing: *Hac tutus.*



Elle sert contre les venins. Homere dict que Mercure en apporta au sage Vlisſe contre les forceleries de Circe.

Le Cerf ſechant ſon bois au Soleil avec ce mot, *Punguntque præſta*. C'eſt ce dict Ariſtote, pour les endurcir au combat.

Le poiſſon dit Acipenſer autrement Blanc-poiſſon au teſmoignage de Plinẽ a eſté tant eſtimé que ceux qui le ſer-voient devant les Empereurs eſtoient couronnez, & ne marchotent qu'en pō-pe avec les haux-bois, comme nos Rois en chaque ſervice de leurs feſtins ſolem-nels, il eſt de telle nature, que ſeul entre tous les aquatiques il rebrouſſe ſes eſcail-les vers ſa teſte & nage contre-mont les rivières. Les eaux ſignifient les adverſi-tez & tribulations. Le mot ſera, *Contra audentior ito*.

Les ſept Eſtoilles de l'Ouſe mineure qui ne ſe cachent iamais, & ne tombent en l'autre Hemisfere. *Sine occaſu Felix*.

Vne Eclipſe de Lune, que les anciens apelloiēt ſon travail, *Frater ſuccurre ſorori*.

Pour vn qui ſeindra aymer en vn lieu & ſera engagé en vn autre, qu'il face peindre vne maſque, *Vera latent*, ou bien

*Da verum cernere lumen.*

Pour vn cœur constant & qui espere apres ses adversitez remonter au dessus de ses affaires, Le Safran qui plus est pilé aux pieds plus il fleurit. *Calcata virescunt*, ou bien, *Atritu melior*: où ce qu'en dict Pline, *Pereundo provenit*.

Vn Rocher battu de la mer environné de bans & escueils, & en la cime vn Laurier. *Dura duro*, en duras penas.

Pour vn qui n'a autre appuy que de sa propre vertu, vn gros cep de la vigne, que Pline appelle Orthampelos, qui n'a besoin de pieu ny d'eschallas pour la dresser, celle de nostre Touraine se soustient ainsi. *Se sustinet ipsa*.

Pour vn qui n'offense autrui de guet à pend, mais sçait bien l'heure de se venger, Vn Cigne tenant soubz ses pieds vn Aigle, *Provocantem ulciscar*. Pline dict qu'entre l'Aigle & le Cygne l'assaillant perd.

Pour vn bon serviteur des grands, l'Elefant qui s'incline vers le Soleil levant, comme pour l'adorer. *Solem*, regemque salutat.

Le mesme animal marchant sur la cor-



detendue comme Pline l'a veu. *Ny ça, ny là*: où dançant & recordant sa leçon du bal, comme Plutarque dit en avoir aussi veu.

Encor vn Elefant qui comme il à esté dit cy-dessus, brise son yvoire contre le premier arbre. *Pars perit, vt totum seruetur.*

Le semblable se dit du Castor qui se chastre de ses dents, jettant aux poursuivans ce qu'ils desirent pour se sauver. *Servat neglecta voluptas.*

Ce mesme grand Roy des Animaux tournant sa trompe ou proboscide, & s'en servant à tous usages. *Ad cunctos commodat usus.*

Ceux-là s'abusent qui ont escrit, que l'Elefant n'a point de iointures, & que ses quatre iambes sont toutes d'une piece, car i'enay veu vn à Vienne en Autriche en la cour de l'Empereur Maximilian II. qui se mouvoit, levoit & couchoit comme vn cheval.

Plutarque en ses problemes s'esmerveille de ce que l'hirondelle, bien que pendue aux festes de nos cheminees & conversant parmy nous, ne s'appriivoise

iamais, d'où vient ce Proverbe de ne recevoir de tels hostes. Qui donc aura fait plusieurs bons services en vn lieu, dont il n'a peu tirer douceur & privauté, ny aucune recompense, il peut bien faire peindre avec vne hirondelle. *Nullo flectitur obsequio.*

Et pour montrer que nul travail, nul refus, nulle disgrâce n'a fait perdre courage. Vn Dromadayre tirant pays, chargé de grandes sommes & pesans fardeaux. *Nec onus, nec meta gravabit: ou bien, No suffro, mas de lo que puedo.*

Le mesme Dromadayre troublant du pied l'eau où il veut boire, *Iuvat emt alabore gloria.*

Et encores vn Dromadaire se pourra peindra pour la sobriété, parce qu'aux chaleurs d'Afrique il endure la soif & demeure sans boire douze iours.

Le Chat-huant couvant ses œufs sert à mesme intention, par ce que qui a mangé vn de ses œufs hayt le vin toute sa vie.

Vn chiffre sur vn tronc d'arbre, *Crescit arbor, gliscit ardor.*

Vn cœur ayant deux ailles rognees par les bouts traversé d'un Ancre, la partie



basse tournée en haut. *Por a vero isto pu-  
de & co tal pena.*

Le corail dans la mer n'est qu'herbe ou  
jonc, & hors l'eau s'endurcit. *In utrum-  
que.*

Pour vn qui se fie en sa vaillance, *Decus  
& tutamen in Armis*, avec vn Herisson qui  
s'enveloppe de ses traits poignans, où  
*Meame virtute involuo.*

Vn Daufin environné d'Estoilles par al-  
lusion de celuy qui fut mis au Ciel pour  
avoir sauvé le harpeur Arion. *Quia te  
servavit, Arion.*

Ce même poisson Royal enfermé dans  
le filé ou eparvier avec des petits poissōs,  
dont il se paist romt en fin la seine, & se-  
chappe, *Gaude erepte periclis.*

Le même ayant vn jong coufu à tra-  
vers la peau de la creste, car les pescheurs  
luy ayāt donné cette marque, ce dit Plu-  
tarque, luy pardonnet la premiere fois,  
*Ie ny retourne plus.*

Pour celuy qui a expedié de grandes  
affaires & ne luy en reste plus qu'une.  
Qu'il peigne vn crible & dans iceluy vne  
fleur de pensée & plusieurs telles fleuret-  
tes au dessous. *Toutes pensées passées fors  
vne.*

Vn poin tenant vn poignard & brulant  
au feu sur vn Autel , c'est le fait coura-  
geux du Romain Sceuola. *Decepta gloria  
dextra.*

Vn mariage bien concordant c'est vn  
double chef sur vn même cors , quand  
donc il vient à se dissoudre , par le decez  
de l'une des parties , l'autre suruiuant  
peut peindre vn Amfisbene, ou serpent à  
deux testes dont parle Lucain, *Et gravis  
in geminum surgens caput Amfisbena.*

L'une d'un bout & l'autre à la queue.  
Dont cette cy soit coupee & tronson-  
nee pres du col restant cette la viuante,  
& au bas ce mot *Supereffe mori,*

Vn Basilic avec ce mot, *Ad lachrymas.*  
Car Orus dit que ce serpent Royal signi-  
fie l'immortalité,

Deux Alcyons peins en leur nid com-  
me petits passereaux verdissans serui-  
roient bien a cette même signification la  
fable en est vulgaire aux metamorfoses.

Vne epine seche c'est le bois dont se  
faisoient les torches aux noſſes. *Ariditate  
viret.*

Des Arcs, des fleches, des miroirs  
tout rompus & cassez, *Fracta magis feriunt,*



Sur le même sujet de qui a perdu sa moitié. Vne Corneille qu'Orus dit estre hieroglyphique de veuvage. *Hæc mihi Cygnus erit.*

Vn miroir noircy à demy ouuert, *Aspectus terret.*

Deux torches allumees, *Extinxisse nefas.*

A qui souffre diuerſes paſſions dont l'une renaist de l'autre, je luy donne vn Hydre ou Dragon à ſept teſtes, dont l'une retranschee en produit bon nombre d'autres. *Dolor vsque renaſcens.*

Si le porteur y veut adjoûter vne torche il le pourra faire, puisque Hercule n'en vint à bout qu'avec le feu. *Ferro & fare.*

Vn petit troupeau de brebis & au milieu vne houlette fichee la couronne au deſſus. *Talis Rex, qualis Grex.*

Vn nauire au milieu de l'orage. *Inertis tata ſecare.*

Vn gros tronc ou buche nouailleuſe, & vn coin qui la fend, *Forti modo, fortis cuneus.*

Vn pennache de diuerſes plumes d'oiseaux, avec celle d'Aigle, que Plinẽ dit auoir cette vertu de plumer les autres.

*Deuorat vna alias.*

Vne cane arrachant de son bec vne herbe fort enracinee. *Deficiam, aut efficiam.* Car elle est si opiniastre qu'il faut qu'elle arrache ce quelle a entrepris ou qu'elle y demeure.

De meme vne branche de Palme ou de Laurier *Efferar aut referam.* Ce mot ce pourroit encor mieux rapporter à vn drapeau de guerre, que le porteur doit rapporter, ou se faire dedans enseuelir.

Vne epée droicte à la pointe rayoneuse en forme de Diademe. *Virtutem extendere factis..*

Des champignons ou potirons naisans en vnenuict. *Quod cito fit, cito perit.* l'Empereur Claude mourut pour en auoir mangé.

Le Laurier frappé du Ciel, contre son priuilege. *Spoliamur iure vetusto.*

Vn pommier trop chargé, & se rompant de fruiçts. *Inopem me copia reddit.*

Vne fontaine pleine iusques à ses bords ne croissant ni décroissant, telle que celle, laquelle Pline dit estre aux chams Salentins. *Nec auctu, nec haustu,*

Vn qui se plaignoit de la cruauté de



la Dame, ne trouuant devise à propos pour bien l'exprimer mit vn écu tout blanc sans peinture : & ce seul mot. *Si ie viuois i'en trouueroy.*

Vn Cameleon poureux & changeant de toutes couleurs. *Mutatur in horas.* Le même à gueule bee humain l'air pour toute pitance. *Viento dulce mantenimiento.*

Vn Cube ou carré parfait, fleurdelisé *Stat lege Rex, Stat Rege lex.*

Vn autre Cube dās vn cercle montrant la cōstance *In tereti fixus.* En mathématique le point se raporte à l'vnité ou monade, la ligne à la dyade, la surface au ternayre, si de la on en faict vn cors solide. Ce sera notre Cube symbole de Diuinité.

Aussi faict encor le triangle pour la puissance du Pere, sapience du Fils, & amour du S. Esprit : Qui nous fait aymer Dieu sur tout, en second lieu nous même, & en tiers lieu le prochain autant que nous, & dans ce triangle les anciens Philosophes y escriuoient ce mot, *DIVINITAS.*

Vn Cercle tout rond. *Vbi principium, ibi finis.*

Vn autre du centre duquel toutes les lignes egales se tirent à la circonference.

*Calum, undique sursum.*

Vne cloche ou campane ebranlee, & sonant pour appeller chacun au seruice Diuin, on l'appelle vne Clarine, quand elle est à autre vsage. *Sibi non sapit uni.*

Pour le desir de liberté. Quelques oyssillons dans vne cage, *Nittitur in syluas quæque redire suas.* Pour enfans de bonne race vn tronc d'arbre ebranché, rejettât plusieurs sions & branchettes verdoyantes. *Generosa repullulat arbos.* ou bien vn Oliuier, *Sicut nouella oliuarum.* Car cet arbre ne reçoit enteure d'autre espee. C'est pourquoy le Psalmiste au 127. promet aux craignans Dieu, que leurs enfans seront certains.

Pour vne société mal sortable vne rouë d'un char rompuë, *Claudicat altera.*

Pour vne société indiuisible, l'Oliue & le Myrthe, selon Theofraсте. *Vsq̃ue ad aras.*

Vn autel à l'antique *Hæc ara tuebitur omnes.* C'est ce que remonstre Hecube au Roy Priam au 2. de l'Eneide-

Vne borne à l'antique comme il s'en



void au grand cirque de Rome, d'où viét le Proverbe, *A carceribus admetam*, pour signifier qu'une douleur se donne trop de carriere, & passe la raison, *It dolor ultra*.

Ianus à deux visages figurant le passé & l'aduenir, *A fronte à tergo*. Quelques vns ont pensé que cestoit Noë le Patriarche qui auoit veul l'auant & l'apres le Deluge.

Vne Cigogne devorant des serpenteaux dont elle fait perdre l'engeance, *Conficere est animus*. Ciceron dit *ibes maximin vim anquinam conficiunt*.

Vne Lyre persee aux flancs & au dessous d'où se distillent des eaux en figure de larmes *Ex gaudio lacrymæ*.

Vne Orfraye ou vn Hyboulamentant sur vne branche seche, *In fletum ducere voces*. Qui voudra y mettra la Tourterele.

Vne teste d'Argus parlemee de cent yeux moytié d'icetix clos, & l'autre moytié ouuers, & pleurans

*Los Serrados por no Mirar,*

*Los auiertos par llorar.*

Vn chien qui se lance dans vn grand feu ardent, tel qu'on le faisoit aux funérailles antiques. *Hero superesse nefas est*

La

La fidelité des chiens se remarque en ses deux histoires. L'une du chien du Roy Lyfimac, l'autre du Roy Hyeron, qui se brulerent & consommerent parmi les brasiers de leurs maistres.

Vn qui avoit force traverses & broüilleries en la teste, & ne laissoit pas de se donner en proye à l'amour, prit de Virgile parlant du sac de Troye cette Ame sans dessein. *Tenent damai qua deficit ignis*, Par les gros ennemis il entendoit ses fasteuses occupations, par le feu l'Amour.

Vne Tortue, ou vn Limas pour signifier la garde la maison, *ὄνκος φίλας, ὄνκος ἀείρος*. Ou bien à ce mesme tardif animal luy donner vne aile de chaque costé. *Amor addidit alas*, pour montrer que les affections rendent diligens & habiles, ceux qui estoient paresseux.

Vne Oye criaillant sur vn donjon, pour resveiller les chiens muets, & sentinelles dormantes du Capitole assailly par les Gaulois. *Hofis adest eia*.

Il ny a pas iusques à ce vil animal d'Araignée, dont on ne puisse tirer vne bonne devise, ou du moins de sa toile qui sert à estancher le sang des coupures. *In-*



*terrupta retexam.* Ovide au quatriesme de ses Metamorf. feint qu'Arachne bonne filandiere & texiere fut changee en cette verminiere par Minerve.

L'Araignee faisant ses toyles dans vn casque, ou vn corps de cuirace. *Pax finit.*

Mesmes le Lievre poureux peut servir de symbole à la promptitude. *In cursibus audax.*

Vn chesne sec & my-mangé de vieillesse embrasse vn Lierre. *Et arida tecum.*

Encor ce mesme chesne battu des vens & des orages, mais tousiours droict & fueillu. *Per damna, per auras.*

Vne queuë à esguiser & vn rasoir qui l'entame, *Cogitata perficiam.* Ce fut vn devin qui l'esprouva devant Tarquin le vieil.

Vn grand bouclier à l'antique tel que la Spartaine dans Plutarque le donna à son fils l'envoyant à la guerre, & luy disant. *Aut cum hoc, aut in hoc.* Car au lieu que les fuyars le iettent, il le falloit rapporter, sur peine d'estre tenu traistre, couïard & apostat, & si on mouroit, il seroit de list d'honneur & de brancar pour estre dans iceluy porté en la sepulture.

La hache d'Achille qui blesse & guerit, & pour mieux la reconnoistre on peut mettre au dessouz *Pelias*, qui estoit son nom, & à l'entour pour devise. *Vulnus opemque tulit.*

Vn iong brisé en pieces par vn dedain. *Rhannusia rupit.*

Encor vn iong sur le col de deux bœufs accouplez, mais éloigné & porté au dessus sans leur toucher. *Libertas vicina iugo.*

Vn Chamois qui est Chevre sauvage sautant d'un rocher en vn autre: le chasseur la cuidant prendre se perdroit quelque fois, s'il n'estoit suivy & secouru de ses compagnons. *Terrant nulla pericla.*

Vn oyseau de Paradis sans pieds & toujours en l'air. *Nil mi terra.*

Vn heaume dans lequel les avettes font leurs ruches. *Ex pace ubertas.*

Vn Papillon voletant à l'entour de la chandelle, où il se brusle. *Mucho placer causa la muerte.*

Vne troupe de Cerfs suivans vn Lyon qui leur porte le drapeau. *Miles ducis æmulus.*

Vn anneau & deux mains jointes vn au dessus vn marteau qui menasse de les



casser & briser. *Que brantar la fe es cosa muy fea.*

Le Hanap ou grand tasse d'or du Roy Nestor qu'Homere décrit si amplement ses bases ses ances, ses graveures & ciselures, & estoit si pesant que les plus ieunes & robustes ne le pouvoient soulever. Il n'y avoit que ce sage vieillard, qui le peust, porter à sa bouche, *Seris usus ab annis.*

Vn poing dextre portant vn œuf, le bout en haut à vn pouffin demy-esclos. *Certissima mi spes.*

Vn oyselet tel que vouldrez voletant à l'entour d'un tronc où il est retenu; attaché d'une cordele par vn pied. *Non volo, quando volo.*

Deux petis Temples portez sur colonnes à l'antique tels que celui de la Sybille à Tivoli, bastis de telle sorte que l'on entre de l'un en l'autre, & pour les discerner, y aura escrit au front de l'un *Virtuti*, & de l'autre *Honori*.

N. Marcel fit que par la vertu on entroit en l'honneur, Marius au contraire que de l'honneur on se faisoit passage à la vertu. I'y donne ce mot, *Alterius sic alte-*

*ra poscit opem.* Cestuy-cy y servira assez,  
*Honori prævia virtus.*

Vne besche le manche de laquelle est entortillé d'un Serpent, & sur le tout en pal vne couronne, *Labor, virtus, gloria.*

La griffe d'un Aigle portant des triples pointes de foudre. *Quò iussa iouis.*

Vn ionc qui ploye à tous vents. *Flectitur non frangitur.*

Vne couronne ou chapelet d'epics de bled. *Non nisi morte cadit.*

Acca Laurentia en fit present d'une telle à Romule, non pour son titre de Roy, ains pour sa dignité de Sacerdot Arual par luy institué avec tels privileges, que ny pour forfait, ny pour bannissement, ny pour prison, ny pour desastre quelconque on ne perdoit cet honneur. *Honos is inquit Plinius. Non nisi morte finitur & exules, captosque comitatur.*

L'Astre de la couronne d'Ariadne environnée d'estoilles, que Baccus posa au Ciel, lors qu'il l'espousa. *Casti pignus amoris.*

Comme le feu esprouve l'or: ainsi l'adversité les amis. Soit donc vn creuset d'orfevre plein d'or sur vn feu de char-



bons. *Sic aduersa probant.*

Vn Cheval bondissant pour vn guerrier. *Bello armantur equi*: ce fut le signe de guerre que produisit Neptune, debattant pour estre parrain d'Athenes, & luy donner nom, par preference de Minerve qui de sa hache frappant la poussiere en fit sortir vn Olivier. *Otagede seure paix.*

Vne Chimere composee de trois animaux sera bonne pour vn homme eloquent, bien versé és trois genres de causes: car le Lion qui est terrible, c'est le iudiciel és matieres criminelles. La Chevre qui est lascive, & sautant çà & là à son plaisir c'est le demonstratif, où il est permis à l'orateur se mettre sur son bien dire. Le Dragon sera pris pour le deliberatif, à cause de la varieté des argumens, tours & retours, dont il faut vser afin de suader ou dissuader ce qui se propose. Le mot sera, *Triplici regnat regione.*

Es monumens & sepulchres anciens, s'y void souuent la graveure d'un Lion attrappant de ses griffes quelque animal, comme vn Taureau, vn Belier, vn Chien, vn Serpent, & selon les especes on fait iugement des vertus ou complexions de

celuy, qui y est ensepulturé. Si on figure donc vn Lion tenant vn aigneau tel qu'il se void à Rome au Temple d'Esculape, on conjecturera que de fier & bravache, vn homme est devenu gentil & courtois. *De forti dulcis*, allusion à l'Enigme de Samson.

En Egypte on adoroit vne espee de Guenon qu'on nommoit Cynocéfale ou Cercopytheque, auquel se remarque vne vivacité d'entendement sur tous autres animaux: & c'est comme vn opprobre aux hommes, que telles laides bestiolles s'efforcent luy ressembler & le contrefaire en tant de petis gestes. *Simia tam similis turpissima bestia nobis.*

Iusqu'à la qu'Alexandre le Grand rencontrant des troupeaux de ces bestes marchant entre des valles par forme de scadrons bien rengez, il commanda soudain qu'on allast à la charge, pensant que ce fussent gens de guerre: mais depuis se ravisant de son erreur ne sceut autre chose faire, qu'en rire tout son saoul. C'est pourquoy ces peuples voulant signifier vn homme de lettres, peignoient vn Cynocéfale tenant en main l'escritoire & en



l'autre la plume à écrire. Et dit-on qu'on en a veu former bien leurs lettres. Et à ce propos qu'en Hespagne ce dit l'auteur du courtisan, y avoir de ces petits magots, si avisez qu'il donnent proprement eschec & mat. Le croye qui voudra, & y mette, *Ingenium superat formam.*

Le Caducee composé d'une verge d'or entouree d'un Dragon masle & une femelle liez par la queue au pomeau, d'un fautoir, ou noeü, qu'on dit Herculien, se reflechissant en my-rond pour s'entre-baiser est le symbole de l'eloquence & sagesse. C'est pourquoy Alciat y adjoustant l'abondance d'Amalthee, dict que cest raison, que les sages & bien disans deviennent riches. *Sit copia doctis.*

Une trouffe de fleches liee par le mitan comme il se void en quelques reales de Castille pour l'union de ce Royaume là, avec celui d'Arragon. *Vis nescia vinci,* ou bien *unitas*, regardant à l'histoire de Scyllure.

Cinq espics de bled pour la frugalité, *Paucis contentus.*

Deux Bœufs soubz mesme ioug tirans la charruë. *Sic vos non vobis.*

Vn Pelican qui pour les siens se tuë dans  
Marot en vn chant Royal. *Perit ut det vi-  
vere proli,*

Deux ancras en sautoir. *Visa quod una  
parum est, anchora facta duplex.* Si le vers  
est trop long, qu'on en choisisse telle  
moitié qu'on voudra.

Vn Ours qu'Aristote dict dormir six  
mois. *Spero avvanzar, con la vigilia il sonno.*

Le poissonnet nommé Remora ou E-  
chinus, s'il s'attache à vne nave, pour  
grosse qu'elle soit il l'arrestera en pleine  
mer, sans que les flots, ny furie de vents  
ayent puissance d'ebranler ce vaisseau.  
Celuy de Marc Anthoine fut de cette  
sorte arresté lors de la bataille navale,  
qu'il perdit contre Auguste, *Magnis par-  
va moram dant,*

Vn navire en mer sans gouvernail. *In  
mar senza governo.*

Vn collier de chien d'attache garny de  
cloux, *Sans blasme.*

Vne Belette ayant vn collier de Ruë  
combattant vn serpent. Chacun sçait  
que ce bestion fortifié de cette herbe ne  
craint plus le venin, & pourra cette de-  
vise estre arboree par celuy qui se croise-



ra contre les ennemis de la foy , son drapeau dorant de ce mot. *Spe fultus , sperno venena.*

Vne Palme qui plus on la charge plus se releve. *Onerata exsurgit in altum.*

La Houcie s'ouvrant & tournant toujours vers le Soleil. *Ad solum solem.*

Vn Pin chargé de ses pommes , toujours meures. *Semper matura.*

Vn Cerfnageant vers le rivage conduit de son odorat. *Tactus odore.*

Vn Meurier avec ses meures , *Re sapiens.* Cet arbre estoit la devise de Ferri Morel.

L'Huitre orientale my-ouverte sucant la rosee du Ciel , dont elle faict ses perles precieuses *Celitus.* Se prend pour la grace de Dieu.

Pour celuy qui sera venu à bout d'un plus puissant que luy , vne Hyenc tenant renversee soubz ses pieds vne Panthere , qui est vn des plus beaux des plus forts & impetueux animaux , & neantmoins la Hyene , qui n'est qu'un peu marquetee & mouchetee sur sa peau , bestelote de nulle valeur à cette propriété occulte & antipathie sur la Panthere. *Fortem supera-*

*ri saepe videmus.*

Pour la vengeance vne Tygresse depeçant aux ongles & aux dents vn Cheval: cet animal est fort viste & des plus cruels c'est pourquoy Didon reproche à Enee, qu'il en a succé les tettes. Les Chasseurs d'Hyrcanie guettent, quand la mere est allée au pourchas, & lors desrobent ses faons, qu'elle faict d'ordinaire en assez bon nombre: & se sauvent à la course d'un genet le plus leger qu'ils peuvent. La mere les suit de si pres, qu'on est contraint luy en ietter vn à terre, qu'elle reporte à sa caverne, & ainsi des autres: tellement qu'il n'en reste plus qu'un ou deux pour lesquels emporter on est contraint se ietter dans vne barque & laisser au rivage le cheval, sur lequel cette fere exerce sa rage & cruauté. Claudian du ravissement de Proserpine le dit vn peu autrement, & que les chasseurs iettent sur leurs pas en fuyant, des miroirs en forme de boules rondes chrystallines, dans lesquels la Tygresse se mirant pense voir l'un de ses petis & s'y arreste. Nous y adapteron cet hemistyché de Iuvenal, *Vindieta nemo magis gaudet femina.* Ou ce-



stuy-cy de Claudian. *Vitree tardatur imagine forma.*

Vne Hye est vne machine dont se seruent les Charpentiers en forme d'une poutre longue d'une toise & espaisse de dix-huict poulces en quarré & s'esleve en haut avec vne gruë, puis tirant vn crochet avec vne cordelle, on faict retomber cette Hye sur vn chesne ou autre pilier aygu par en bas, que l'on veut ficher au fonds d'un fleuve, pour la dessus ieter des sablieres & faire vn pont. Nous en avon veu l'vsage & le voyon assez souvent sur nos ponts au change & aux oyseaux & s'appelle en Latin *Fistuca*. Soit donc peinte cette machine & pour devise. *Vincet ab alto.*

Vn Travail c'est ce qu'on void chez les Mareschaux où ils enferment les chevaux fascheux entre quatre piliers pour mieux & à l'aise les ferrer. Vn Seigneur François y mit ce mot. *Pour dompter folie.*

Si quelqu'un se veut vanter d'avoir pénétré iusqu'au secret de son ennemy, qu'il face peindre vn Lynx, que l'on pense estre vn Loup cervier qui se trouve en Polongne, dont on apporte ces plus bel-

les pennes & fourrures. Car combien que cet animal aye la memoire si courte qu'en mangeant, s'il leve les yeux, il oublie sa charongne. Si est-ce qu'on luy donne l'œil le plus aigu, & vif de tous les autres, iusques à là, qu'on dit qu'il passe à travers vn gros arbre, ou vne muraille.

*Quantum oculò linceus.* Ce nom fut donné à vn Sicilien, qui du Lilibee cap de Sicile voyoit dans le havre de Carthage, & contoît au vray les voiles qui y entroient & en sortoient.

Sainct Ambroise pour nous admonester du soin que nous devons auoir à l'instruction de nos enfans, Nous donne pour exemple & devise, vne Ourse avec ses petits ourseaux qui naissent, comme vne masse de chair sans yeux & sans forme: mais à force de les lecher, elle leur donne aux corps telle perfection, que les peres & meres par la discipline la donnent aux tendres esprits. *Lambens formant datè artus.* on dit que Virgile lechoit ainsi ses poemes, pour les rendre parfaits.

A l'exemple de cette cy on peut voir que dans les sainctes escritures, prises en tel qu'on voudra de leurs sens, soit literal



historial, moral ou anagogic, les esprits releuez peuuent recueillir mille beaux emblemes & devises & dans les saincts Peres aussi, qui en sont les secretaires & interpretes.

Lours encore lechant ses deux piez de devant signifie vn homme qui patiemment supporte son indigence: car cet animal à ce qu'on dit viura quarante iours sans manger, & sans prendre autre suc, que ce qu'il tire de ses piez avec la lāgue, *Proprio viuit sibi succo.*

Vn diamant taillé en plusieurs faces, Plus on le taille, & plus il diminue, ce qui se rapporte à vn flambeau, qui plus sert plus se consomme, Cette devise fust d'un Milord Anglois que la Royne employoit en ses guerres & expeditions, & vouloit dire que plus il estoit employé plus il estoit contrainct s'absenter de l'œil de sa maistresse. L'Italien dit *Lontano de l'occhio lontano del cuore.*

Mincrue à soux sa protection le Hibou, pour ce peut estre que cet oyseau nocturne, nous represente les meditations & etudes, qui se font à la lampe & au silence, par ou s'aquiert la Prudence & sagesse.

se. Ceste Deesse estoit tutelayre, à la ville d'Athenes, où y auoit plus grand foison de tels oyseaux, d'où est venu le Prouerbe porter des Hibous à Athenes : comme qui diroit des coquilles à saint Michel sur le peril de la mer, ou autre saint Michel du Treport. C'est pourquoy Demosthene echappé de la prison, où il auoit esté detenu au chasteau de Pallas. O Roynie, dit-il, des Citez, pourquoy te delectes tu de cestrois males bestes du Dragon, du Chathuant, & du Peuple. Il se void assez de vielles monnoyes gravees de cet oyseau *Meditando excudimus arteis.*

Ce même oyseau fiché au bout de la lance de Minerue nous signifie dans Homere la Sapience : comme aussi la verge d'or par laquelle les compagnons d'Ulysse ont esté changez en pourceaux frappez de l'un des bous & sont reuenus en forme d'hommes apres auoir esté touchez del'autre bout, dont l'allegorie est tres-belle. Que par l'un des bouts s'entend la fauce persuasion, l'ignorance & la folie, qui transformant les hommes en especes de brutes : Et par l'autre bout de cette verge s'entend la droite discipline



& connoissance des choses, qui nous re-  
met & reïntegre en la figure humaine.  
*Fugat hoc, facit illud honorem.* On pourroit  
à ce propos ramentevoir la verge de  
Moïse: mais il me suffit de parler de cette  
verge diuine, par laquelle Cicéron à la  
fin des offices dit, que tout ce qui est ne-  
cessaire à la vie nous estourny en abon-  
dance de la main liberale & benediction  
de Dieu.

Deux torches allumees entre-liees d'un  
noeud en laz d'amour, c'est la devise d'a-  
mour mutuelle. *Vtuntur face mutua.*

Vne Corneille ayant deux poinçons fi-  
chez dans ses deux yeux, qui les luy cre-  
vent. *Cornicum figere lumen.* Se prend pour  
signifier vne jeunesse, qui s'efforce à de-  
vançer les plus vieux en quelque belle in-  
vention comme Cicéron pour Murene  
& Pomponius de *orig. iur.* l'ôt remarqué.

Vn encensoir & vn bocal d'eau qu'on  
nomme en Italie vn *Enguisterre.*  
*Desinit esse prius contrarius ignibus humor.*  
Menace d'inimitié & peut seruir la seule  
fin de ce vers d'Ovide.

Les Romains auoient appris des Tos-  
cans les augures & devinailles par les oy-  
seaux,

seaux, & en avoient fait des reigles de telle estime, donnant à ceux qui deuinoient de telles prerogatiues & dignitez, qu'ils envoyoit les enfans des Patriciens, jusques en Toscane apprendre ce mettier sur le lieu, & se faire endoctriner en cette science, en effet si vaine que Caton disoit qu'il se falloir ebahir si on voyoit vn seul devineur se gardant de rire à la rencontre de son compagnon & collegue. Soit donc peinte vne de ses cages, que les Romains faisoient porter en guerre, & dans icelle deux poullets; se baissans sur leurs mangealles, qui leur estoit vn bon augure. *Propatria augurium.*

Vn Capitaine Romain voyant que ses soldats ne vouloient pas aler à la charge, epouvantez de ce que ses poulets ne mangeoient pas, les fit jetter en l'eau disant, puis qu'ils ne veulent manger qu'ils boient. Ils auoient toujours de quoy prendre vn bon presage.

*Soldati, frati, e Polli,*

*Non si vegon mai battolli.*

Vn Cilindre. *Quod premit aequat.*

Vne sie & deux glaiues au dessus en fautoir: pour vne bataille douteuse, quand la



victoire est reciproque , & penche ores  
d'un costé, ores de l'autre, *Æquato exami-*  
*ne.ou bien ce vers,*

*Cedimus, inque vicem præbemus crura sagittis.*

Aussi la victoire est elle peinte avec des  
ayles , pour dire, qu'elle ne s'arreste pas  
toujours en vn endroit Festus vse de ce  
terme, *Serra pugnare.*

La victoire se dit Cadmeane, quand le  
vainqueur pleure egalemēt avec le vaincu.

Vn mastin à Berger à gueule beante  
pour mordre avec vn collier garny de  
cloux tout autour, *Pro clipeo & gladio.*

Adrian Turnebe professeur és lettres  
Grecques & en la Philosophie , portoit vne  
pique droite entouree d'un lierre, & d'un  
serpent , le chef en haut avec ce reste de  
vers d'Homere, βασιλεῖ τ'ἀγαλῶ, καπερὼ τ'αἰκμηῖ,  
C'est ce vers qui plaisoit tant a Alexandre  
le Grand pour les belles qualitez y com-  
prises d'estre bon Roy & vaillant soldat,  
l'un pour conseil, l'autre pour l'executiō.

Christofle Plantin natif de Tours de  
l'impression duquel sont sorties ces gran-  
des bibles en tant de langues , & autres  
œuvres les plus belles, & correctes, qui se  
soient iamais veues, merite qu'on ramen-

toive icy sa devise assez connue. Vn compas ouvert tournant sur vn cercle. *Constancia & labore.*

Deux de ses gendres ont suiuy sa devise. Le Tiers Beis a pris le lis. *Casta placent superis.*

Robert Estiennel l'oliue entee. *Noli altum sapere.*

Alde Manuce Romain, l'ancre entouree du Daufin avec mot *Matura.*

Simon de Collines, la faux de Saturne. *Virtus sola, aciem retundit istam.*

Vascofan & Ferric Morel son gendre, par la fontaine coulante en plusieurs ruisseaux, vouloient signifier l'abondance des beaux liures qu'ils distribuoient au public.

Pour avertir à se donner garde des fraudes occultes seroit bon peindre trois chausse-trappes, qui sont petits cloux à quatre pointes, dont l'une quoy qu'on la tourne dresse tousiours son piqueron en haut, & les trois en bas. *Sic fraudes, & fuge liteis.*

Caton disoit *Forum muricibus sternendum.* pour faire que le pavé du Palais ne fust si souuent foulé aux piez. Il y a vne espee



de chardons qui porte ce nom de chauffe-trappes pour la ressemblance.

Cromer en l'histoire de Pologne dit que sur la contention entre quelques Barons à qui seroit eleu Roy : il fut avisé, que celuy qui auroit vn cheual plus vite & leger auroit la couronne. L'vn des cōtédans fema le chemin de chauffe-trappes, & fit ferrer son cheual de fers tous pleins sans aucun vuide : par ainsi surpassa ses compagnons, delquels les cheuaux devindrent boiteux.

Pour remarque d'ancienne noblesse vn gazon de terre entre des cyprez : car cet arbre est funeste mais ne se dōne qu'aux nobles temoin Lucain,

*Et non plebeios luctus testata cupressus.*

Vn Figuier entouré de plantes de Ruë, qui par ce voisinage cessent d'estre ameres. *Dulcorem vicinia fecit.*

On à veu en de vieilles monnoyes des figuiers, avec cette inscriptiō d'vn costé, *Ambrosie*, de l'autre *Nectar*, qui sont la viande & le breuvage des Dieux.

Si vous desirez à vostre Amy vne fanté de longue duree, envoyez luy vne guirlande d'Amaranthe, qui est vn espy

rougeastre, plustost qu'une fleur qu'on a dit passe-veloux qui se garde long-tems, ne se fenne presque iamais: & si on l'arrouse d'un peu d'eau, vous diriez qu'on la vienne de cueillir: c'est pourquoy on luy donne cet epithete d'immortelle.

*Nullom arcescit ab æstu.*

Vn feu de charbon allumé, dont on retire une marmite qui avoit assez bouilly. Pythagore commandoit qu'on effaçast de dessus les cendres, les marques du pot qu'on y avoit mis, afin d'y cuire quelques viandes. Pour montrer qu'il ne faut garder la souvenance des iniures, ny de la vengeance qu'on en pourroit esperer. Le Soleil ne se doit cacher sur nostre cholere. *Paulatim efferbuit humor.*

Le courroux s'atiedit bien quelque fois par belles paroles comme disoit l'ancien. *Magnum ahenum quando fervit, paula confutat Trua.*

Quand l'Empereur Auguste vouloit signifier une grand' promptitude: il disoit *Citius quàm asparagi coquantur.* Soit donc peinte l'Asperge, à qui voudra qu'on voye, qu'il soit prompt & diligent.



Puis que le vulgaire sçait que le chou est contraire à l'ivrayson, qui voudra recommander sa sobriété peigne vn pied de chou entre deux seps de vigne. *Sobrietatis olus.*

Le Chardonneret oyselet fort petit ne vit que de chardons & d'espines & est nommé Acanthis dans Aristote : ainsi l'homme vaillant & industrieux, se sert des choses aspres & difficiles, comme pour l'entretien de sa constance & vertu. *Spina alios punquant me pascant.*

Vne couronne de telle sorte qu'on voudra. *Non coronabitur, nisi qui certarit.*

1. Tim. 2.

Vn timon de navire. *Dum rectum teneam.*

Neron dormant eust vne vision qu'on luy arrachoit le timon. Les devineurs luy repondirent, qu'il se gardast qu'on ne fit contre luy vne conjuration, pour le despouiller de l'Empire.

Vne lampe allumee. *Plus olei, quam vini, ou doctrine genitrix.* C'estoit la devise de Demosthene, auquel on fit reproche que ses harangues sentoient l'huyle. La lampe d'Epictete encor qu'elle ne fut que de terre, fut cherement vendue

pour la celebrité du Filosofo , à qui elle avoit servy en ses estudes.

Vn frein ou mords de bride pour la temperance. *Ponas freno modumque*. Nemesis s'appuye sur le coude, tenant vn frein de l'autre main, comme le porte l'epigramme Grec.

Vne quenouille brisée, le filet arraché ou pend le fuseau. Pour le destin, ou regret, qu'on à de la perte d'un amy. *Hæc fato stamina rupta*.

Vne Nasse entouree de deux lignes avec leurs hameçons. *Non amor est, sed amaror, & error*. Le poisson pour avoir l'appast qui est dans la nasse, ou au bout du hameçon se laisse souvent prendre, & Ciceron à sagement dit, que les hommes se laissent amorcer à la volupté, comme les poissons à l'appast.

Le Prince ou le Capitaine qui espere reduire ses subjets ou ses ennemis soubz sa puissance, peut peindre en ses drapeaux des ceps, menottes, entrappes, cordes & crochets & autres telles menasses. *Hæc victis vincla parantur*.

Vn ioug pour la patience. *Superare ferendo*. Allusion à l'une des devises de



Leon dixiesme qui y mettoit. *Sueve.*

Le Secretaire d'un grand, en tesmoignage de son fidelle silence, peut vser d'une clef doree, le cachet de mesme, dont se paroient les mains de Ianus, & du Dieu Portumnus. *Quod clausit, nemo recludat.*

Vn Chesne sur lequel vn Aigle porte des boyaux est l'augure d'une grande dignité perdurable, ainsi qu'il fut predict à Galba, mais elle luy fut tardive & courte ainsi que luy predict Tibere. *Et tu quandoque degustabis imperium.*

I'adjousteroy icy les devises que les ordres ont prises si elles n'estoient notoyres. I'y mettray seulement celle de l'ordre d'Anjou, qui estoit vn Croissant, & autour *Los en Croissant:* comme il se void en la chapelle de cet ordre à saint Maurice d'Angers, & au tombeau de Charles VIII. dans saint Denis. Quand le Roy de Sicile donnoit cet ordre, il ne donnoit qu'un Croissant, qu'il falloit accroistre & en faire vne grosse nave, garnie de ses arbres, hunes, cordages, chasteaux de pouppe, & prouë, & ce en vertu des

fais & gestes vertueux subsequens, dont les preuves se devoient rapporter & verifier au chapitre : autrement qui ne l'augmentoit il luy tournoit à honte. Je n'ay point veu d'ordre institué avec plus belles loix & ordonnances que cettuy-cy comme on verra en son lieu.

En tout ce grand nombre de devises que ie vien d'entasser, les vnes sur les autres : il est impossible qu'il ny en ait quelques vnes qui plaisent au lecteur : il est aussi bien difficile, que toutes plaisent à tous, & que les vnes ne viennent à goust plustost que les autres, selon le plus & le moins : car nul livre ne se compose, qu'il ny en aye de meures, de vertes, & de moyennes. Que si le nombre se trouve esgal, ie tien mes labeurs pour bien employez : puisque Marcial a prononcé que pour trente bons Epigrammes, vn livre se peut dire bien & doctement fait. Vous pouvés croire que i'en eusse bien peu adjouster d'autres : mais ie me suis contenté de cette mediocrité, suivant l'ancienne devise Gauloise, *Tout par moyen. Moyen par tout. Par tout moyen. Par moyen tout.* C'est le *μὲν δὲν ἀγαθόν* des Grecs. I'en y ay rien



voulu mettre de trop, il y avoit assez de quoy amplifier, & croy bien qu'il y en aura qui le lisant en trouveront le bout trop tost à leur gré, & n'appelleront ce livre qu'un livret: & pleust à Dieu qu'il y en eut beaucoup de cest advis. Cest pour ces esprits candides que j'ay pris ce travail en repos, en intention de servir & plaire en quelque chose à nostre gentil Roy Louys. Auquel Dieu doint accroissement & perpetuelle felicité, & aux bons esprits de la noblesse Françoisse: & cependant afin que tant d'exemples de devises que j'ay mis cy-dessus ne soient inutiles. Pour me recueillir, ie concluray qu'on peut remarquer cy-dessus, que toutes nos devises doivent estre de choses intelligibles & que la galantise & merveille se doivent tirer de l'accouplement de la chose & des paroles. Que si de quelques vnes comme de l'autel de Junon, de l'espine & autres, un homme du commun, voire un homme moyennement lettré les trouve trop difficiles, il est besoin que cette difficulté soit assaisonnée de quelque facilité, que dans cet obscur il y ait quelque rayon de lumiere. Tout

ainsi qu'en la poësie il n'est nul si grossier, qui de premiere rencontre ne s'aperçoive de la mesure, cadance & rime, comme Ciceron dit que cela advenoit assez souvent sus le theatre Romain, que les plus rudes de toute la populace, iettoiēt vn cry de desdain & de mespris, s'il eschappoit quelque iambique trop court, ou trop long: mais les beautez du vers, les artificieuses figures qui y seront enchassées ne se remarqueront que par les gens à ce connoissans, & bien experts comme on dit que du mestier & de l'artifice nul n'en est bon iuge s'il n'en est luy mesme excellent ouvrier & maistre passé: ainsi en la pluspart de nos devises cy-dessus, si bien nous ne sçavons pas discerner du premier coup quel oyseau c'est, celui que nous voyon depeint, ny quel Poisson, ny quelle Fere, ny quelle Herbe, ny quelle Pierre precieuse: il suffit qu'en general nous connoissiō, que c'est vne pierre, vne herbe, vn poisson, vn oyseau: surquoy la similitude qu'en donne Aristote fait bien à propos, que de loin quand nous voyons quelque chose nous concevon que c'est vn arbre, vne



motte, vne tour, vne muraille marchant plus avant, nous voyon que c'est vn homme de cheval: mais estant tout contre nous, lors nous sommes asseurez que c'est tel ou tel de nostre connoissance.

Ainsi suffit que les notions nous viennent par degrez, & peu à peu, & comme on dit par les menus: & que plus on considere vne devise, plus elle se face entendre, la peinture par la lettre, & la lettre par la peinture. Et chacun selon sa vacation & capacité: autrement se pourroit trouver tel homme docte ayant toute sa vie estudié Aristote, Plin & Gesner des animaux, Rondelet & Belon des Poissons, qui ne sera pas si duit & experimenté à bien discerner vne beste des bois ou bien vn poisson, comme vn vieil Vavasseur ou pescheur. Et quant aux simples il y en à qui pour avoir leu Dioscoride & Mathiole n'en sçavent pas tant, qu'une herbiere des haies, & qui ne connoissent que l'ortie, la laitue & le pourpié, celle la pour en avoir esté piquee, cette cy pour les avoir veuës sur table.

De tous ces exemples cy-dessus on peut conclure que tous ces corps de de-

vifés font toust tirez de la nature , de l'art, ou de l'accident, & cas fortuit. De la Nature, comme des oyfeaux: la Corneille, le Hibou, l'Aigle, le Cygne, les Alcions &c. Des beftes à quatre pieds, comme l'Elefant, le Chien, le Loup-cervier & autres. Le tout eft, d'y approprier bien à propos des mots tirez de bons Auteurs. Quant à l'art c'eft comme vn navire, vn vaze fait de verre ou de bronze: vn faq, vn fepulchre, vne lyre, &c. Mais le cas fortuit il eft de deux fortes, fabuleux & historique. De la fable font toutes ces fictions des Poëtes. Vn Pegafe, vn Navire d'Argos: vne couronne d'Ariadne, vn Hydre, vne maflue d'Hercule, des Alcions, lesquels bien que nous venion de les mettre foubz le premier chef de la Nature, toutes-fois en tant qu'Ovide en a fait vne Metamorfofe de Ceyx & d'Alcyone fa femme trans-formez en Alcions, nous les mettron icy au rang des fabuleux. Comme auffi la couronne d'Ariadne: car encores qu'elle foit vn Afre au Ciel: toutes-fois les Amours de Bacchus qui la trans-forma en Afre, lors qu'il l'efpoufa apres Thefee qui l'avoit a-



bandonnée en l'Isle de Naros sont pures inventions des Poëtes. De l'histoire se pourront tirer des accidens historiques, comme le Temple de l'Honneur, de la Vertu, de la Gloire, de la Foy, de l'unon. La guirlande d'Espions: le chien d'Hieron, & si adjousteray icy le Temple de Proserpine, dont se lit, que ceux de Locres ayans guerre contre ceux de Crotonne, voulurent faire apporter dans la ville les thresors qui y estoient gardez: mais (dit Tite Live) vne voix fut ouye, qui disoit qu'on se gardast bien de toucher à ce thresor sacré, & que la Deesse sçauroit-elle mesme bien deffendre son Temple. Cela fit changer d'avis à ceux de Locres, de sorte qu'ils voulurent environner ce Temple de fossez & de rampars. Desia les murailles estoient eslevees capables d'estre defendues, lors qu'elles cheurent par vne soudaine ruyne. Qui voudra donc de cette histoire faire vne devise, qu'il peigne vn Temple sur vn rivage, & à l'entour des murs imparfaits & ruynez. *Ne trepidate meas defendire turreis.* Pyrrhus Roy d'Albanie pillà depuis les thresors de ce mesme

Temple, comme avoit fait auparavant Pleminius dont il prit mal à tous deux & à leur armee. Et que sera-ce de ceux qui faccagent & pillent le Temple du grand Dieu vivant, & iettent au vent les cendres de ses saincts & Martyrs?

Pour le regard des devises prises pour vn cas fortuit, le Prince d'Angleterre institua la iartiere dans Bordeaux, en faveur de la Dame qu'il aymoit, à laquelle cette iartiere estant cheute il la releva & baïsa, quand il vit qu'on s'en esbahissoit, il dit qu'il la rendroit si honorable que les Chevaliers d'honneur tascheroient à la porter. Il y fit escrire Honni soit, qui mal y pense : outre laquelle histoire ie me contenteray pour la fin de vous en rapporter vne autre, que j'ay veu peinte en la cheminee de la premiere sale du Chasteau de saint Maur des fossez: dont ce Chasteau & village d'Hemery sont fort proches : dans les iardins, duquel parc & spacieux pourmenoirs a esté dicté la pluspart de ce petit ouvrage. Ce tableau est vne perspective d'un superbe Chasteau en crouppe d'un costau, & au bas il y a vne grosse riviere, qui fait plu-



seurs plis & replis, & vn peu plus loin vn bourg en pente, du pied duquel se void vn grand pont à plusieurs arcades sur le mesme fleuve : & sur ce pont vn Prelat à cheval suivy de son train. Et qui penseroit maintenant que ce ne fut qu'un Enigme, ou vn païsage fait à plairir, & par caprice, & encores plus, quand on aura considéré à loisir la fin de ce vers qui sert d'ame à la devise.

*Et hæc tu compendia vita.*

De moy apres y avoir long temps revassé, j'ay reconnu que ce Chasteau ne pouvoit estre autre que saint Germain en Laye. La riviere, la Seine qui s'en coule par replis au deffouz, dont le plus proche pont en çà est saint Cloud. Il arriva qu'un iour le Cardinal du Bellay partant de S. Germain en Laye, fut semons par plusieurs honnestes personnes qu'il avoit treuvez en chemin, de passer le bac avec eux à Chatou & au port de Neuilly. Mais soit que Dieu se voulut servir encores de ce docte & digne Prelat, ou pour quelque secret à nous inconneu, il ayma mieux aller par la chaussee, encore que le chemin pour aller à Paris fut

fut d'une lieue plus long que l'autre, & bien luy en prit : car la corde du bac, ou les autres s'estoient mis, se rompit à Neuilly & tous furent perdus. Depuis le mesme Cardinal en fit tirer l'histoire, en forme de devise, telle que nous venons de la représenter en son Chasteau de S. Maur, dependant de son Evêché de Paris, pour avertissement que les chemins les plus courts, ne sont pas tousiours les meilleurs. Vous pourrez voir encor les rencontres que j'ay recitez en devise du Cardinal de Tournon, *Fundi nostri calamitas*, il voulut entendre la Damoysselle de Fondy, pour laquelle il avoit dépensé l'argent de son Ambassade. Ainsi chacun peut sur les occurrences diverses de sa propre vie, se dresser des devises & advertillemens pour luy & pour les autres. Et sur ce bon avis & histoire, que ie tien par tradition entre vne infinité d'autres, dont ie pourray avec l'assistance du Ciel communiquer vne bonne partie au public : Je ( qui le premier en ma langue ay donné ces preceptes) prieray le Lecteur attendant la suite de se ressouvenir de ce que dit Martial, qu'il est facile d'escrire



178 TRAITTE DES DEVICES.

quelque peu d'Epigrammes: mais bien difficile d'en faire vn iuste volume. Erasme l'à bien reconnu, lors qu'il eserit au devant de ses Chiliades, qu'il est bien aysé de ramasser des douzaines: mais fort mal aysé de produire des centaines & milliers.

*Perfacile est aiunt proverbial scribere cuius,  
Haud nego: sed durum est scribere Chiliades.  
Qui mihi non credit, faciat licet ipse periculum:  
Mox fuerit studijs aq̃ior ille meis.*

FIN.

---

*Extrait du Priuilege du Roy.*


**L**O V Y S par la grace de Dieu Roy de France & de Nauarre, à nos amez & feaux Conseillers tenants nos Cours de Parlement & Maistres des Requestes de nostre Hostel, Preuost de Paris, & à tous nos autres Iusticiers & Officiers qu'il appartiendra, Salut. Nostre bienamé Rollet Boutonné Marchand Libraire de Paris, nous a fait humblement exposer qu'il a recouré vn manuscrit intitulé. *Discours ou Traitté des Deuises, ou est mise la raison & difference des Emblemes, Enigmes, Sentences & autres, pris & compilé des cahiers de feu Messire François d'Amboise, Cheualier Baron de la Chartre sur Loire, Seigneur d'Hemery, Maluoüe, Reuilly, Bourot, & nostre Conseiller en nos Conseils d'Etat & Priué, & Maistre des Requestes ordinaire de nostre hostel, Par Adrian d'Amboise*, lequel il desireroit faire imprimer, requerant sur ce nos lettres. A CES CAUSES voulans ledict exposant estre recompensé de ses frais, mises, peines & traux à la charge de mettre deux exemplaires en nostre Bibliotheque, Luy




auons permis & octroyé, permettons & octroyons par ces presentes, d'imprimer vendre & debiter ledit liure par tout nos Royaumes, pays, terres & seigneuries, & cependant l'espace de six ans, à compter du iour & datre des presentes, faisant expres inhibitions & deffenses à toutes personnes de faire le semblable sur peine de confiscation des exemplaires, & de six cents liures d'amende, moitié à nous applicable, & l'autre audict exposant, voulans en outre qu'en faisant mettre au commencement ou à la fin dudit liure ces presentes, ou vn extraict d'icelles quelles soyēt tenues pour signifiees & venuës à la cognoissance de tous sans souffrir ne permettre luy estre fait mis ou donné aucun empeschement: Au contraire de ce faire vous donnons pouuoir & mandement special: C A R T E L E S T N O S T R E P L A I S I R. Donné à Paris le II. iour de Iuliet, l'an de grace mil six cens vingt, & de nostre Regne le vnzième.

Par le Conseil,

LE CONTE.









WILLIAM SALLOCH  
Pines Bridge Road  
Ossining, N.Y. 10562



